

IAZ.  
III

I

XXXVII

C.

22

BIBLIOTECA NAZ.  
Vittorio Emanuele III

XXXVII

C

22

NAPOLI





2

CHRISTOPHORI  
CELLARII  
ORTHOGRAPHIA  
LATINA  
EX

VETVSTIS MONVMENTIS

*Hoc est Nummis, Marmoribus, Tabulis, Membranis  
veterumque Grammaticorum placitis;*

NEC NON

Recentium ingeniorum curis excerpta,  
digesta nouisque obseruationibus  
illustrata.



VENETIIS, CIOIOCCXXXII.

TYPIS JOSEPHI BETTINELLI.  
SUPERIORUM PERMISSU.



2

CHRISTOPHORI  
CELLARII  
ORTHOGRAPHIA  
LATINA  
EX

VETVSTIS MONVMENTIS

*Hoc est Nummis, Marmoribus, Tabulis, Membranis  
veterumque Grammaticorum placitis;*

NEC NON

Recentium ingeniorum curis excerpta,  
digesta nouisque obseruationibus  
illustrata.



VENETIIS, CIOIOCCXXXII.

TYPIS JOSEPHI BETTINELLI.  
SUPERIORUM PERMISSU.





# LECTORI

## BENEVOLO S.

**E**N ORTHOGRAPHIA noua, post  
 Aldi Manutii. nepotis, Iusti Lipsii.  
 & Claudii Dausquii, aliorumque  
 labores egregios ex antiquis monumentis  
 collecta denuo, discussa & examinata, at-  
 que iis præcipue scribendi modis, in quibus  
 dissident hodieque eruditi viri, ut clarius  
 intelligantur, accommodata. Duas in par-  
 tes distributa est: priore de litterarum fi-  
 guris ac mutationibus, aliisque, quæ ac-  
 cidunt illis, disputatur: altera singulæ vo-  
 ces, in quarum scriptura dissentitur, or-  
 dinatim recensentur & explicantur, & quo  
 hi, illi utantur præsidio, perspicua breui-  
 tate indicatur, adiecto modeste iudicio no-  
 stro, saltim, in quam partem propendea-  
 mus, non occultato. In prima parte id agi-  
 tur maiori cura, cujus causa inducti su-  
 mus, ut in argumento hoc, multis contem-  
 to & parvi factò, aliquid componeremus.  
 Utique multi anni sunt, ex quo certis de

A 2

caus-

caussis discessi a vulgari scribendi ratione, illamque elegi, quæ post litteras renatas a plurimis eruditorum in xvii. vsque sæculum Christianorum fuit approbata, nec insequenti tempore ubique gentium deserta, sed a doctissimis etiam viris in diuersis nationibus adhuc industrie conseruata. Hanc scribendi meam & multorum consuetudinem explicare non alienum visum fuit, ut, quibus caussis illa oriatur, quibusque tueatur se, si quibus minus est cognitum, ut non pauci mihi confessi sunt; distinctius id declaretur. In qua tota causa me ita semper gessi, ut nemini aliquid obtrudam, ac ne discipulos quidem adigam, ut orthographiam meam imitentur: sed expositis documentis diuersarum opinionum, cuique integrum relinquam, ut, quam velit, in scribendo viam ingrediatur. Hortor tantum & idemdem admoneo, ut quisque certus in sua sit consuetudine, semperque paratus argumentis eam & rationibus probare ac tueri;

OR-

# ORTHOGRAPHIAE

## LATINAE

### PARS PRIOR

#### DE

#### LITTERIS LITTERARUMQUE

#### ADFECTIONIBUS.

**L**itteræ sunt inuentæ, ut custodiant voces, &, ut Fabius ait, velut depositum reddant legentibus. Illarum signa seu figuras Græci a Phœnicibus; a Græcis Romani siue Itali dicuntur accepisse. Horum alterum iam nobis curæ est, idque haud difficile ad probandum: quia pleræque illarum figuræ communes Græcis cum Latinis sunt, A, E, I, O, B, M, N, T, & quæ Græcæ ideo apud Latinos etiam vocantur, Y, K, Z; aliz leuiter inflexæ ita, ut etiam ad originem perfacile reuocari possint. Numerus neutri genti admodum certus fuit, sed processu temporis, & sermonis varietate auctus aliquando aut mutatus, quemadmodum patrum memoria Latinæ quædam litteræ I & V ad id tempus vniformes, pro soni diversitate a multis factæ bifformes sunt: de quibus infra dicetur. Non autem iam de numero disputabimus, de quo Priscianus lib. 1. consulatur; sed recepto adquiescentes, de litteris, &, quæ his accidunt, mutationibus disquiremus.

SCRIPTURA DUPLEX, ROMANA  
ET MINUSCULA.

Olim ea figura litterarum erat, qualem in nummis & antiquis inscriptionibus videmus, maiuscula omni, siue ut nostri typographi vocant, *versalis*, quia versus iis in mutata etiam scriptura plerumque incipiuntur. Cuius formæ antiquissimi etiam codices in Italia & alibi supersunt, scripti ante, quam barbaræ gentes cultissimas imperii Romani regiones occuparent. Minor scriptura altera, quam vulgarem & currentem dicunt; velocitatis causa adsumta est, adiuuante barbarorum deprauatione: eaque postmodum, quod commoda erat, & libri scripti omnes sunt, & arte multiplicandi inuenta, typis etiam expressi. Nihil autem hæc singulare habet aut proprium in orthographia, sed ut vices maiusculæ gerit & antiquæ, ita illius quoque legibus continetur, nisi quod in quæstionem venit, quando necesse sit majores litteras minoribus, in principio vocabulorum admiscere:

## LITTERAE GRAECAE

Υ, Θ, Κ, Φ, Χ, Ζ,

Cautè Græcas litteras Latini tractant. Sunt autem υ, θ, κ, φ, χ, ζ, quæ tantum in iis verbis sunt respiciendæ, quorum manifesta ex Græcis petita est deriuatio; non a coniectura nugacium grammaticorum. Sic υ male adsumtum est in *sydus*, *syncerus*, *syro*, quæ nullo modo sunt ex Græcia: dubie in cetera, *syntus*, *hyems*, *stylus*, *elypeus*, *inelytus*, *lacryma*; & si hæc essent ab *υλη*, *υω*, *συλος*, *γλυφω*, *κλυτος*, *δακρυον*, (quod tamen non omnibus est liquidum) tamen recepta vsu ita sunt, & Latini ciuitate donata, ut tamquam nata in Latio, non ut Græca & peregrina, censeantur. Obertus Gifanius, præfatione  
in

in Lucretium prælare : De *Græcis* verbis, iisque omnibus, quæ *Græca* sunt origine, sed *Romana* prorsus iam facta, recte exarandis, longe aliam mihi, quam quæ vulgo, est sententia. Puto ea, quæ in vetustis codicibus uno consensu, licet *Græca*, *Romano* more sunt exscripta; iidem a nobis scribi debere, ut sua cuique relinquatur & vindicetur consuetudo. Quæ autem *Romana* iam sunt vocabula, licet *Græcia* originem debeant suam, non ideo tamen scripturam sequi debent. Exempla, quæ ad y pertinent, hæc apposuit, *hiems*, *stilus*, *filua*, *inclitus*, *clipeus*, *lacrima*. Quædam ex his interdum per V sunt scripta, ut *lacruma*, *inclutus*, *clupeus*; sed hoc archaismus sapit, qui postea cultiori ævo fuit emendatus : *Sulla* vero, viri nomen, quod *Græci* Σύλλα scribunt, *Latinum* est, ideoque ubique fere u servatum.

Littera S Latine per th reddenda est, quod ex innumeris propriis, *Athene*, *Theba*, *Thracia*, & ceteris est clarum : an vero etiam *author*, *letum*, *ibus*, *Thufcia*, scribendum sit, sunt qui dubitent; verius negant alii. Ecquod enim *Græcum* nomen est, unde *author* sine ineptiis ducatur? quam incertum, *letum* esse a ληθῆ, *ibus* & *Thufcia* a θυῶ, id est sacrificio? Veteres scripserunt *audtor*, *letum*, *tus*, *Tufcia*, ut a Manutio ex antiquis probatum monumentis est. Par ratio proprii *Anthoni*, ut perperam quidam hodieque scribunt, quum semper *Romani* *Antonius* sine adspiratione scripserint.

K Græcorum reddimus per C, in quod transit, ut raro inter Latinas appareat, & in paucis tantum vocabulis, ut *Kalenda* in libris & lapidibus; *Karus* & *Karissimus* in cippis antiquis sæpe : quod vero, quia in libris non est, nemo putat facile imitandum esse : minus ea imitanda, quæ rarissime in faxis sunt, *EVOKATI*, *ARKA*, *MERKATOR*; & in nummo Valeriani *VOLKANVS*.

Ϙ valet *pb*, & tantummodò Græcorum est, vt *Phosphorus*, *φῶσφορ*. Non autem locum habet, vbi in Græca origine non est, ac male *Bosphorus* scribitur, & *trophæum*, quia utrumque in Grecis π habet, *Βόσπορος* a *πίπος*, *transicio*; & *τρόπαιος* a *τρέπω*, *verto*. Solum nomen *triumphus*, ex Græco *θρίαμβος*, non alia, quam priscae consuetudinis lege mutat & θ & β, ibi abiecta adspiratione; hic adsumpta illa, & simul littera mutata β in π. Olim quidem *triumpus* dicebant, vt Cicero in Oratore c. XLVIII. testis est; post autem, conuicio aurium flagitante, *triumbus*; id quod in lapidibus obtinet: in posterioribus etiam *triumfus*.

X Greca littera per *ch* exprimitur, vt *chaos*, *chimæra*, *charta*, *machina*. Raro Latinis, aut quorum incertior origo est, vindicatur, vt *pulcher*, *inchoo*: nam & antiquitus *pulcer* dixerunt, vt Cicero auctor dicto loco est: postea suauitatis causa *b* adiectum: sine ratione autem *sepulchrum*, & *lachryma* vulgo scribunt, quia, quod Cicero ibidem addit, *per aurium iudicium semper licet dicere* SEPVLGRA, LACRYMAS. Fauet etiam originatio, quia *sepulcrum* est a *sepultum*, sicut *ambulacrum* ab *ambulatium*, *lauacrum* a *supino lauatium*, nulla adspiratione interueniente: *lacryma* autem a *δάκρυον*. Eadem ratio est *charus*, *charitas*, vnde expelli decet adspirationem. Nec Gallorum *cher*, *charisè* quidquam probant, quum ii etiam *chair* ex *caro* formant, *chien* ex *canis*; ubi nemo vquam de Latinis adspirandis cogitavit. Accedit, quod saepe numero in lapidibus legatur KARISSIMVS, e. g. Grut. pag. 418. MATRI KARISSIMAE; & pag. 424. MARITO KARISSIMO, & p. 428. CONIVGI KARISSIMO. K autem expers est adspirationis; atque ita etiam C, quando pro K Græcorum est. Hac veteri scriptura confutantur, qui

qui *carus* a *χάρις* deducunt. Nihil enim commune *κ* & *χ* habent: ut de acceptus diuersitate nihil dicam. Non ergo *carus*, dilectus, differt a *carus*, quod est pretiosus, nisi quod hoc proprie, illud *μετ' ὠνυμίας* dictum est. Pretiosa enim sunt grata & dilecta.

Stat ergo *y*, *cb*, *pb*, *tb*, litteras Græcas esse, Latinis vocibus non inferendas, nisi *cb* in paucissimis, ubi usus poscebat & euphonia. Bene Flavius Caper, vetustus grammaticus pag. 2246. (ed. Putsch.) *T litteram nulla vox nostra adsciscit*. Et Priscianus lib. 1. pag. 543. *T & Z Græcorum causa nominum adsciuimus*. Et sic de ceteris Græcis censeatur.

## VOCALIS LATINÆ.

Haftenus de *T* vocali Græcæ aliisque Græcis litteris: Latinæ sequuntur litteræ, & primum *Vocales*, non omnes: A enim & O nihil difficultatis habent, sed solæ E, I, & V.

E breue respondet Græco *ε*, vt communis figura antiqua E confirmat: longum, Græco *η*, vt *Epirus*, *scena*, aut etiam *ei*, vt *Laodicea*, *Apamea*, & Horatii *Alexandrea*; de quibus infra aliquid dicemus. E & I, vt cognatæ vocales sunt, ita olim permutatæ aliquando, etiam in diuersos vsus coniunctæ, diphthongorum more. Priscianus lib. VII. de accusatio plurali tertix, ita tradit; quorum primus & secundus casus singulari numero sint similes, eorum quantum plurali plerumque veteres in *is* longum, non in *es*, qui fuetus exitus est, formasse; e. c. Sallustii principio: *Omnes homines nisi decet*. *Aeneid.* IV. v. 427.  
*--- cinerem manus reuelli.*

Et lib. IX. vers. 60.

*--- ventos perpressus & imbris.*

Et sic vbique apud Virgilium, quod etiam ab iis qui

cum

cum cura ediderunt, ex MSS. ita expressum est. Et veteri lapide apud Grut. pag. 198. extrema, FINIS TERMINOSQUE STATVIVSSIT. Ac Pilius in Cæsaris cenotaphio ULTRA FINIS EXTREMAS. Vt vero discrimen *is* longi & brevis significarent, multi utramque vocalem, qua exire accusatiuus solet, E & I coniunxerunt, vt in Ciceronis libris, a Grutero castigatis; sæpe videmus *eiueis*, *forseis*, *cadeis*, *omneis*, cetera; & Lucretius lib. III. vers. 116.

-- & *omneis accipis in se*

*Latitia motus, & curas cordis inaneis.*

Quod Solipat. Carilius etiam lib. 1. ad alia, quæ cre-  
scunt genitiuo, transfert, *maioreis*, *homineis*, pag. 111.  
Et in veteri tabula Grut. p. 204. pr. GENVATEIS.

Casus quoque I & IS plurales, etiam aliud I, longum præsertim, olim EI scribebatur. v. g. Grut. pag. 199. SALENTINEI, RHEGINEI; & pag. 296. seq. DEBRVTIEIS, DE TVSCIEIS, DE CORSEIS; item pag. 506. seq. QVEI SIET, singulari numero: SEI, si; NEI, ni; VBEI: IBEI: PARENTIS SVEI: SEINE SVFFRAGIO. Id quod Varro in auferendi casu in *is* exeunte constanter seruat, vt lib. v. de LL. *antiquois littereis*: & lib. vi. *a balneeis*: sæpe etiam in I, vt eodem libro *nominandei casibus*: ibidem, *vocandei*, *appellandei*. Hæc vero vt antiqua erant, ita vsus sensim, vt ex inscriptionibus clarum est, abrogauit. De I consona acturi infra sumus. Antiqui etiam *ii* contrahebant, præsertim in verbis ex *Iactio* compositis. Grut. pag. 206. ex vetusto fragmento contractus agrarii DEJCITO: & pag. 207. PROJITO: quod illustrissimus Noris Cenotaph. pag. 473. Virgilio Mediceo fere perpetuum esse, exemplis productis demonstrat. I tum educitur; etiam alibi sæpe in antiquis monumentis, si longa  
quan-



quantitate est: nec vero id perpetuum, quia correpto idem interdum contigit. De compositorum ex *Iacio* contractione contrarium sentit Gellius lib. iv. cap. xvii.

*V* littera & vocalis est & alio usu consona: utriusque figura semper eadem usque dum auctorum memoria a paucis primum, dein a pluribus, nec vere ad hanc lucem ab omnibus, mutaretur. Sed de mutatione illa postea. Nunc de concursu *V* gemini aliquid dicendum est. Prisci Romani timide coniungebant, ac ut concursum declinarent, alterutrum, quod vocale est, plerumque mutabant in *O*; alterum autem, quod manebat, ut digamma Aeolicum pronuntiabatur: quamquam antiquitus alium & huius sonum fuisse ex Quintiliani lib. i. cap. vii. non obscure probari potest. *Nostri*, inquit, *praeceptores eorum servomque, V & O litteris scripserunt, quia subiecta sibi vocalis in unum sonum coalescere & confundi nequiret: nunc V gemina scribantur.* Si vocalis sibi subiecta, ergo non semper prior ut consona pronuntiata, nec opus diversa figura fuit. Difficultatem ut vitarent, *O* in locum vocalis substituerunt, dicentes *volgus, volnus, servos; aceruos*. Inscriptione vetusta Grut. pag. 204. legitur *FLOVIVM & CONFLVONT*. Terentius Scaurus Orthograph. pag. 2251. *EQVOM & SERVOM & similia antiqui per VO scripserunt, quoniam scierunt vocalem non posse geminari, credebantque, & hanc litteram geminatam utroque loco in sua potestate servari, ignorantes, nam, praepositam vocali, consonantis vice fungi, & poni pro ea littera, quae sit F.* Eminentissimus vir Henricus Norris Cenotaph. Pis. p. 470. addit, *non plane ignorasse, sed ex modo V litteram pronuntiandi, credidisse non posse geminari, quin syllaba augeretur, e.g. ser-u-us. At Augusto imperante prius V pro consonante acceptum: Claudium imperatorem, quod rem satis dubiam adu-*  
ple-

pluresque animaduverteret, *Aeolicum digamma inuexisse, quod inuersa littera & forma exprimeretur*. Vnde eodem principe facta inscriptione legimus Grut. pag. 236. num. 9. *DI I CAESARIS F.* item XV. *AI R & VII AI R* : sed hoc digamma, & aliae duae, a Claudio adiectae, extincto illo, ut Tacitus ait lib. XI. cap. XIII. *oblitteratae*; pristinusque usus *VV* duplicis, quod ex posterioribus etiam inscriptionibus liquet, reuocatus. Priscianus lib. I. pag. 545. *V loco consonantis posita, eandem prorsus in Latinis vim habet, quam apud Aeoles digamma F; id est Vau, ab ipsis voce profectum*. Pro quo Caesar hanc figuram & scribere voluit: quod quamuis illi recte visum est, tamen consuetudo antiqua superauit.

Tandem de *V* etiam querendum est, an recte in superlatiuis pro *I* adhibeatur; *optimus, maximus*: item in gerundiis atque cognatis participiis, *gerundi, dicundus, opprimundus*. Archaismus est, quo Sallustius cum primis delectatur. Quintilianus lib. I. cap. VII. primum *C. Caesaris* inscriptione factum, ut *optimus, maximus, mediam I, qua veteribus V erat, acciperent*. Quod maximus Noris antiquioribus testimoniis Cenotaph. pag. 472. confutat. In participiis diutius seruatum, aliquando etiam ab ipso Cicerone. Superlatiui quoque *simillimus, iustissimus* in Cenotaphio Caiano leguntur: sed plura in eo sunt antiquioris more posita. *Decumanus* autem, a *Decimus*, quod est, usus confirmauit.

## MVTATIO IN V ET I TENTATA.

Auorum memoria perique in figurarum additionem, non contenti atquo numero, dedita opera coniuauerunt, duas nouas adiicientes, sicut tres Claudius

dius adiecerat. Quæ enim in maiusculis una per tot sæcula V vel V fuerat, pro valore diuerso mutata seu diuisa fuit, vt V digamma & consonantem significaret; vocalis nouam formam U vel U indueret. In minore seu corrente scriptura fuit quidem gemina forma v, v ad veterem faciem; & u, u connexionis causa, vt videtur, in usum recepta: sed non pariter adhibitæ ambæ, nec semper ad eundem usum. Maiusculæ, id est veteris Romanæ scripturæ una figura V fuit, siue ea vocalem, siue consonantem significaret, id quod ex nummis & inscriptionibus manifestum est. Necdum centesimus annus est, quum altera U, U, vocalis litteræ quæ nota esset, adiceretur. Qui ergo antiquitatem imitantur, abstinere noua forma U, seu vt nostra memoria a Belgis & Gallis rotundari in basi cœpit, U; sola vtuntur antiqua V, quæ angulum acutum in parte ima habet: c. g. IVLIVS, FLAVIVS, IVENTVTIS. Minori scripturæ in manu exaratis libris plerumque est u seu u; rarius, quæ ex maiori expressa est, v, v, fere in principio vocabulorum. Ex quo factum est, vt primis ab inuenta typographia libris vbique forma u, u, in principio & medio, pro vocali & consonante scriberetur, quod a multis per dimidium xvi. sæculi ita retentum fuit, v. g. *uiuus*, *uerus*, *una*, *unus*. Qui vero curatius omnia exprimere voluerunt, inter vtramque formam v. & u non respectu valoris, qui vtrique communis manebat, sed ratione situs ac loci distinxerunt ita, vt, v, v semper ab initio vocis esset, u, u semper in medio. v. g. *lex est vt vna vxor vnus viri sit*: item *buius aui iuuenes viuunt licentius*. Atque ita ab initio fere sæculi xvi. cœperunt libri exprimi, vt hoc situs discrimen inter v & u obseruaretur; quemadmodum Ioannes Petit, typographus Parisiensis, ea lege Iustinum, Florum, Ratum & alios auctores exscripsit: & sub idem tempus,

pus, CIOIOX, ex eadem vrbe Oroſius prodiit im-  
preſſus ab Io. Barbier. Atque ita ſcriptum fuit pu-  
blicis litteris, prelo excuſis, vltra initium ſæculi  
inſequentis, quo rara mutatio vſque ad vicesimum  
annum fuit, a quo tempore maiorem in modum mu-  
tatio inualuit. Non autem vidi antiquiorem librum,  
quam Woberi Minucium Felicem CIOIOCH. im-  
preſſum, qui nouo illo, quod adhuc obtinet, inter  
u & v diſcrimine exſcriptus ſit; quamquam & ipſe  
in I, i teneat veterem, etiam conſonantis vigo-  
re, rationem.

Nam altera littera, in cuius forma nouatores ali-  
quid mutarunt, eſt I, i, quæ olim & conſona &  
vocalis ſub eadem figura erat. Mutarunt autem ita,  
vt I, i, vocalis vim ſeruaret: pro conſona ſignanda  
talem caudam adiecerunt J, j, *J, j*, in omni anti-  
quitate ad id vſque tempus inuiſam. Nummi, lapi-  
des vnam figuram habent: libri etiam omnes longe  
vltra ſexcentimum a milleſimo annum. Sic enim  
e. c. ſemper ſcriptum fuit IVLIVS, IVNIVS,  
POMPEIVS, LVCCEIVS; & minori  
forma *iaceo, adiicio, eius, peior*, cetera. Quamvis  
vero plurimi nouitatem hanc in V & I ſequantur;  
non deſuerunt tamen clariffimi viri, qui veterem  
ſcribendi rationem tenendam eſſe exiſtimarent; Gal-  
li, Germani, & maxime Itali, qui etiam in ver-  
nacula vt plurimum adhuc, & quum Latine ſcri-  
bunt, obſervant: e quibus, vt de aliis raceam,  
inſtar omnium Henr. Noris, vir ſummus, eſt, cu-  
ius in Piſana Cenotaphia commentarii ad oculos id  
demonſtrant: Germania Freinſhemium, Bæclerum,  
Io. Andr. Boſium, principes ingenii atque doctri-  
næ, oſtentat, quos duces in hac ſcripturæ cauſa præci-  
pue me ſecutum eſſe profiteor. Nec auctoritate ſolum  
tantorum hominum mouebar, ſed aperta etiam ra-  
tione. In minori enim ſcriptura ex V maiuſculæ &  
an-

antiquæ factum, u, v, est connexionis causa, quæ describentibus curæ erat & commoditati: quod vero in principio vocis non opus illo nexu erat, factum, ut antiqua forma v, v, sed minuta, ibi relinqueretur. Igitur nihil est, quod quidam formam u ubique in principio & medio reducere instituunt, quosdam codices fortassis imitati, sed non probatissimos, & qui rationem iam dictam posthabuerunt.

At utile, aiunt, & ad legendum & pronuntiandum est, si distinxeris illo nouo more inter V & U, inter I & J, præsertim pueris & tirunculis percommodum. Sed quoties aliter legimus ac scriptum est, quod cum primis linguæ Gallicæ contingit: nonnumquam etiam Latinæ, ut vel solæ diuisæ diphthongi probant? Vfus tot sæculis confirmatus, omnia reddit faciliora. Et cur non nouatores isti alphabetum vulgare augent, & mutant ordinem litterarum? cur in Indicibus & Lexicis suis non distinguunt & separant, quæ ab V & I vocalibus incipiunt, & quæ a consonantibus? si consuetudinis & antiquitatis causa id dicent tolerari (nec enim subest causa alia: ) cur non tolerant etiam antiquam figuram propter eandem consuetudinem ex antiquissimis temporibus deductam atque traditam? Nemini grauis sum, nemini veterem scribendi rationem obtrudo, sed discipulis etiam integrum relinquo, morem in hac re, quem volunt, imitari: tantum meam consuetudinem, nec solius meam, sed clarissimorum etiam virorum, immo post restituta litterarum sacra, per centenos amplius annos fere omnium eruditorum, expono, atque iis, quas dixi, rationibus defendo.

# ORTHOGRAFIA. DIPHTHONGI AE & OE.

A vocalibus quæ simplices erant, ad duplicatas venimus seu diphthongos, quæ plures quidem Latinis sunt: duæ autem inter scribendum controversæ, quia disceptatur, sintne vno ductu coniungendæ, an diuisæ & simplices, ex quibus constant, separatim apponendæ. Prima diphthongus olim non AE, sed Græcorum more AI scribebatur, quod nomina in denariis reliqua & antiquis monumentis AILIVS, AIMILIVS, cetera, ostendunt, quod cum aliis *terrai, frugiferai*, & Grut. p. 81. BONAI DEAI, in archaïsmis relinquendum est. Raro posteriores ἀρχαιογράφα illam æmulati sunt, vt in Claudii inscriptione Grut. pag. 194. CAISAR est.

De Latinis diphthongis autem aliter in maiuscula & Romana scriptura sentiendum est, qua semper diuiduntur AE, OE, & eliminanda figura Æ, tamquam ignota antiquitati: aliter in scriptura minuscula siue corrente, qua connexio æ, œ, œ olim sub tempus restitutarum litterarum, haud dubie ex MSS. codicibus introducta & conseruata fuit. Tota enim illa scriptura velocitatis causa adsumta fuit, & connexas fere in MSS. litteras habet. Et licet posteriores scripti codices plerumque diphthongos negligant, & vbique e simplex præ se ferant: alia tamen ratio antiquorum meliorumque est, ad quos restitutores litterarum respexerunt. Aldus Manutius P. F. cœpit æ, œ, etiam in minuscula scriptura seiungere, quem vero, qui imitarentur, per longum tempus nulli aut paucissimi fuerunt. Nostro æuo quum vnus & alter e clarioribus reducerent, plures nunc æmulantur, sed, quod illorum pace dixerim, sine causis iustissimis. Nam quod antiquitate se tuentur, illa rationem quidem in maiuscula scriptura habet, cui inepte Æ, intruditur pro AE;

non

non item in minore : aut si in hac quoque tam observantes sunt antiquæ consuetudinis , cur plerique , qui dividunt , U & J , ignotas veteribus figuras , suas faciunt ? cur ET innectunt & , & , vulgari more ? cur QVE sæpe implicate scribunt q (*transversa lineola*) , aut ineptius semicolo q ; siue q ; apposito ? omnia hæc contra Romanum morem non tolerant modo , sed multi etiam ipsi scribunt , ac typo curant exprimi , incuriosi sic antiquitatis ; in solis diphthongis scrupulosi atque seduli . Novi ; non omnes qui *æ* diuidunt , hæc admittere , sed quosdam *æ* dissolvere , & a glomerato q sibi temperare ; plurimi autem discernendo V & U , longissime discédunt ab antiquis . Quid ? quod tota illa minuscula scriptura contra antiquitatem est , barbaris temporibus detorta & depravata ex Romana , quæ omnis abiicienda esset , si ubique antiquum morem in scribendo vellemus observare .

Quid vero dicemus de *Æ* in denariis quibusdam per nexum expresso ? an iccirco satis antiqua illa est connexio ? Est antiqua , sed rarissima , & nummorum fere propria , quibus spatii angustia varias litteras , non tantum *AE* , sed plures alias & sæpius alias , quam *AE* , connectit . Fulvius Ursinus in nummis familiarum habet *Æ B V T I V S* , *C Æ C i n a* , *C Æ S i u s* , *C Æ S A R* , *L Æ C A* ; sed oppido rara : & eiusdem etiam nummis hæc ipsa nomina sæpiissime per *AE* , diuisas litteras , exscripta , immo semper sunt , paucis istis exemplis , iisque singularibus , exemptis . In nummorum autem litteris ligandis plus sibi sumebant Romani , quam in aliis monumentis , spatii credo , angustia induciti : idque non solum in *AE* , sed in aliis quibuscumque litteris , vocalibus & consonantibus . In iisdem enim Ursini Familiis , per nummos demonstratis , observamus etiam :

B

*Ad, id est AD; A, AL; AT, ANT; R, AR;  
 A, AT, TA; num idem in Cato & Cotta  
 inuenimus: A, AV; R, AVR; B; IB;  
 E, ET; H, HE; M, MA; R, MAR;  
 ME, ME; M, MP; V, MV; R, MVR;  
 NE, NE; N, NT; E, TE; H, THE;  
 R, TR; T, TV; V, VAL; R, VAR; V, VD;  
 E, VE; F, VF; L, VL; R, VR; V, VT;*

quæ omnia luculente ostendunt, angustum spatium in paruis nummis fuisse in causa, ut litteras quasdam artifices contraherent & ligarent: quod secus se in lapidibus ac æneis tabulis habet, ubi omnia plerumque sunt plene distincteque expressa. Quæ admodum vero ineptum foret, hos varios nexus litterarum hodieque, & frequenter, aut ubique imitari; ita non plus præsidii in nummis est connexæ formæ *Æ* quam ceterarum omnium formarum, quas ostendi, ad imitandum, quia figura *Æ*, æque raro, immo rarius in denariis, quam ceteræ nexiles omnes, occurrit: ut adeo in maiuscula scriptura, si Romanos sequi constituimus, *AE* separatim, etiamsi diphthongum sonant, sint scribendæ, non in vnam confundendæ formam seu figuram: minoris vero scriptiois, quæ nexibilis per se in manu scriptis codicibus apparet, & velocitatis causa inventa est, omnino alia, & ab relictioribus litterarum, viris sane doctissimis, approbata & confirmata ratio est, quam qui sequitur, minus mihi aberrare videtur, si modo in maioribus litteris diui-



diuisam Romanorum ipse scripturam in hac diphthongo AE persequatur.

Eadem conditio diphthongi OE, æ est, eaque propterea facilior, quia est rarior quam prima AE; & plerumque vocum Græcarum, quorum *oi* sic refertur, ut *mæchus*, *pæna*, *proæmium*, *æconomus*, *Oedipus*, *ænopola*, *Oesa* mons; in paucis inest pure Latinis, ut sunt *mauia*, *prælium*, & in propriis *Cælius*, *Clælius*, quamuis nec in his ubique est constans ratio, ut in parte posteriore ostendemus. Maiusculas inter litteras semper est OE sine connexionem scribendum, sicut nec typographi hodie connexionem eius formam maiorem habent: minoris autem scripturæ ac velocioris ratio est eadem, quæ dicta modo in æ siue AE fuit.

Sic plenas nunc scribendi rationes habemus, quas doctissimos viros secutus adhuc mihi exprimendas proposueram, quæ in hoc præcipue constitutæ sunt, ut maioribus litteris ubique Romanos veteres imitemur, vitando Æ connexionem diphthongum, & U & J figuras novas: minuscula autem in scriptura æ ac œ; & non necessentem v, u in principio ponamus; u, æ in media voce, eiusque sine. Non suademus, nec magnopere hanc scribendi legem commendamus: sed explicamus & defendimus ubique olim consuetudinem receptam, quam cum paucis ipsi, antiquitatis veneratione, nec argumentis probabilibus destitutam, æmulamur.

## CONSONANTIVM MUTATIONES EXTRA COMPOSITIONEM CVM PRAEPOSITIONE.

Consonantes litteræ in scribendo etiam variant aut permutantur facile, præsertim si cum prioribus posteriora tempora conferantur. Sic B in V, ac versa

B 2

vice

vice mutatum videmus, in inscriptionibus sæpe, & frequentius in legibus iuris Romani, v. g. DANV-VIVS amnis, apud Grut. pag. 448. ACERVVM fatum, id est acerbum, pag. 519. BERVM etiam, Spon. Misc. p. 36. id est verum etiam: Probaverit, id est probaverit, lege xxxiii. Dig. de condic. & demonstr. Sed hæc ad normam Augusti ævi reuocanda, non imitanda temere: in libris autem & lapidibus non improbanda, quia temporis excusationem habent. Videas etiam antiquis inscriptionibus P loco B positum esse: Grut. pag. 436. ex Marii ævo APSENS: & in fragmine agrariæ legis p. 503. OPTINEBIT: & in Cenotaphio Caiano APSTINERE, & OPSERVARI; & in altero Lucii, OPSEQUENTI. Causam tradit Quintilianus 1. cap. vii. *Quum dico OPTINUIT, secundam B litteram ratio poscit: aures magis audiunt* P. Notanda hæc sunt, non imitanda: Quod enim B præpositionis ob in compositione durius pronuntiarent; nonnumquam ita, ut pronuntiabant, etiam scripserunt.

C & T quoque varie permutantur. *Conditio origo poscit: condicio veteres libri tenent atque lapides, In ITIVS exeuntia elegantiores per C scribunt, Sulpicius, tribunicia potestas, adilicius, camenticius, reliqua; & sic est in nummis ac lapidibus, quæ omnino vera ratio est.*

D & T cognatæ litteræ, ideoque antiquis sæpe permutabiles. SET Grut. p. 654. aliquoties legitur: & APVT pag. 378. etiam QVODANNIS & ADQVE in multis inscriptionibus, & in ipso Augusti ævo cenotaphiis Caii & Lucii Cesarum. Vide Ang. Politiani lib. 1v. epist. 1x. Henr. Noris in Cenotaph. pag. 452. seq. Nobis autem antiquitatis non rariora, sed quæ frequentiore in usu erant, ad imitationem sunt trahenda.

F non digamma ipsum est, a Claudio adiectum, quam-

quamvis figura ferme conveniat, ad Γ Græcum lineam addens transuersam nouam; sed vetus littera, in Capitolinis fragmentis nominibus *Fabii*, *Flaminii*, *Furii*, & aliis expressa. Digamma vero *V* potius, quando vim consonantis habet, respexit.

Litteræ *G* figura non est antiquissima, sed communiter utebatur cum *C*. Vnde est quod in vetusta Duilii columna legimus *LECIONES*, *MACISTRATOS*, *PVCNANDO*: & ideo etiam prænomen *Caius* scriptum per *C*; *Gaius* vero pronuntiatum, ut Græci Γάιος scripserunt, Romano ori se accommodantes: *C* vero antiquitatis causa scribendo tam in hoc, quam in *Cneii* prænomine retentum fuit. Quintilianus lib. I. cap. VII. *Caius C littera notatur*. Terentianus Maurus pag. 2402.

*Scribimus prænomen vnum, & C quidem præponimus:*

*G tamen sonabit illic, quando Cneium enuntio,*

*Asperum quia vox sonorem lauiore interpolat,*

*Vel priores G Latini nondum ab apice finxerant.*

*Caius prænomen proinde C notatur, G sonat.*

*K* in Græcis supra expositum. *M* a sociis, quæ apponuntur, aliquid damni patitur. Volunt enim grammatici, sequente *D*, *T* & *Q* in *N* convertendam esse. Sic dicitur *tantundem*, Grut. pag. 206. ex vetusto fragmento: *eandem*, Ancyrano monumento. At vero molle est auribus *aliquamdiu*: cur ergo non etiam *tansundem*, *eandem*? Cællius, vetus grammaticus, apud Cassiodorum Orthogr. cap. x. in simili exemplo, quod postea producemus, *N sonare debet, tamen si in scriptura M positum sit*. Sæpe enim aliter scribitur, aliter pronuntiatur. Vfus autem *tandem* habet, non *tandem*. Antè *T* eadem difficultas. Cællius ibidem: *Tantus & Quamtus in medio M habere debent, ut Tam & Quam*: sed præualeat consuetudo, quæ *N* substituit. An vero prohibitum *MT* coniungere? non puto, nam *D V M T A X A T* in in-

scriptionibus legitur, non diuise modo, vt Gruteri pag. 506. 507. sed etiam cœiunctim pag. 574. 575. & Spon. Misc. pag. 52. & eius Recherch. p. 327. & Oxoniens. marm. LXIV. pag. 124. Nihilominus P videtur inter M & T ponendum, vti est in *sumptus*, *emptus*, *redemptor*, *comptus*, & similibus, quæ ita in vetustis quoque lapidibus leguntur. Leguntur, fateor, sic frequenter, vt sonantius pronuntientur; nec vero id semper, sed legitur etiam E M T V M antiquo fragmento agrariæ legis, Grut. pag. 203. & eodem fragmento R E D E M T V M; ac p. 471. R E D E M T A itidem cum antiquitatis indicio. Et vrbs inscriptionibus, quorum locum designat Daufquius, S V M T V S V O: item INCENDIO CON S V M T V M R E S T I T V I T.

Eadem ratio est litterarum M S, quarum iunctura etiam quibusdam suspecta videtur, aut dura pronuntiatu; nisi p interponatur, vt *sumpsi*, *dempsi*, *prompsi*. Cur vero componimus *etiampi*, neque dicimus *etiampi*? par ratio utrobique est. Et apud Spon. in Misc. pag. 36. inscriptio est V E T V S T A S C O N S V M S E R A T.

Vides quam non vniversalis regula Prisciani sit lib. x. In M O desinentia, s; vocalis longa antecedit O, in P S I conuersa proferunt praterisum, ut, *sumo*, *sumpsi*; *promo*, *prompsi*; *demo*, *dempsi*; *como*, *compsi*. Hæc autem S I in T V M convertentia faciunt supinum: ut *sumo*, *sumpsi*, *sumptum*; *promo*, *prompsi*, *promptum*; cetera. Sed quasi pœniteret rationis de longa vocali antecedente, ipse sibi mox obiicit verbum breui vocali *emo*, & ad laxiorem rationem confugit. E M I vero, inquit, E M P T V M facit, quod ideo adsumpsi P, quia non potest M ante T sine P inueniri euphonia causa. En aliam inconstantiam! Priscianus ducit *mps* ex præteriti *mpsi*: contra Papirianus pag. 2292. *mpsi* probat ex *mps*. S V M P S I, inquit, *que-*

quaritur, an possit sine *P* sonare? Sed quia & in alia declinatione *P* respondit, quum dicimus sumptus, sumpturus; necessario per *P* scribi debet. Frequentior usus in his est cum *P*, nec vero altera scriptura sine *P*, est mala aut damnanda. Etiam in aliis olim *P* nonnulli adiecerunt, vt *temptare*, pro *tentare*, quod vero parcius approbatum fuit perinde, vt quidam *M* ante digamma mutarunt, *QVANVIS* scribentes, Grut. pag. 408. 658. num. 10. sine applausu eruditorum:

*Q* littera Latina est: an necessaria, nonnulli dubitarunt, quod per *K* vel *C* suppleri possit, vt quum *cocus* scribitur, & *cotidie*; ac ipsum quum in *cum* mutatur. Vide Velium Longum, vetustum grammaticum, pag. 2218. Nihilominus receptum *Q* antiquitus fuit, nec facile mouebitur loco, quem possedit. Habet autem cum antecedente & cum subsequente littera controversias. Aiunt mutare praecedens *n* & *d* in *e*, videlicet in *ecquid* & *quicquid*, & similibus. Prius si ex *en* est, vt grammatici volunt, mutatio facta est; nulla autem, si ex *ecce*: posterius magis dubitatur. Marius Victorinus pag. 2460. *Quicquam*; *Quicquid*, & *Quocquod*, prima syllaba quoties habuerit *D*, id vos praecidite, & superponite *C*. Quum vero *Quocquod* illud horridum sit cultis auribus, *Quodquod* suauis & iucundum; cadit, quod vulgo fuit positum, non posse *D* ante *Q* Latine pronuntiari. Immo Manutius: Interamnate marmore illud *QVIDQVID*, de quo maxime dubitatum fuit; & ex Mediceo Virgilio approbavit: & in Gruteri inscriptionibus *QVIDQVID* pag. 411. num. 3. & pag. 691. n. 8. reperitur. Inuenio tamen etiam *QVICQVID* pag. 203. in lege agraria, si cum fide & curate illa transcripta est.

*M* etiam littera prohibetur a multis, ne proxime ante *Q* constituatur: qui iccirco scribunt *quicunque*,

*utricunque, utrunque, utrinque, & similia.* Beda Orthogr. pag. 2344. QV ANQV AM prior syllaba N habere debet, non M. Ridicule Cledonius pag. 1932. distinguit, & *quanquam* coniunctionem dicit: *quamquam* pronomen. Si enim pronomen non offendit Latinas aures, cur horrent ex coniunctionem, quæ vox eadem, suamque notionem ex pronomine ducit? Placet auribus *namque, idemque; in utramque partem*, quod sic etiam veteri lapide, Grut. pag. 207. legitur: non, *nanque, idenque, vtranque*; & in Caiano cenotaphio VNIVERSORVMQVE, EODEMQVE; in Ovidii versu *calumque videre iussit*: num dicemus vero *eodenque, calunque*? sicut ingrate legitur ex sæculo Antoninorum inscriptione pag. 408. QVENQVE. Nihil ergo obstat, quominus *quicumque, plerumque, utrumque, utrimque, & tamquam*, *quamquam* recte ac ordine scribamus. In vetustis tabulis Grut. pag. 203. & 512. QVEI COMQVE, ἀρχαῖως: clare in Caiano cenotaphio, & Romano lapide apud Spon. Misc. pag. 219. QVICVMQVE. Virgilius, ex antiquis codd. correctus, Æneid. II. v. 61.

— in *utrumque paratus*:

& lib. VII. vers. 566.

*Vrguet utrimque latus nemoris.*

Quod vero Q veteres pronuntiabant ut K, scribebant etiam PĒQVDES Grut. pag. 202. PERSEQVTIO pag. 206. PEQVNIA pag. 507. 509. 628. MEQVM pag. 817. Deinde V, necessarium quasi, addiderunt inter Q & quamcumque vocalem insequentem, ut *quis, quando, quo*: quæ interueniens V littera vocalis sit an consona, grammaticorum quæstio est. Velio Longo consona est p. 223. quia, si vocalis esset, *quis* non esset breue, quumduz vocales in vna syllaba productionem iuferant. Contra, si consonans, prima in *equus* longa foret pos-

sitio

fitionis lege. Vides difficultatem, quam elabi forsitan licet, si nec consonam nec vocalem per se dicamus esse, sed litteræ Q facilioris pronuntiationis causa adiectam. Agnoscit Velius, sufficere V vnum auribus in *equs*; rationem autem exigere duo, quia in obliquis casibus vocalis mutetur: quo nihil probat, vti ex *cocus*, *coquus* manifestum est.

Tandem X Latinum Romani olim cum S adiuncto scripserunt. Gruterus in vetustis tabulis & fragmentis pag. 184. MAXSVMVS, p. 205. PROXSUMVS: p. 204. DIXSERVNT: p. 804. VIXSIT: p. 640. VXSOR. Et cenotaph. L. Cæs. DEFIXSO. Postea S neglectum est, quum X per se CS valeat: quod vero grammatici longius, quam decebat, ad verba etiam cum E X composita, quorum prima S est, pertraxerunt, illud S, tamquam superfluum, abiicientes, v. g. *expecto*, *existo*, *expiro*, *exequor*, *extruo*, *exulto*, *exilium*. Sed Quintilianus etiam, sæpe dicto loco, adnotavit, *expecto* scribendum esse, vt ab altero, quod a *pecto* est, distinguatur. Nec tantum discriminis causa S seruandum est, sed ex vsu etiam meliorum temporum. Manutius enim ex veteri lapide probauit *exstare* seu *exstitit*: & ex aliis *exstruxit*, *exstructum*, *exsoluimus*: ex Carpenfi seu Mediceo Virgilio *exsaturata*, *exsudare*, *exsuperare*: & ad horum rationem componit *exscribere*, *exsilire*, *exsulare*, *exsurgere*. Casellius pag. 2315. EXSPECTO S litteram necessario retinet. Item EXSCREO cum S, a *scrare* fuis; si sine S, a *creare*. EXSILIVM quoque cum S scribi debet: --- similiter EXSCVLPO & EXSISTO per S: --- EXSEQVIAE S habent. Terentius Scaurus p. 2258. quum questus esset, detractioe scribendi rationem corrumpi; subdit exempla, *exulet*, *expectatur*, quæ adiecta S littera debeant scribi; quoniam abiecta præpositione saluum esse illis (ab S. incipientibus

eibus) *initium debeat*. Adde Priscian. lib. 2. pag. 571.

## MVTATIO PRAEPOSITIONVM IN COMPOSITIONE.

Compositio verborum fit per praepositiones, quae partim integræ manent, partim mutantur postrema littera, quæ se primæ verbi, quocum componantur, accommodat. *A*, *Ab*, *Abs*, eiusdem notionis, distinguuntur compositione. *A* hæret incipientibus a *M*, vt *amolior*, *amoueo*: *A B* plerisque seruit tam consonantibus, quam vocalibus, vt *abeo*, *abire*, *abortus*, *abutor*: *abdo*, *abduco*, *abiicio*, *abiuro*, *ablego*, *abneſto*, *abnormis*, *abnuo*, *abripio*, *abrogo*, *abrumpo*, *absimilis*, *absolvo*, *absumo*: sed *Absum* in præterito variat *afuiſ*, quod tamquam in MSS. crebrum, doctioribus placet; & *absuiſ*, in aliis quoque codicibus repertum. Consule Nic. Heinsium ad Prudentii Eulaliæ v. 125. & Io. Andr. Bosium ad Corn. Nepotis Agesilaum cap. v. Ante *F* mutatur *B* in *V*, in *aufero* & *aufugio*. *A B S* incipientibus a *C* & *T* præponitur, vt *abscedo*, *abscondo*, *absstineo*, *abstrabo*, *abssterreo*.

*A D* mutationibus variis & sæpe dubiis subiicitur. Cedit. ante *C* consensu omnium. Dicimus enim *accedo*, *accendo*, *accipio*. Est quidem *A D C E N S V S* in Auximate inscriptione apud Grut. pag. 68. num. 3. sed non vetustissima, quod vox *communicipes*, quam habet, euincit: alibi vero *A C C E N S* pag. 460. n. 13. & *A C C E N S V S* pag. 586. num. 6.

Ante *D* manet, vt *addo*, *adduco*.

Ante *F* res dubia est præpositionis *A D*. Manutius in



in *Aggero*, censet etiam *Afficio*, *affinis* scribendum esse ob pronuntiandi suavitatem. Priscianus lib. 2. pag. 569. *F* sequente, *rationabilius* in eam *D* conuerſi, ut *Affectus*. Contra Agræcius p. 2273. *A D* corrumpitur, quando eam muta sequitur: integra permanet, quando semiuocalis, ut est *adſcit*, *adripit*. Et Cællius pag. 2318. *Sonat D littera & adſcribitur*, quum *F* consonanti adiuncta est, ut *adſuo*, *adſuturam*, *adſero*. Quod inscriptionum exempla confirmant, *adſinis*. Grut. 494. Spon. p. 52. *adſectus* Grut. 494. n. 4. *adſectus* ibidem: *adſuerunt* p. 117. 118. 121. ex posteriore 2uo sæpe *A D F E C T I O* p. 459. 4. p. 752. 2. p. 844. 7. in raris est *A F F L I C T V S* p. 686. *A F F E C T I O* p. 807. 12.

*A D* ante *G* grammatici censent mutari, *aggero*, *aggredior* scribentes. Agræcius p. 2273. *Attollis*, *aggeras* scribendum est. In compositione enim *A D* corrumpitur, quando eam muta sequitur. Cassiodorus pag. 2319. ex Prisciano: *Aggero*, per *G* scribendum, & *aggregatur*; non per *D*. Sed nihil dissonum est, si etiam ad mutam maneat, & vix alia, quam euphoniz ratio hic adferri potest. At Festus etiam *adgressus* scripsit, & in iuris Romani codice *adgressores*; in Virgilio ex MSS. correcto, *adgredior*, *adgreditur*: in eodem quidem est *Aeneid.* iv. 197. *aggeras iras*; & lib. 111. 63. *aggeritur*: id vero euphoniz dandum est, quia horrent aures *adger*, quod ab *aggerendo* est, maluntque audire *agger*, id est terra aggesta. Inscriptio sub Elagabalo pag. 163. 8. *A G G E R I B V S M A R I N I O P E R I S*.

*A D* ante *L* ambiguz fortis est. Nunc enim integrum seruetur, nunc patitur immutationem; & utrumque meliore 2uo. Inſcriptione sub Augusti imperio facta (Grut. pag. 107.) legitur *A L L E V A R V N T*: & ne errorem describentis putes, in ipso Caii cenotaphio Pisis scriptum cernitur *ALLATVS NVN-*

NVNTIVS: & Traiani tempore, ALLECTVS  
*interpretatoris*: & Spon. Misc. p. 57. ALLECTI  
 N ORDIN. DECVRION. Contra sub  
 Vespasiano Grut. pag. 453. ADLEVAVIT *an-*  
*nonam*: sub Seuero pag. 163. 8. ADLVENTI-  
 BVS *maris fluctibus* (sic Spon. p. 270. emendauit:  
 Gruterus enim *maris adluentis fluctibus*) & Varro *ad-*  
*lectus* lib. v. quod & sæpe in Grut. inscriptionibus, &  
 Sponii pag. 184. ex Antoninorum *zuo*; & vetustiori  
 ADLEGANTVR, pag. 52. Pondus addit co-  
 ties in nummis laudata *adlocutio*, nec iis tantum po-  
 sterioribus, sed Caligulae etiam, Neronis, Galbae,  
 Domitiani, Neruae, quibus expressum est ADLO-  
 CVT. COH. item ADLOCVT. AVG.  
 Vide Vaillantii Cæsares. *Adlicet* Pompeii Festi est.  
 Virgilius emendatior agmen claudat ex Aen. vii.  
 vers. 117.

*Nec plura adludens.*

Idem tamen Aeneid. i. vers. 169. *vnco*

-- *non alligat ancora morsu*:

Quod & Varronis est lib. iv. de LL. p. 33. Dandum  
 scilicet aliquid est auribus, nec mos aut regula ubi-  
 que tenetur in eiusdem generis vocibus, sed prout  
 vsus admisit in singulis. Priscianus lib. xi. pag. 569.  
*Qua sit differentia euphonia, ut, quum eadem conso-*  
*nans sit sequens, in aliis transferatur D, in aliis*  
*non; scire non possum.*

AD ante M manet, ut *admoneo, admiror*: nec  
 placet Bedæ *ammoneo*, principio Orthographiæ.

Ante N variat. Grut. pag. 684. ADNITENS.  
 Virgilius Aen. i. 148. *Triton adnixus*. Et libro iv. 613.  
*terris adnare*. Eodem lib. vers. 128. *adnuit*: & lib.  
 ix. v. 625. *adnue capris*. Ipse Priscianus, amantior  
 euphoniæ & mutationis, dicto iam loco: *frequenter*  
*samen inuenimus, F, vel N, vel L, vel R, vel S se-*  
*quentibus, D scriptam: ut, adfasur, adludo, adri-*  
*deo,*

*deo, adnitor, adsumo. Et Agræcius pag. 2271. ad-*  
*nuntiatur. In Romano iure frequens adnotare, adno-*  
*tatio. Interim vulgus, annuo, annoto, annitor, an-*  
*nuntio. Quid vero de agnosco & agnatus? an sunt pro*  
*adnosco, adnatus? In Pandectis agnosco, agnasci,*  
*agnatus, quod Taciti libri etiam referunt, aunal.*  
*III. cap. XII. agnoscendum se præbuisse: & lib. IV.*  
*cap. XXXIV. agnita. Faut Priscianus prædicto loco:*  
*notus, gnotus antique, unde ignotus: nosco, gnosco, no-*  
*ui, gnoui. Citant Cæcilium pro gnosco. Quis vero*  
*præterea dici observavit gnosco, gnoui, gnotus, gna-*  
*scor? nouimus gnatus per prosthelin factum: cetera*  
*ignoramus. Et quod castigatissimi auctores, qui præ-*  
*positiones diligentissime sueverunt conferuare, Vir-*  
*gilius & Prudentius, a summis criticis ex vetustissi-*  
*mis membranis perpurgati, agnosco tenent; nolumus*  
*in hoc verbo aliquid mutare. Hæc ita disputari pos-*  
*sunt: interim non nego Cæcilii gnosco a Diomede*  
*prolatum: nec repugno Taciti ac iuris Romani libris.*

*AD* autē *P* olim se accommodauit: postea, æuo  
 medio, seruari cœpit. Gruterus ex vetusta lege pag.  
 628. VIATOR APPAREAT. Et veteri  
 tabula pag. 291. 294. APPELLATIVS, quod  
 sub Augusto pag. 136. & sub Nerone p. 117. sic repeti-  
 tum est. In Ancyrauo monumento, itidem Augusti  
 æui, APPELLARI & APPELLAVER-  
 RVNT: & in lapide Romano Grut. pag. 755. 4.  
 APPLICARI. Posteriores seruauerunt *ad*. Grut.  
 pag. 406. 1. sub Constantio & Iuliano ADPRO-  
 BANTE *senatu*. Et p. 647. 6. ADPENSVS,  
 cum signis nonitatis. Pandectæ habent *adprobare*,  
*adponere, adpendere: & contra, apparere, appellare.*  
*Taciti est adpugnare.*

*AD* ante *Q* seruatur integrum in lapidibus. Grut.  
 p. 583. & Reines. p. 362. HIC ADQVIESCIT.  
 Adde Reines. 692. Iterum Grut. p. 177. in arcu aquæ  
 Mar-

Marciz : **ADQVISITO** *fonte*. Et sub-Traiano, Manut. pag. 28. **ADQVIS**. Et Aeneid. iv. v. 175.

-- *viresque adquirit eundo* ;

vbi Pierius : *Antiqua p̄ane omnia exemplaria seruant pr̄positiones in compositis*. Vulgo scribunt *acquiescere*, *acquirere*.

**AD** ante **R** etiam inconstans est. Priscianus lib. 11. post initium : *frequent̄ inuenimus adludo, adrideo* ; ipsi vero *arrideo* placet. Agr̄ocius p. 2273. *Ad*, *pr̄positio, integra permanet, quando semiuocalis sequitur*, *ut est Adficis, adripis*. In iure ciuili scriptum est *adrogare*, *adrogatio* : id quod etiam in Taciti libris, pr̄sertim a Freinshemio & Theod. Ryckio ad membranas emendatis, seruatur, *adroganti moderatione*, annal. 1. cap. viii. *adrogantiam oris*, lib. v. cap. 111. Idem annali 1. cap. LXXIV. & lib. 111. cap. L. *adrepis*. in Heinsii castigato Prudentio Psychom. ver. 443. *adridere* est : e contrario in Vincentii hymno 468. *arripis* ; adu. Symmach. 11. vers. 1121. *arripe* : si quis alius vero codex pr̄positionum integritatem vindicat, is Prudentianus est. Et Virgilius ad membranas purgatus *arrepta tellure*, lib. x. 298. & *arrepto tempore* lib. xi. 459. Idem Aen. 1. vers. 152. *arrestis auribus* : & lib. 11. 205. *arrest̄a p̄ctora*. Scilicet aurium causa in non nullis horum aliquid cedendum est.

**AD** ante **S** plerumque se conseruat. *Adsignare* tritum in antiquis monumentis est : Gruteri vetusta tabula pag. 512. **ADSIGNATVS** s̄æpe, & eadem ætate fragmentis pag. 203. 205. hoc verbum cum **D** scriptum est : item pag. 206. **ADSIGNAVERVNT**, & Ancyrano marmore, serie 3. **ADSIGNAUI**, ac nummo Traiani **REGNA ADSIGNATA**. Sic quoque **ADSERIT** & **ADSECTOR** est apud Grut. p. 341. & 603. & apud

apud Reines. p. 608. ADSEDI: p. 602. ADSEQUETVR: apud Spon. p. 98. ADSISTENTIBVS. Lis autem est sequente duplici consonante. Priscianus lib. 1. pag. 560. *Subtrahitur (D) quum sequens syllaba ab S & alia consonante incipit, ut aspiro, aspicio, ascendo, asfo.* Et Velius Longus pag. 2225. *Est etiam ubi necesse est D litteram interire, nulla alia substituta, ut in eo, quod est aspicio, ascendo.* Quod suum vir summus facit Henricus Noris, ut illud ASPICIENDI in Lucii cenotaphio tueatur: cui consensionem aliorum lapidum adfert, Grut. p. 653. 8. EN ASPICE, & p. 655. 1. QVEI ASPICIS. Nec vero valida Prisciani ratio est, quia in aliis etiam minus dubitatis S cum alia consonante subiicitur: *adstare Festi est: adsciscere, adscribere, adspirare, adstringere Legum Romanarum: adstruere Agræcii: quibus adsciscere, adscribere ipse Manutius defendit, præpositionum integritatis alias parum studiosus.* Idem vero adfert pag. 15. ex Tiburrino lapide ASCENSIV, quod contra *adscendere* est. Tamen & ipsum *adspicere, adspēctus* in emendatissimis Taciti libris retinetur, annali XI. c. XXXII. & lib. XIV. cap. LI. ac alibi. Adi Dausquium in *Adscisco*, quod odiosum sigmatismum vocat, si D ex talibus eiciatur.

Tandem AD ante T quoque examinandum est. Manutius pag. 89. *Attuli, non Adsuli; & similia, aurium sensu comprobante, nec dissentiente Terentio Scauro, antiquo grammatico, veteribusque libris.* Scauri hæc ratio est pag. 2260. quia *ex semiuocalibus gominent præpositiones primam sequentis verbi litteram, ut effatus; item in mutis, attulit per T, & attigit, & attinuit.* Contra Grut. pag. 16. ex vetusto lapide Sertoriani belli ADTVLIT: & ex alio etiam satis vetere pag. 328. ADTRIBVENDAM: & de Cæsare Scrabone inscriptio apud Manutium p. 28. ADTR.  
IVD.

**IVD.** Festi Pompeii sunt *adtestata, adtegrare, adtributum, adtubernalis*: Varronis lib. 1v. & v. de LL. sunt *adtributum, adtingat, adtentare*, quod in Legibus Romanis *adtemptare* scribitur. Nihilominus in vetusto fragmine apud Grut. pag. 507. legitur **ATTIGERET**, id est *attigeris*: & p. 926. ex VII. ludis sæcularibus **ATTIGIT**: quæ ratio posteriori ævo magis magisque inualuit.

Hactenus de præpositione **AD** in compositione: sequitur **CIRCVM**, quam grammatici aiunt **M** amittere, si vocalis sequatur: ut *circuisus*. Sed sæpius servatur, & recte dico *circumago, circumactus, circumeo, circumequito*. Papirianus grammaticus apud Cassiodorum p. 2294. distinxit inter scripturam & pronuntiationem. *Circum*, inquit, *præpositio, sequentibus vocalibus, M litteram in enuntiatione amittit; in scriptura servat*. Sed, ut vidimus, nec in enuntiatione semper, immo ne sæpe quidem amittit. Pronuntiamus enim bene *circumago, circumegi*. Freinshemius Curtiano Indice ubique *m* seruandam censet, etiam in *circumire*, & *circumitus*, quod in vetustis ita libris esset. Sane Varro scripsit *circumitus*: & Suetonii Cæsare cap. xxv. in optimis codicibus est *circumitus*. Nolim vero *circuisus* abiicere, cuius forma, saltem in metro, necessaria videtur. Prudentius Symmach. 1. vers. 319.

--- *terram breuiorem*.

*Dicere circuitu.*

Nihil vero agunt, qui ante plures consonantes **M** in **N** convertunt, scribes *circundare, circumferre, circumspicere, circumflare, tandiu, namque*; quia putida hæc & horrida: grata vero & suauia *circumdo, circumfero, circumspicio, tamdiu, namque*.

**CON** præpositio ante vocalem **N** amittit, ut *conquære, coeo, coire, coortus*; quo etiam adspiratio referenda, *cohæreo*: ante consonantes plures, etiam

etiam ex vocalibus ortas servatur integra, vt *conci-  
do, conduco, confero, congero, coniicio, connecto,  
conquiro, conferuo, contero, conuoluo*: ante alias mu-  
tatur, sed ante quasdam plerumque; secus ante ce-  
teras: Sunt autem hæ *B, L, M, P, R*, quibus vi-  
detur *N* accedere. Nam *cognatus* dico & *cognosco*,  
num a *gnascor, gnosco*, quæ supra dubitauimus? ne-  
que a *gnatus* i. e. filius, quia sic *congnatus* scribendum  
esset, quod *N* ante *G* manet, vt *congero, congre-  
gro, congruo*. Reliquum ergo est, vt sint ex *con* & *natus*;  
it. *con* & *nosco*, *N* mutato in *G*: in aliis enim serua-  
tur, vt *connecto, connitor, connumero*.

Ante *B* mutatur in *M*, vt *combiho, comburo*. Co-  
dices autem Prudentii *combibis* Hamartig. 609. &  
alibi.

Ante *L* sæpe manet in antiquis inscriptionibus,  
quibus est *CONLAPSVS VETVSTATE*. Grut. pag. 7. 48. 51. 173. 187. & *CONLATA*  
*STIPE*, in ponte Tagi ex Traiani æuo: *AERE*  
*CONLATO* pag. 426. 447. 457. & apud Spon-  
nium sæpe. Sic *conlibersus, conliberta* in lapidibus:  
item *conlocare*. Grut. pag. 40. n. 11. *STATVAM*  
*CONLOC*. Adde 460. n. 4. & Spon. pag. 294. Et  
*CONLVIDENTIBVS digitis*, Grut. 647. 6.  
Sed hæc non sunt perpetua, verum etiam ex Traia-  
ni sæculo habemus *STIPE COLLATA* apud  
Reines. class. 11. infer. xciii. & Grut. p. 645. & 964.  
984. 987. *COLLIBERTVS*, & pag. 58. n. 4.  
sub Diocletiano, *GOLLAPSVM*; etiam pag.  
100. n. 6. item *COLLOCARE* pag. 164. n. 6.  
in quibus euphoniæ & auribus seruitum est. Et *colle-  
gium* fere semper scriptum. Vide post Gruteri inscrip-  
tiones, totam sect. 11. Sponii Miscell. vbi innume-  
ra exempla existant.

Ante *M* transit *con* in similem, vt *commercium,  
commisto, commoueo, comminatio*. Qui secus pronun-  
tia-

C

tia-

tiauerit, aures offendet. Ante P uidem in M plerumque vertitur, vt *comparo*, *compertus*, *compono*, *computo*. Augusti xuo in Lucii Cæsaris cenotaphio scriptum **COMPONANTVR**: Grut. p. 474. 1. **CONIVGI INCOMPARABILI**. Tamen etiam, sed posteriori xuo, vt videtur, *comparare* scripserunt pag. 714. 2. & 827. 2. & *conprobare* pag. 647. 6. & Aeneid. III. 474. *compellare* in scriptis & cum cura editis.

Ante R in similem mutat *con* suam extremam, vt *corrado*, *corripio*, *corrigo*, *corrumbo*. Grut. p. 128. 5. *adiculam vetustate* **CORRVPTAM**. Et prouinciarum seu Italiæ partium **CORRECTORES** passim laudantur in xui mediocriter posterioris inscriptionibus, nusquam *correctores*. Lucretii autem libris omnia secus se habent, *conradens*, *conrepta luce diei*, *conrepunt*, *conridens*, *conripuit*, *conruit*, *corruptus*. Vide Gifanii, Creechii & aliorum Indices. Sed pauci imitati sunt: & Prudentii editor, Nic. Heinsius, presse MSS. secutus, & cetera integritati præpositionum fauens maxime, *corripit*, *corripit*, *corruit*, *corrigens* legit. Par ratio est Plautini *conruspari*, apud Festum; quod in obsoletis relinquitur: *conregnare* autem cadentis est Latinitatis. Vtique auribus aliquid, auctore Cicerone, dandum est, nec vltra exempla probatiora promiscue omnia imitanda: quum nec illis quidem, quæ videntur probatiora, vbique insistendum sit.

Præpositiones E & EX partiuntur compositiones. Dicimus *ebibo*, *edico*, *educo*, *egero*, *elicio*, *emungo*, *emunio*, *erado*, *eripio*: cetera *ex* poscunt, *excipio*, *excutio*, *excrucior*, *expono*, *explico*, *exquiro*, *exsequor*, *exstruo*, *extrico*, *extrudo*: ante F in consimilem conuertitur, *efficio*, *effugio*, *efflo*, *effodio*, *effundo*. Archaismus enim est, quod in Rostrata Duilii columna legitur **EXFOCIONT**, hoc est effugiunt. An  
S ve-



*S* vero servari post *X*, atque sic etiam post *ex* possit, supra disputavimus pag. 25. Servandum omnino est, atque sic *EXSEQVI* legimus in Lucii Cæsaris cenotaphio extremo: *EXSTRVERE* Grut. p. 61. n. 3. p. 110. 7. *EXSPECTAT. ET VOTIS* pag. 109. 3. & proprium nomen *Exspectatur*, pag. 74. 2. & *EXSVLTANS* Spon. pag. 99. Misc. Non igitur curamus, quod etiam *extrui* & *extructus* aliquando legitur Grut. p. 163. 164. 429. 669.

*I*N præpositio & negatio fatigat orthographiæ studiosos. Ante litteras *C D F G H Q S T* salua res est: e. g. *incido*, *induco*, *infigo*, *ingero*, *inbareo*, *inquiro*, *insisto*, *intingo*: dubia ante ceteras. In lapidibus enim *INLATIS* coronis Grut. 124. *arcu* 424. 12. Varro iv. de LL. *inlicio*: Festus *inlicium*, *inliciator*, *inlitterata*. Inscriptiones passim *inlustris* & *inlustrare*: Grut. pag. 234. Vespasiano dicata inscriptione, *INMVNITAS*: & p. 694. *INMATVR.* ac vet. tab. Grut. p. 106. 207. 306. *INPERIVM*: etiam *impensa* pag. 243. itidem ex Vespasiani zuo; & pag. 63. 343. *impensa*: & *impensia* pag. 62. n. 8. *imperfectus* pag. 749. in vetusto marmore Neapolitano p. 207. bis *INPONITO*: & p. 823. *INRITA VOTA*: ut antiquos codices manuscriptos taceam. Vnum addo Angusti ætate sculptum exemplum in Caiano cenotaphio *INPROVISA calamitatis*: ad quod *ὁπάρυ* Henr. Noris pag. 487. ita commentatus est: *Apud antiquos quoties præpositio IN alteri voci, a Pincipienti, iungebatur, neutiquam N litteram in M mutabat. Idem character in Virgilii codice Mediceo servatur. Lib. 1. Aeneid. v. 599. INPROVISVS ait: & lib. 11. v. 182. INPROVISI aderunt.* Addit ex supra citata tabula (Grut. pag. 207.) quod *INPROBARINT, INPROBVM* esto.

Præclara hæc omnia & speciosa: quo minus tamen

in vniuersum adfentiar, alia monumenta, partim æque antiqua, mihi obstant. Vbique in nummis & lapidibus est IMPERATOR, non *imperator*: in Ancyrano marmore *imperium*, *impense*: & eadem vox *impensa* sæpe apud Grut. pag. 105. 466. 487. & *impensum* pag. 55. 483. & ex Traiani imperio Spon. Misc. pag. 181. DANTE IMPENSAS: & in arcu aquæ Marcæ p. 177. Grut. IMPEDITAM.

De *In* ante *L* tanto res est difficilior, quanto pauciora sunt, quæ opponantur antiquitatis argumenta. Aldus Manutius ad iudicium aurium prouocat. *Illistris*, inquit, *malo*, quam *Inlustris*; vt *Illeſtus*, quam *Inleſtus*; *Illudo*, quam *Inludo*. Cur enim non consulatur auribus? quarum iudicium superbissimum dixit Cicero in Oratore (cap. XLIV.) *Vt omittam, Scaurum, veterem grammaticum, idem sensisse*. Scauri pag. 2260. de mutatione nouissima litteræ præpositionum hæc regula est: *Quoties a liquida littera sequens cæperit, vertitur in eam, cui liquida præposita fuerit*.

INTER vbique manet saluum in compositione: in solo verbo intelligo cedit sequenti liquidæ. Papi-rianus pag. 2294. INTER præpositio in una voce, sequente *L* littera, *R* in eandem mutat, vt *Intelligo*; ceteris sequentibus integra manet. Quod etiam in iis libris obseruatur, quorum editoribus quam maxime mutatio præpositionum inuisa est. Lucretius lib. VI. vers. 16. *intellexit*: Prudentius ad Symmach. II. vers. 1035. *non summa intelligit aure*. In ceteris, quamlibet ab *L* incipientibus, manet præpositio integra, vt *interlabi*, *interluceo*, *interlitus*.

O B præpositio facile, ac quasi necessario, ante certas litteras mutatur. Ante *C*, vt *occido*, a *cado* & *cado*; *occubo*, *occumbo*, *occurro*; ante *F*, vt *offendo*, *offero*, *officio*, *offundo*. Sed tamen suetum *obfusco*, & *obfirmo*. Ante *G* ambigue, *obgannio* & *oggannio*, *oggero*. Ante *P* cedit simili, vt *oppono*, *opprimo*, *opro-*

pro-

*probrum, oppugno.* In ceteris manent, ut *obdo, obicio, oblecto, oblige, obluor, obmutesco, obnitor, obnubo, obrepo, obruo, obseruo, obfideo, obtineo, obuerto.* De mutatione *B* in *P* contra rationem facta, solius euphoniæ causa, ut *opsequens, optinebis,* dictum supra est. Papirianus dicto loco: *OB præpositio interdum ponitur plena, ut est obire, oberrare: interdum in eandem litteram transit, a qua sequens sermo incipit: ut offusis, ommutuis, opposuis.* Cetera se bene habent: *ommutuis* autem ingratum & inauditum est.

*P E R*, ut plurimum manet: ante solam *L* capit detrimentum. Priscianus lib. x. post initium: *In compositis quibusdam inuenio R in L conuerti, ut Intelligo, pelliceo, pellego, pelluceo.* Verum est in *pellicio*, quod ubique ita scribitur. Festus: *Pellexit, in fraudem induxit.* Lucretius lib. vi. vers. 999.

-- quæ ferri pellicias vim:

non æque *pelluceo*, licet tritum sit *pellucidus*. Ouidius lib. iv. *Metamorph.* 411. *perlucentibus alis*, etiam Heinii editione. Seneca de Const. Sap. cap. xvi. *Hæc ipse perlucidus, crepidatus, armillatus.* Mira sane hæc res est. Omnes dicimus *perlais*, non *pelluis*: cur ergo non *perlucet*? Et alibi *per* ante *L* remanet; ut *perlabitur, perlatus est*: quis ferret *pellatum*? Grut. pag. 36. extr. *P E R L A T V M libens posuit.* Minus gratum *pellego*. Terentius Scaurus quidem pag. 2260. *Pellego, omnes antiqui dixerunt, non perlegere. Vnde & apud Virgilium legendum (Æneid. vi. 34) Pellegerent oculis.* Ac Seruius, & optimus quisque liber *perlegerent*.

*P O S T* quoque aliquando mutatur. Cicero in Oratore cap. XLVII. *Pomeridianas quadrigas, quam postmeridianas, libentius dixerim.* Dum dicit *libentius*, fatetur quosdam dixisse *postmeridianus*. Quintilianus lib. i. cap. i. *postmeridianis scholis.* Sic

MS. Bodl. & Aldus, & vir exactissimus Vlricus Obrecht, qui castigatissimum ex MSS. Quintilianum in lucem edidit. An etiam in *polluceo* mutatum? secus Varroni videtur lib. v. de LL. & Vossio in Etymol. qui aliunde deriuant. Eadem ratio in *postuo*. Vide idem Etymologicum. In ceteris manet, vt *postferre*, *postliminium*, *postponere*. At *pornigere* non a *post*, sed a *porro* est secundum Festum in fragmento Farnesiano.

Tandem *S V B* succedit, quæ etiam subiecta mutationi est ante *C*, *F*, *G*, *M*, *R*. Dicimus *succedo*, *succido*, *succumbo*, *succurro*, *succutio*, quæ satis certa sunt; aliter autem *suscipio*, quod non a *sub* est, sed a *sus* siue *susum*: nec dubitatur de *F*, vt *sufficio*, *suffugo*, *sufflo*, *suffundo*. Exempla ante *G* sunt *suggero*, *suggredior*: nisi quod veteri inscriptione. apud Grut. est *seuo lactante* & *S V B G V L A R I*. De *M* lis maior est. Cicero prædicto loco: adiuncti verbi primam litteram præpositio commutauit, vt *subegit*, *S V M M V T A V I T*, *sustulit*. Festus, *summissior*. Gruterus iam dicto loco, consuetudine *S V M M O T A*. Et Horatii II. oda XVI. *summonet lictor*. Ac lubentius dicit quisque *submersus*, quam *summerfus*: cur non pariter etiam *submouet*, *submusat*, *submittit*? Sunt hæc in aliis libris. Virg. ecl. I. *submittite tauror*. Aeneid. I. vers. 69. *submersas obrue puppes*: lib. VII. 226. *submouet Oceano*. Ante *P* vertitur in illam, vt *suppetit*, *supplex*, *suppono*, *supporro*. Ante *R* dicunt *surrigo*, *surripio*, *surrugo*. Quod vero non dicunt *surruo*, sed *subruo*; non *surrepo*, sed *subrepto*; non *surrideo*, sed *subrideo*; cur non pari modo *subripio*, *subrogo*? Grut. pag. 589. *S V B R E P T A* est oculis. Prudentius Apotheos. 485. *subrepsit*: & Pliochom. 166. *subridens vultu*. Tacitus Annal. I. cap. II. de prætoris subrogando. In ipso *surrigo* præteritum *B* repetit, forte vt distinguatur a *surrexi*, quod a *surgo* est.

est. Suetonius Vitell. c. xvii. *mucrone gladii subrecto*. Ante *T* non in *S* conuertitur, & *sustineo*, *sustento*, *fussulis* ab *sus* sunt; sed manet, ut *subtero*, *subsileo*, *subtraho*. Ante alias litteras etiam manet *B*, ut *subdo*, *subeo*, *sublego*, *subnitor*, *subsequor*, *subfisso*.

Denique *TRANS* & *TRA*, præpositio, in compositis etiam variat. Velius Longus pag. 2227. *TRANS*, præpositio, non nullam habet observationem: nam interdum plena est, ut transtulit: interdum minuitur, ut traicit, traduxit: nec non ab aliis plene ponitur; ab aliis lenitatem intuentibus, minuitur, ut in eo, quod est transmisit & tramisit: alii transposuit, alii traposuit. Cæsar ut plurimum seruauit integram: nec modo cum aliis dixit *transferre*, *transfugere*, *transgredi*, *transmittere*, *transportare*, *transuersus*, *transuolare*; verum etiam *transdo* sæpiissime, ut tamen etiam *trado* aliquando dicat, & *transduco*, *transicio*. Donatus in principium Phormionis: *Transdere veteres sonantius*, quod nos lenius dicimus *Tradere*: ut *Tralatum*; nos *translatum* & contrario. Est etiam veteri inscriptione apud Manutium *CORPORIBVS TRALATIS*. Difficilior res in verbis ab *S* incipientibus, sitne in ea compositione *trans* an *tran* scribendum, v. g. ante *scando*, *scribo*, *scindo*; an plura sint, nescio. Delicatus auditur *transcendo*, *transcribo*: nec vero video, quid obstat, quo minus plene dicamus *transcendo*, *transcribo*. Ante vocales non mutatur, ut *transeo*, *transadigo*.

## AD SPIRATIO H.

*Aspiratio* siue *aspiratio*, ut malunt alii scribere, de qua discrepantia supra dictum; est figura siue signum *H*, de quo quærent grammatici, sitne littera nec ne: Priscianus sub initium libri. i. *H, aspiratio-*

*nis magis est nota, quam sit littera. Et interiectis nonnullis pag. 543. H aspirationis est nota, & nihil aliud habet litteræ, nisi figuram, & quod in versu scribitur inter alias litteras. Et antiquior Prisciano grammaticus Diomedes lib. 2. pag. 419. H consonans muta, proprie continens aspirationem, subiunctiva R liquida consonantis, recepta vulgo in numerum mutarum; omnibus vocalibus præponitur, nulli subiungitur nisi consonantibus. Quod vero dixit, nulli vocali postponi, nec in H definire vocalem; videtur interiectionum exemplis ab, vab confutari. Sed præuidit hoc Priscianus pag. 548. atque ita diluit: Quaritur: cur in Vab, Ab post vocales ponatur aspiratio; & dicimus, quod apocopa facta est extrema vocalis, cui præponebatur aspiratio: nam perfecta Vaba, Aba sunt.*

Quid ergo tandem H? Io. Iouianus Pontanus lib. 1. de Adspiratione probauit, H nomen quidem & figuram litteræ habere: carere autem potestate, quia nihil sit adspiratio nisi spiritus flatusue densitas, aut crassior quidam spiritus; non aliter quam suspirium & anhelitus. Sonum enim distinctum, qui ad vocem articulatam conferat, non facit: & nihilominus inter litteras adhuc tolerata est tam nomine quam figura.

Originem a Græcorum habet spiritu, quem asperum appellant grammatici. Priscianus lib. 1. pag. 560. *H litteram non esse offendimus, sed notam aspirationis, quam Græcorum antiquissimi similiter, ut Latini, in versu scribebant, nunc autem diuiserunt, & dexteram eius partem supra litteram ponentes, psilon notam habent, quam Remnius Palamon exilem vocat; Grillius vero ad Virgilium de accentibus scribens, lenem nominat: sinistram autem, contrariam illi, aspirationis dactylam, quam Grillius flatilem vocat. Marmora, quam maxime etiam vetusta sunt, ut Arundelliana, & cetera maiusculis litteris signata, nulla signa spirituum habent:*

bent, posteriores Græci, quum minor scriptura in vsum venisset, addiderunt illa cum accentibus; non autem semicircellorum modo, sed cum angulis iis, quos H, sectum in transuersa lineola, vtrunque facit: quas figuras primi, qui Græcos libros typis expressere, vt maior Aldus Manutius & æquales, aliquandiu retinuerunt.

Sed satis de quæstione, quæ nostri non propria est instituti: de vsu adspirationis potius disputandum est. Vocalibus præponi tam initio, quam media voce, supra, Diomede & Prisciano auctoribus, dictum fuit. Res manifesta, vt, *babeo, bareo, berba, bonor, bosper*, similia: & altero loco, *abenum, mibi, nihil, trabo, vobo*, reliqua. Ex primo ordine sunt quædam ambigua, *barena & arena; balucior & alucior; bave & ave; bariolus & ariolus; baruspex & aruspex; bolus & olus; bordeum & ordeum*: de quibus parte altera dicturi sumus. Iam satis sit quædam propria examinare.

**HADRIANVS** cum adspiratione in nummis est, & plurimis inscriptionibus: raro **ADRIANVS**, Grut. pag. 158 n.5. & Reines. pag. 294. 304. 308. 311. si bona fide trascriptum est.

*Hammon*, Iouis cognomen, & *Ammon* scribitur. Qui ab ἀμμὸς, *arena* ducunt, quod templum eius in Libiæ Marmaricæ arenis situm fuit, adspirationem negligunt. At veteri inscriptione Grut. pag. 21. n. 7. **IOVI HAMMONI**. Græci antiquis monumentis, quæ carent spiritu, nihil iuuant, vt nummo Seguini est ΘΕΟC ΑΜΜΩΝ: nisi quod libris Græcis Diodori, Pausaniæ, Suidæ est Ἀμμων, *Ammon*, aut ita 2b interpretibus lectum est: nam & illorum quidam sine spirationis signo in prima maiore littera scripti sunt.

*Hannibal & Annibal* in libris est; & Liuius semper *Annibal*. Manutius autem, *Hannibal* cum adspira-

*ne ex libris antiquissimis Latinis : Græci enim adspirationem reiecerunt .* Addit lapidis Florentini testimonium de Fabio Maximo HANNIBALEM COERCIVIT . Si Punicum hoc nomen , ut putatur , ex הנה & כעל est , quasi *gratificus dominus* ; omnino adspiratio necessaria videtur .

*Hebraeus* scribimus & *Ebraeus* : plures tamen *Hebraeus* , quia Græcis libris est Εβραῖος cum aspero ; nec vero certissimum , an in antiquissimis Græcorum codicibus spiritus fuerit expresse appositus . Origo עבר , quia ab ע incipit , littera incertæ pronuntiationis , nihil adfert , quoniam hanc litteram non vno modo a LXX. & Hieronymo in propriis expressant novimus , nunc sine spiritu per A vel E , ut *Amma* , *Almon* , *Asen* , *Achren* siue *Ekron* : nunc per G , ut *Gomorra* , *Gai* ( quod *Vulgatus* *Hai* reddit ) *Gaza* , *Gabal* : ad quem modum æque *Gebraeus* , quam *Hebraeus* scribi possit . Vtut sic potius , quam origini credendum est .

*Etrusci* , & *Hetrusci* ; *Etruria* , & *Hetruria* scriptum est : sed præstat modus prior , qui sine adspiratione est , quem Manutius ex vetustis libris ac lapidibus Capitolinis approbavit . Et lapide in Volsiensis apud Gruterum pag. 385. PRAET. ETRVR. XV. POPVLOR. Et in Triumphorum tabula p. 296. DE ETRVSCEIS .

*Ostia* , & *Hostia* colonia ad Tiberis ostium . Vtrumque probatum , sed prius magis . Nummus Neronis , AVGVSTI PORT. OST. S. C. & alius Traiani PORT. OST. & Grut. pag. 3249. 7. COLONIA OSTIA . At pag. 454. 10. IN COLONIA HOSTIENSI : & pag. 752. 2. VIA HOSTIENSI . Notandus igitur *Clunerus Ital. Antiq. 111. cap. 111. pag. 374. vbi nugar grammaticorum* adspirationem huius vocabuli dixit , & a cunctis lapidibus eam abesse adseuerat .

Ad-



Adspirationis mediæ exemplum *Abala* Romanum nomen : cui Christianum *Iohannes* addimus ; quod malimus sine adspiratione *Ioannes* scribi. Non enim ab Ebræis, sed a Græcis vocabulum accepimus, quæ vocalium adspirationem in media voce ignorant : quod cum alia, tum maxime casus & exitus *es* euincit, qui ex Græco *Ιωάννης* est. Quod si ab Ebræis Latini haberent, non *Iohannes*, sed *Iohanam* ex *יוחנן* scribendum esset. Præterea Christiani non ex Veteri testamento id nomen, ubi rarum erat, sed ex Novo, quo celebratissimum est, in suum usum adsumserunt : hic autem Græca scriptura præualet, quæ sine adspiratione est : Græcam, ut dignum est, imitatur Latina.

Est deinde usus adspirationis in iis, quæ sunt ex Græcia, per *χ* scripta in sua patria, ut *Cbremes*, *Chrysoſtomus*, *Acheron*, *Bacchus* : de quibus supra in litteris Græcis prædictum fuit. Interdum abiiciunt *b*, quamvis *χ* Græco respondeat : sicut in nummis *Semproniz* gentis (Vrsin. pag. 251. 253.) aliquoties *GRACCVS* legitur, quod alias *Gracchus* est, Plutarcho & aliis Græcis *Γραχχος*.

Præterea, quia Græci litteram *p* initialem spiritu signant, Latini etiam in Græcis vocibus *b* adiciunt ad *R* in principio positum, ut *Rbodus*, *rhetor* ; in media voce vero, quia Græci adspirationem duplicato tantum *p* apponunt, non simplici ; etiam Latini in vocabulis, ex Græcia petitis, gemellis *rr* adspirationem *b* subiiciunt, ut *Pyrrhus*, *Tyrrhenum mare*, *Dirxi*, in *Græcis vocabulis* : nam, nisi manifesta origo Græca est, non locum habet adspiratio, ut *Arretium*, Etruriæ oppidum, *Arrius*, familiæ Romanæ nomen. Nec *Rboma* licet scribere, quia quorundam opinio, ab *ρῶμα*, *robur* nomen deriuantium, minime manifesta aut probata est. Recte vero Bruttiorum vias ad Siculum fretum, quia a Græcis condita, & in  
ma-

magna Græcia, Italiæ parte, sita, scribitur *Rhegium*: at oppidum Cispadanæ cum *Lepidi* cognomine, *Regium*.

Itaque in quæstionem venit, an recte *Rhenus*, *Rbemi*, *Rbatia* scribatur, quod Celtica potius & Germanica hæc vocabula sunt, quam Græca. Primum nomen, quod amnis est, constanter scribitur cum adspiratione *Rhenus*. In fragmine arcus Druso positi legit Melissus apud Grut. pag. 236. AD DIVORTIA RHENI. Nummis Nerenis & Domitiani apud Tristanum, RHENVIS: quod nescio cur ita factum sit, nisi imitatione Græcorum, qui eius fluminis mentionem habuerunt.

Alterum nomen *Remorum* est, Galliæ Belgicæ populi, quod Cæsaris libris quidem *Rbemi* scribitur: Hadrianus autem Valesius abiecit *H*, quod iure fecisse nobis videtur, quia nullum huic genti cum Græcis fuit commercium. Incertum enim, an Cæsar adspirationem addiderit, quæ potest etiam a grammaticis & describentibus esse. Sed, inquis, & alia Galliæ, præter *Rbennum*, ut *Rhodanus*, adspirari Latine. Longe autem dispar huius est ratio. Rhodanus enim Prouinciæ Romanæ perlabitur, in qua erat Massilia, antiqua Græcorum ex Asia colonia, quæ æque sermonis patrii, ut morum studiorumque Græcorum, fuit obseruantissima: a qua Græca nomina sunt, Nicæa & alia: atque ita etiam vicini amuis scriptura: *Remi* autem abhinc longissime remoti erant.

Tertium est *Rhatia*, siue *Ratia*; & *Rbatorum* populi, siue *Ratorum*. Grut. pag. 376. 6. PROVINCIÆ RAITIAI ET VINDELIC. & pag. 439. 8. de L. Munatio. Planco, TRIVMP. EX RAETIS: & pag. 524. 3. RAITORVM. Et Tiberii nummo apud Golz. COL. AVGVSTA RAETORVM. Omnia hæc siue adspiratione

ratione, & cum diphthongo; in quibus adquiescerem, & H quod Rætorum vocabulo adhæsit, exterminarem, nisi vir summus Ezechiel Spanhemius de Vfu & Præst. Numism. pag. 243. manum iniiceret, Hadriani nummum laudans, in quo RHETICVS EXERCITVS expressum fit. Idem, an alius nummus sit, iguoro, qui in Oconis & Mediobarbi thesauro pag. 178. sic descriptus est: EXERCITVS RAETICVS SC. Quapropter vereor, quia cetera cuncta diphthongum habent, non E simplex; ne fieri potuerit, ut a descriptore quodam vel typographo A in H mutaretur. Tutius ergo scribimus *Reti*, *Rætia* diphthongo, sine H, ut plurima antiquitatis monumenta habent.

Tandem etiam de adspiratione compositorum discipiendum est, si Græca vox, ab adspirata incipiens, ante se aliud nomen vel præpositionem accipiat: num. v. gr. *exodus*, an *exhodus*; *Panormus*, an *Panhormus* scribendum sit. Manutius Orthograph. pag. 305. *EXHODVS* cum adspiratione, quia componitur a Græco ἔξοδος. nec aliter libri veteres. Scio in quibusdam libris ita esse: an vero ratio id vrgeat, quæ data fuit, subdubito. Si enim Græci in media voce adspirationem pronuntiarent, præter illam quæ post duplex p est; sine dubio etiam illam scriberent cum ὀ, ἔξοδος: quod dum non fit, neque fieri debet apud Latinos. Alia enim ratio simplicis est, alia compositi.

Sic quoque se *Panormus* habet, Græcæ πάνομος, nomen urbis in Sicilia; quamquam Græcis etiam appellatiuum est. Scripserunt multi per H. In nummo familiæ Domitiæ apud Vrsin. p. 101. PANHORMITANORVM. Gruterus pag. 174. num. 5. REIPVBLICAE PANHORMI. Et Sponius Misc. E. A. p. 176. RESP. PANHORMIT. Atque sic etiam in Plinii libris scriptum est. Nihil-

Nihilominus & sine adspiratione in aliis monumentis inuenimus. Harduinus nummum, a Paruta expositum, refert cum epigraphe PANORMITANORVM: & Reinesius class. v. inser. 64. PANORMVS, quamquam non certum est, sitne viri nomen ibi, an viri. Verba hæc sunt: *M. Coilius M. L. Panormus agitator*: nisi *Panormitanus* forte legendum sit; eiusdem tamen originis est, & orthographiam vocabuli demonstrat. Prioribus accederem, si *πανόρμος* Græci scriberent, quemadmodum illorum *p'p'* adiecta *b* post *rr* Græcorum imitatur: quum vero id recusetur a Græcis; non video, quæ ratio nos urgeat ad adspirandum in hoc vocabulo.

### NUMERI ROMANI.

Quæ Romanis numerorum figuræ fuerint, orthographiæ est explicare. Paullus Manutius figuras omnes deducit ex I, *unitate*: quæ si geminetur ita, ut inferiores partes coniungantur, fieri dicit signum V, *quinque*: hoc si inuersum infra rectum statuatur, fieri X, *decem*: si simplex I semel directe, iterum transuersum componatur, fieri L, *quingenta*: cui si in summa parte aliam notam adieceris, ut fere in hoc I, fieri notam, quæ *centum* significet, quod posterior ætas mutauerit in C, angulatam figuram in semiotundam. *Quingenta* fecerunt addita ad tres notas quarta sic I; unde primum IO, post D effectum est. Sed priore figura I duplicata fecerunt *mille* II, unde librariorum arbitrio variæ notæ, quæ mille significarent, factæ sunt, ∞, CIO, aliæ: ex CIO tandem M deriuatum, quo pro *mille* vulgus vititur, quum olim nota fuerit, non littera: quemadmodum pro IO scribunt D, quod non nusquam etiam in antiquis inscriptionibus videmus, & ipsis Capitolinis lapi-

lapidibus, ut Gruterus edidit, sed nescio qua fide & cura transcriptis.

Nunc singulos numeros, in quibus memorabilis est veterum orthographia, & a nostrorum temporum consuetudine recedens, perlustrabimus. *Quaternarius* in iis primus est, a cuius figura discessum est hodie. nunc enim sic IV. formamus; antiqui fere semper, etiam restitutores litterarum, a ducentis ac retro annis, usque ad patrum memoriam aut auorum, simplicem figuram ita IIII. quadruplicabant. Nummus familiae Antoniae apud Vrsin. pag. 29. LEG. IIII; Grut. pag. 30. n. 4. IIII K A L. A P R I L. & sic constanter alibi: etiam in compositis, XIII. Grut. pag. 41. n. 7. & 688. 2; XXIII. pag. 688. 11. Raro admodum inuenitur XIV, pag. 689. 13; & XXIV. p. 833. 1.

*Senarius* numerus est VI. ut VI. VIR, *seuir*, siue *sexuir*, Gruter. pag. 481. 7. Saepius scribitur I I I I I. VIR, Grut. pag. 45. 8. pag. 426. 4, pag. 428, 429. *Octo* potius VIII. quam IIX. signantur in vetustis monumentis. Vide fragmenta Kalendarii apud Grut. pag. 134. *Novem* plerumque sic scribuntur VIIII. Grut. pag. 317. 6. A N N. VIIII. & 613. 12. VIXIT ANNIS IIII. M. VIIII. DIEBUS IIII, id est *mensibus novem*.

*Decem octo* variant in figurarum compositione. Grut. pag. 317. 6. D. XVIII id est, *diebus duodeviginti*: quae forma etiam pag. 190. 7. & 712. 11; & in Kalendaris antiquis est: in alio fragmento Kalendarii, quod supra nominavimus, est XIX: & in nummis Vrsini pag. 31. de Familiis, LEG. XIIII, & Grut. pag. 677. n. 5. ANNIS XIIII.

*Vndeviginti* in nummo Vrsini iam laudato sunt XIX. alibi XVIII. sicut & XXVIII. hoc est *undeviginti*, Grut. p. 677. n. 5. & pag. 712. n. 11. XXXVIII. *undequadragesima*.

*Ipsa*

Ipsa *quadragesima* antiqui Romani XXXX, potius quam XL, signabant. Grut. p. 679. ANN. XXXX. & p. 344. 3. & 426. 3. ANNOS XXXXV.

Maiores numeri raro in lapidibus occurrunt; nisi in Fastis magistratum & triumphalibus tabulis. Ibi enim LXXX & XC. ceruuntur: & supra centenarium etiam CD *quadringsenta*, quæ aliis CCCC notantur. Duilii triumphus actus anno CDXCIII. Aemilii Paulli de Perse, anno DXXCVI, vt Gruterus pag. 296. edidit. Maiores millenario numeros plerumque Latini suis vocabulis exscribunt: si per notas, multiplicant millenarium, v. g. CIO CIO CIO *tria millia*: *μυριάδες* nota CCIOO, *decem millia*, eiusque dimidiata figura IOO *quinque millia*: at CCCCIOO *centum millia*. Quidam millenario proponunt cardinalem, ut III M. *tria millia*, quod in millibus passuum, (quorum notæ sunt M. P.) frequens est in Plinii libris geographicis.

## ACCENTVS ET APICES LATINORVM.

Accentus non pronuntiationis, sed scriptos apices, quos vulgo etiam *accentus* appellant, intelligimus. Videmus enim ita pueros adsuesieri, vt ablatiuos casus & aduerbia & alias vocolas, coniunctiones præfertim, apicibus obliquis, aut in acutum angulum conuoluentibus, quasi summa Latinitas in iis consistat, imponant. Et quum multi in defendendis iis ad antiquitatem prouocent, de antiquorum apicibus prius disquirendum est; deinde de consuetudine nostrorum temporum.

Pueri olim adminiculum ad enuntriandum erat, longis syllabis apponere apicem, nec vero omnibus, sed dubiis nonnullis, vt cum mora pronuntiarentur.

Quin-

Quintilianus lib. I. cap. VII. *Orthographiæ ars totam subtilitatem in dubiis habet: ut longis syllabis omnibus apponere apicem ineptissimum est; quia plurima natura ipsa verbi, quod scribitur, patent: sed interim necessarium, quum eadem littera alium atque alium intellectum, prout correpta vel producta est, facit, ut M A L V S, utrum arborem significet, an hominem non bonum, apice distinguitur. P A L V S aliud priore syllaba longa, aliud sequenti, significat. Et quum eadem littera nominatio casu brevis, ablativo longa est, utrum sequamur, plerumque hac nota monendi sumus. Vides, quam diuersa veteribus Romanis fuerit ratio virgularum vel apicum ab ea, quæ solet hodie in vulgari scriptura esse: pronuntiationi seruiebant, ut longa syllaba, si dubia pueris esset, hac nota distingueretur, ac vbique pronuntiatio iustum tempus & quantitatem syllabarum obseruaret. Sed hæc pueris adhibebantur, quia de puerorum institutione primo libro Quintilianus tractat: ultra quam ætatem consuetudo hæc non proferebatur, adeo, ut Muretus in Lipsii Dialogo de Pronuntiatione cap. XIX. aperte sic illum adloquatur: *vagare mihi per hanc urbem (Romam) & quære: multa monumenta in utraque lingua, multi lapides: lapis ego si accentuuncularum istarum unquam apex. Sed hoc nimis adseueranter: raræ enim admodum videntur nonnufquam in lapidibus, quod Lipsius etiam illi approbavit.**

Exemplis res agenda est. In vasto infinitarum inscriptionum opere, quas Gruterus collegit, vix duodecim, aut si plures, non tamen multas inuenies, quæ eiusmodi notulas aliquas habeant. Dico aliquas: nec enim in singulis verbis sunt, sed in rarioribus, vna forte aut altera earum excepta, sed inepta satis, ubi frequentiores apparent. Ut vero, quæ pueri addidicimus, tenacius inhærent, quam ut facile dediscamus; & nobis vel nolentibus etiam subrepunt:

D

ita

ita quoque de his factum est apicibus, ut nonnullis, puto opificibus magis, quam eruditis, hæc consuetudo adhæresceret, ut interdum eiusmodi signa atque notas præter necessitatem supra litteras collocarent. Lipsius exempla, quæ ipse viderat; ostendit PATRONO, CLEMENS, CVRIONE, cetera. Gruterus pag. 304. n. 9. lapidem sic transferipsit KALATORI sacerdotii Tizidlium FLAVIALIVM STUDIOSO. Tres hic accentus vox Kalatori habet: duo ceteræ. Et pag. 453. eorum opside accipit: & mox, triumphalibus ornamentis bonbravit. Nec semper longis syllabis adiecti hi apices sunt, sed aliquando etiam breuibus. Pag. 410. 8. FLAVIVS — SIBI ET SVIS: & p. 411. 1. TECTORVM OPERVM. In longa inscriptione Pisani cenotaphii, quod Caio Cæsari dicatum fuit, vix quinque aut sex voces habent apices, LVCTV, CASV, MANIBVS, a manes: COLONIA' ablatius, IVSSV' in ultima; MAGISTRATVS accusatiue.

Sed esto discretionis causa apponi manibus: quid vero discernunt in casu, luctu, iussu, ibi priori, hic posteriori syllaba? nec opus erat in ceteris, ut casus a primo diuersos signarent, quia præpositiones adiectæ hoc præstiterant, in colonia, per magistratus. Tantum itaque abest, ut Vossii opinio Pisani monumentis elidatur, quod vir magnus censuit; ut nec ibi rationes omnium reddi posse videamus. Sic autem doctissimus Vossius lib. 11. Artis Grammat. cap. VIII. De Latinis accentibus satis apertum ex lapidibus antiquis. Quo enim vetustiores, eo magis accentuunculis carent. Lapidem aliquot obiectant, ubi reperiuntur: sed imperite adeo sculptor, ut satis liqueat, nullam eorum rationem haberi oportere.

Exemplum suppono, quod confirmet Vossium non inepte iudicasse, ex Gruteri pag. 609. idque minoribus



bus litteris, quia non sufficiunt maiores, transferibemus.

D. M.

M'. Aurelius Augg'. lib'. Secundus  
se viuus fecit sibi et' Caeliae Marcellinae  
coniugi sanctissimae, et' Secundus fil'  
dulcissim6 q'. v'. a. viiii' m'. iiii' d'. x. et'  
libertis

libertabusque posterisque eorum  
in fr'. p. xv' is in agro ped. viiii' et'  
ante fronte

lat.

ped. x'

Quid opus accentibus in cunctis prope ultimis, breuibus æque ac longis? quæ ratio excogitari potest? an tonus semper in eam syllabam reiiciendus? inepte. Sic tamen ineptire lapicidis & opificibus libuit. Gemina olim ratio pueris commendabat apices, uti Quintiliano doctore discimus, 'primum ut attollendam syllabam longam & sonantius exprimendam notarent: deinde ut discernere diuersas eisdem voces litteris. De hoc altero etiam Donatus, cap. de Tonis, pag. 1741. *In Latinis numquam acutus accentus in ultima syllaba poni potest, nisi discretionis causa, ut in aduerbio PONE; ideo, ne verbum putetur imperatiui modi: neque circumflexus, nisi in ea particula, quæ est ERGO.*

Quantum vero hæc absunt a nostrorum temporum consuetudine, quibus non tono extollendo adhibentur, nec nominibus, aut verbis superscribuntur, sed misera tantum *aduerbia*, & quæ similia aduerbiis videntur, accentu non acuto, sed *gravi* onerantur; *ablativi* singulares *circumflexo*, ut vocant, qui vero similior duplicato tecto est: credo, ne perpluant. Aiunt patroni, differentiarum causa fieri, ut aduerbia a vocativis; ablatiui a dativis distinguantur. Sed heus boni viri! si sit differentiarum causa, cur additis

D 2

etiam,

etiam, vbi nullum discrimen faciendum est, neque id vllum locum habet, vtpote in *bonū, sapē, ferū, risū, antē, atquē, tam, tūm, tamēn, largitēr*? & cur aduerbia ab vocatiuis tanta religione discriminatis, qui casus sæpe in magnis libris ne semel quidem occurrit? quis puer tam stupidus est, vt si intelligit, quid vocatiui, quid sint aduerbia, non possit statim ex sensu & vsu discernere? Et si discretionis necessitatem vrgetis, cur non discernitis alia discernenda? Ablatiuum per *ā* & *ō* vultis a datiuo distinguere? cur non idem facitis in plurali, vbi etiam hi casus pares sunt, & ambo in *is* vel *ibus* exeunt? Si potest, & debet ex lege vestra pluralis ablativus distinguui sine apposita notula, cur non idem casus in singulari liberandus ab onere est? Dicite mihi, si potestis, disparitatem. Innumera sunt, quæ iisdem litteris scripta diversissima significant, vbi nullam iubetis accentuunculam, quæ dirimat, apponi. Per classes quædam enarrabo:

### I. Nomen & Verbum iisdem litteris.

*Aequa, aquas; alis, alam; amari, annuo, arce, arces; aue, cades, cadis, cadi; canis, canes; capite, capitis; certo, certas, certa; consule, consulis; cura, custodi, custodis; dicam, dicis; disci, discis; domui, duci, duces; eas (verb. & pronom.) facis, facies; ferri, fides, formido; gesto, gestas; honesta, honestas, honestatis; indicem, indices; iudicem, iudices; illustrem, illustres; labores, laudes, lege, leger, legis; laudem, laudes; malo, malis; militare, militarem, miseris; nitor, nobilitas, noui, nube, nubes; nuntia, nuntio; parcam, pateris, pelis, praesides, probas, proba; rapis, rege, regis; salis, salutare, scribam, scribas; sedes, sede; serua, seruo; severis (mutato accentu) suis, specula; superas,*

*peras, trahis, velis, veniam, vidua, vigiles, vis, vita, vites, vulgare, & permulta alia.*

## II. Nomen & Nomen iisdem litteris.

*Avis, fœdus, fides, fretum, generi, libertas, manus, ius, mari, maribus, mensis, ovis, rei, solum, specula (diminutivum a spes, & editior locus) tribus, veris, villis.*

## III. Verbum & Verbum.

*Crenit, excrevit, dico, edo, egerit, fundamus, iuxit, eluxit, manet, promeretur, regere, cetera.* Et quia verbis participia & gerundia cohærent, huc illorum quædam exempla addimus tam a verbis quam nominibus distinguenda: *demens, emenda, emendo, moratus, passus, servi.* Sic & *impletis, completis* participium & verbum sunt.

## IV. Accentu pronuntiationis distinguenda.


*Cupido, iacere, imperito, liberet, nitere, enitere, indico, oblitus, olere, parere, patere, pendere, prædico, videris, reliqua.*

Hæc omnia sine apicibus discernuntur sensu & constructione: cur sola adverbia & ablativos, aut quam pronomen & adverbium, cum præpositionem & coniunctionem, non possimus sine istis? Desinant ergo scholarum magistri pueros vexare, verberare, si hos apices, maioris propudia ætatis, & omnino dediscendos, neglexerint: ad alia potius & meliora suos adsuefaciant, quorum numquam eos pœniteat. Non vetus is mos in adverbiiis est. Olim alia ratio rariorum fuit apicum, ut tradidimus: nec in manu exaratis libris sic adverbia prægravantur: neque pri-

mi litterarum restitutores agnouerunt, quod in libris, quos ediderunt, perspicimus. Aldus Manutius ausus sensim apices admisit: eiecit rursus nepos eiusdem nominis. Paulli filius: & doctissimus quisque sibi semper ab iis quam maxime temperauit. Hoc autem velim omnes de me sentiant, nequaquam mihi constitutum esse, vllum hominem sugillare aut contemnere. Scio enim esse viros graues summeque eruditos, qui consuetudinem, a praeceptoribus in pueritia haustam, adhuc sequantur, quorum pace & salua existimatione, quod res esse videatur, liceat mihi libere ac ingenue tradidisse.

### SIGNA DISTINCTIONIS.

Prisci Romani maioribus litteris scribentes, verba ita continua ponebant, vt discerni vix possent, nisi punctis singula distinguerentur. Ex qua ratione in plerisque inscriptionibus voces singula punctis singulis separatae visuntur, praeter finales versusum, vbi veteres nullam distinctionis notam addiderunt. Cessante autem illa contiguae scriptionis ratione, non opus est tanta multitudine punctorum: cuiusmodi inscriptiones, punctis destituta, apud Gruterum sunt pag. 809. num. 2. & 11. & plures apud Sponium in Miscell. Abruptae autem voces siue breuiatae omnino punctum requirunt, defectionis indicem.

Nec puncta tantum verbis interposuerunt, sed alia quoque signa, ornatus causa, ac pro lubitu artificum, qui lapides inscripserunt. Sunt enim inscriptiones, quae distinguuntur semicircellorum figuris, vt Gruter. p. 339. 3. Q, RAPIDIO, Q, F, --- LVDI, CIRCEN, cetera: Aliquando figurae interiectae. Pag. 493. 5. PROV, AFRICAE, ET, V, S, IVDICANTI, reliquae. Etiam gaudium forma  interstrata, ut ibidem num.

num. 3. ~ φ PROVINCIA † PRAEF †  
ALAE † reliqua. Et pag. 591. num. 7. instar †  
loco punctorum est :

D † M †  
P † AELIO † VITALI †  
AVG † LIB † TABVL cetera.

Sed hæc rariora ; ut plurimum punctis simplici-  
bus interciscum propter vocum continuitatem : qua  
cessante ; vt apud nos sit , illa quoque negliguntur .

*Diacritica* puncta grammaticis dicta , quæ dissolu-  
tioni syllabæ aut diphthongi imponuntur , vt *solvit*  
trisyllabum , pro *solvit* : *sūst* , & similia ; quam  
dizresin ac dialysin etiam appellant . Qui minore  
scriptionis forma diphthongos æ , œ distinde scri-  
bunt , quoties litteræ illæ separatim legendæ sunt ,  
punctis diacriticis significant , vt *æris* , *ἀέρις* : nam  
*aeris* his est *χαλκῷ* . Qui tantum ex maiori scriptu-  
ra *Æ* eiciunt , quoties in principio periodi aut ver-  
sus id ponendum est , simpliciter scribunt *Aere* ,  
*χαλκῷ* : si vero *ἀέρι* significandum , *Ære* vel *Æri* .  
Duo puncta etiam litteræ *i* imponuntur , quando  
consona resolvitur in vocalem & vox crescit syllaba ,  
vt *Caius* trisyllabum .

Grammatici postea , quam desit Latinitas vulga-  
tis esse , quæ olim simplicia erant , aut aliter dispo-  
sita , in eum ordinem redegerunt & formam , quæ  
adhuc hodie vsitata sunt . Veterum distinctiones  
Erycius Puteanus in *Facula* cap. xi. seq. exposuit :  
rem ipsam Seneca tangit epist. xxx. In *Græcis* , in-  
quit , *hanc licentiam tuleris : nos etiam quum scribi-  
mus interpungere consuevimus* : quæ Cicero lib. xii. de  
Oratore cap. XLVI. *interpuncta verborum* vocat . Li-  
pius de notis post singula verba positis interpretatur .  
Maiores vero minoresque in versu & periodo distin-  
ctiones , saltem in puerorum vsum , ex loco & situ  
punctorum discriminabant . Diomedes lib. ii. cap.

D 4 de

de Discretionem pag. 432. *Distinctio est, appposito puncto, nota finiti sensus, vel pendentis mora, quod locis ponitur tribus: SVMMO, quum sensum terminat, & vocatur Finalis a nobis, a Græcis τελεία: MEDIO, quum respirandi spatium legenti dat, & dicitur Modia: IMO, quum lectionis tenorem, adhuc aliud inlatura, suspendit, & vocatur a Græcis ὑποσημη, a nostris Subdistinctio.*

Hæc antiquiora posteriores grammatici, ut diximus, immutarunt, adhibitis signis aliis & loco alio, plurimum vero imo positis: quorum rationem interpungendi quum accurate Aldus Manutius P. F. exposuerit, eius verba hic legisse, credo, non penitebit. *Minima, inquit, est distinctio auersus semicirculus, qui hoc modo (,) designatur, quam alii Virgulam, alii Comma, nonnulli Semipunctum (addo incisum, ex Cic. Oratore c. LXII.) appellant.*

*Eadem nota si cum unico puncto coniungatur, ut sit hac (;), aliter usurpatur: modo enim distinguit contraria nomina hoc modo, publica, priuata; sacra, profana; tua, aliena; interdum etiam locum habet in iis locis, ubi sententia ita variatur verbis, ut si semicirculum apponas, parum sit, si gemina puncta, nimium: (vnde etiam Semicolon vocari consuevit.) Inter omnes notas hanc, de qua nunc agimus, esse omnium difficillimam intelligo. (Inepte semicolo hodie vtuntur typographi, quum que coniunctionem breuiaturi q; q; componunt: qui rectius, & ad antiquum morem, simplex punctum ad q. adicerent. Grut. p. 591. POSTERISQ. EORVM. Reinecius pag. 675. FINISQ. ABORIGINE.)*

*Sequitur geminatio puncti: cuius ea vis est, ut quasi medium locum obtineat inter punctum semicirculo iunctum, & unicum punctum. Omnino autem usurpatur, quum sententia vel duas, vel plures habet partes, quæ suis singula verbis reguntur, per se consistunt,*

sunt, absoluteque sunt: ut, quemadmodum ex integris membris fit integrum corpus, item ex integris partibus sententia consistat uniuersa. (Duo puncta hæc vocamus Colon, quia κώλῃ, integri membri in periodo, signum sunt.)

Restat unicum punctum, quo sententia concluditur ac terminatur: nec difficile cognitionem habet: quamquam ubi concisa sententia est, & concisa item altera subsequitur, gemino puncto ego quidem utor libentius, quam unico: ut in hoc exemplo: Hospitium mihi para: cras enim adero.

INTERROGANDI nota quum sibi locum postulet, verbum ipsum significat. In dolore autem, & in admiratione, si quis unico puncto, non interrogandi nota, utetur, meo iudicio recte faciet: ut in hoc exemplo: Quantas utilitates humano generi philosophia peperit. Interdum, licet manifesta interrogatio sit, interrogandi tamen nota non utimur, ut quum sententia eo usque producitur, ut illa interrogandi vis, quæ primis verbis agnoscebatur, longiore paulatim spatio deminuta, euanescat.

(Signum exclamandi (!) post exclamationes ponitur, ut O tempora, o mores! & Heu, me miserum!)

PARENTHESI includi oportet ea, quæ nec sententiæ partes sunt, nec ab ullo aut antecedente aut subsequente verbo reguntur: nec, si absint, detrimenti quidquam patitur sententiæ. Hæcenus Manutius.

Distinctio etiam notetur inter ( ) parentheses, & [ ] uncas siue uncinas. Illarum vltum iam Manutius exposuit: hi sunt in textu notæ criticæ, quæ suspectum verbum aut sententiam significant, quasi a mala manu in auctoris textum, imperite sæpe inepteque, intrusam. Etiam [ ] utimur, quum nostra verba alterius orationi interserimus, aut aliud quidpiam separamus.

MA-

## MAIORES LITTERAE IN MINORE SCRIPTURA.

Quod plerumque hodie utimur minore scriptura, nec illa ita sola, aut pura, ut non maiores etiam litteras admisceamus; quæri potest, quando, quo loco, & quoties liceat maiusculas admiscere. Peccant enim aut inepte agunt, qui indifferenter, aut nimis crebro, initio vocum maiores adhibent. In maiori scriptura olim non opus hac quaestione erat, quia uniformes erant litteræ, quibus propria, communia; prima, media; honorata, inhonora scribebantur. Postquam vero minuscula illa & quasi semi-barbara scribendi ratio adsumpta fuit; non tamen plane maioribus litteris abstinuerunt, ac principio maioris cuiusdam sensus, seu tractationis, ita applicuere, ut prima littera primæ vocis ex iis maiuscula esset: deinde nomina propria virorum feminarumque, & locorum, ab iis inchoabant: tandem eas principio singulorum in carmine versuum quidam, post plures, ac fere omnes posuerunt. Sic fere in manuscriptis libris: sic in olim excusis est: nostra autem ætate, aut paullo ante, adiecta *honoris*, ut aiunt, vocabula, imperator, rex, princeps, consul, prætor, rector, tribunus, dux, magister, & his similia: & ipsum vocabulum *dominus*, etiam quum possessorem sonat, religioni sibi ducunt aliter, ac *Dominus*, maiore initiali, scribere, v. g. *agri Dominus*, *adium Dominus*, quod ineptum est. Nolo cuiquam honorem detractum suum, quamlibet exiguum, qui ab una littera est, recte tamen litteras adhiberi velim. In historico contextu scribo veteri more, *rex Darius*, *Scipio consul*, cetera; si vero scribendum de iis est aut ad eos, quibuscum versamur, quos reveremur; potest aliquid



quid multorum opinioni, aut superstitioni tribui, præsertim, si certi non sumus, edoctos illos in antiqua scribendi ratione esse. Malim autem, si honor in eo præstandus est, vocabula integra REX, PRINCEPS, cetera, maioribus litteris effingere, quam maiores minoribus commiscere. Quod etiam de pronominebus notandum est, quæ in adlocutionibus hodie, ut cum primis in epistolis sit, *Tu, Tibi, Te* scribuntur: id quod promiscue non est adfectandum. Si summis viris ac principibus scribimus, detur aliquid consuetudini, utcumque recentiori: si mediocribus, nialim veterem scribendi modum imitari. Vbi etiam honoris causa maiores litteras pronominebus adhibere placet, præstat integras iis voces exscribere, quam diuersa genera permiscere: hoc est, *TE, TIBI, TVA* scribere, quam *Te, Tibi, Tua*.

An vero semper, finita periodo, & puncto intermissione facta, maiore littera periodus noua incipienda sit, laudati Manutii sententia definimus. *Post unicum punctum*, inquit, *si sequatur sententia superiori non dissimilis, primum verbum littera minuscula incipio; si vero dissimilis, maiuscula. Quod si non solum dissimilis sententia, sed omnino dissimile sequatur argumentum, tunc ea, quæ sequuntur, non solum unico puncto & littera maiuscula, sed etiam aliquo intervallo sciungenda sunt.*

## DIVISIO IN FINE VERSVS.

Sæpe accidit, ut vocem ultimam versus, quem vulgo lineam vocant, non capiat, ut propterea dividenda sit, & pars reiicienda in versum insequentem. Nostri hodie signum diuisionis + apponunt, transversam lineolam, quæ indicet sequentia adnectenda in legendo esse: & quum scribunt, multi  
Teu-

Teutonicæ scripturæ signum  $\approx$  etiam Latinis adhibent; in antiquis monumentis nulla huius generis signa in diuidendo apparent, quia veteres nec post integram vocem, in fine incidebant. Sæpe etiam inscite diuisum in lapidibus est: v. gr. Grut. pag. 40. n. 2. diphthongus AE dirimitur, P R A scripto in fine prioris versus; E I. principio insequentis, vt *præfektus* significetur: & pag. 46. n. 11. duplex eadem littera in principio versus posterioris, partem diuisi verbi tenentis, sic posita

REIP. ARU  
GCITANAE

id quod opificum inscitæ, non vniuersali consuetudini, tribuendum est. Doctiores enim in his quoque industrii & curiosi erant. Quintilianus lib. 1. c. vii. *Est etiam in diuidendis verbis observatio, mediam litteram consonantem priori, an sequenti syllabæ adiungas. ARVSPEX enim, quia pars eius posterior a spectando est, S litteram tertiæ dabit; ABSTEMIVS quia ex abstinentia temeti composita vox est, primæ relinquetur. Ad originem ergo & derivationem diuidentes ablegat, nec præuerbia compositorum licet dirimere, sed diuidendum, si opus est, ab-igo, ad-eo, ad-oro, os-tendo, dis-cutio, sus-cipio, sus-tineo, pæn-insula, et-iam, neg-otium, prof-odia, pot-est, vel-us, prod-it a prodeo; pro-dit a prodo, nam epenthesis D in compositis ad priorem partem pertinet, cui euphonix causa adiicitur; vt prod-eo, red-eo, red-amo. Dubia sunt cognosco, ignosco, agnosco. Si enim a gnosco Cæcilii sunt, g ab n non potest diuelli: sin a nosco, g ad mutatam præpositionem pertinet. Cicero sane in Oratore c. XLVII. ignotus ab in & notus; & ignauus ab in & nauus deduxit. Ceterum si duæ consonantes in medio concurrunt, diuiduntur tan-*

tantum ex, quæ ab initio verbi nequeunt pronuntia-  
ri; non autem, a quibus verba tam Græca quam  
Latina incipiunt: v. g. diuiduntur in *car-po*, *or-bis*,  
*ar-tis*, *cam-pus*, *mil-le*, *an-nus*, *an-te*, *ul-timus*:  
coniunctæ manent in *a-ctus*, *ca-ptus*, *a-mnis*, *o-mnis*,  
*la-psus*, *le-ctus*, *pro-pter*, *sci-sma*, *magi-ster*, ce-  
tera: ab his enim incipiunt vocabula *Ctesiphon*,  
*Ptolemeus*, *Mnemon*, *psallo*, *Smyrna*, *stare*. Si tres  
consonantes in medio concurrunt, ratio est eadem,  
ideoque Cællius apud Cassiodorum pag. 2316. *plo-  
strum*, *lu-strans*, *campe-stre*, per syllabas disiungi  
censet. At vero tam in Claudii oratione apud Grut.  
pag. 502. quam Lucii Cæsaris cenotaphio dividitur  
**MAGISTRATUS**: unde grammaticorum de  
tribus consonantibus regulam non artigisse ætatem  
illam, sæpe laudatus censet Norisius.

## NOTAE, SEV BREVIATA SCRIPTURA.

De notis hic agere non est nostri instituti, nec il-  
læ, tam ad orthographiam pertinent, quam ad le-  
ctionem, aliam grammaticæ artis partem. Tantum  
de paucis, nostro ævo maxime tritis, aliquid adfe-  
remus. Vulgare, non autem antiquum, neque La-  
tinum est, virorum propriis nominibus vocabulum  
*Dominus* honoris causa præmittere, quod hac nota  
DN. seu Dn. plurimi solent scribere. At medio ævo  
D.N. puncto interposito, valebat *dominus noster*,  
aut si plures, D.D. N.N. *domini nostri*, & augu-  
storum nomiuiibus tantummodo præmittebatur, uti  
ex innumeris inscriptionibus constat. Rectius plene  
scripseris, si scribendum est; aut D. simpliciter po-  
nas, ut aliæ gentes faciunt. Si times, ne cum *Do-*  
*ctoris*

*Notis* nota confundatur, veterum consuetudini magis D.O.M. quam D.N. accedet.

Deinde abrumpendi formula *& cetera*, contrahitur sic *&c.* siue *&c.* Trita hodie forma, antiquis prorsus ignota: qui rem varie eloquuntur & circumscribunt: nec non ipsum *cetera* aliquot membris recensitis subdunt Lucretius lib. vi. vers. 85. & Cicero Top. cap. vii. Vtrobique recentiores *& cetera* ediderunt, quod improbant Ob. Gifanius, Dan. Pareus, & Aug. Buchnerus: elegantius censentes *cetera* sine coniunctione, quam *& cetera*. Hinc iudicari de nota hac augendo honori duplicata, &c. &c. ac triplicata &c. &c. &c. potest, quæ hodie singularis reuerentiæ signum habetur. Plene exscribe, plene pronuntia, & intelliges quam parum apto sensu hæc fiat multiplicatio. Idem quod *cetera*, in abrumpendi usu sunt *reliqua*. Capitolinus in Gordiano cap. v. partem refert epistolæ imperatoris Alexandri ad senatum, qua recitata, abscissis ceteris, quæ sequebantur, subiunxit, *& reliqua*.



PARS

PARS POSTERIOR,  
 QVAE EST  
 VOCVM SINGVLARIVM  
 ORTHOGRAPHIA.

**A** Praepositio sine accentu, more antiquo: neque etiam accentu ab ullo alio discernitur.

**ADFATIM** & *affatim* scribitur: sed qui praeverbium *ad* in ceteris ante *F* servant, iis prius placet: cum quibus & nos sentimus. Festus, *adfatum*: etiam Lipsius de Pronuntiatio. cap. XXI. Agræcius ab *adfatu* ducit; sed repugnat brevis quantitas, a Nanniano poeta defensa apud Gell. lib. VII. cap. VII. quamquam is veram eius rationem ignoravit: nam *a fatim* est, veteri voce, quæ sonuit abundanter; unde *fatisco*, abundanter aperior: inde *adfatum* siue *affatim*. Sic Servius docet ad illud Virgilii Aen. I. vers. 123.

-- rimisque fatiscunt.

**ADOLESCENS** per *O* auctoritate Festi in *Suboles*, quia ab *oleſco*, id est *cresco*. Lapidibus quidam & libri *adulescens*. Spon. Misc. pag. 129. e medio suo inscriptione **ADVLESCENTIAE**. Sed Manutius etiam ad lapides prouocat, qui *O* habeant.

**ADSIDVVS** & *Affiduus* pari stant auctoritate & utraque magna. Cicero Top. cap. 2. *Locuples est assiduus*, ut ait Aelius, appellatus ab *are dando*: *zre*, id est *asse*. Gellius XVI. cap. 1. *Affiduus in duodecim tabulis pro locuplete & facile facienti, dictus*,  
*aut*

aut ab assibus, id est *are dando*, quum id tempora reipublica postularent: aut a muneris pro familiari copia faciendi assiduitate. Vtrumque explicat Sospater lib. 1. pag. 58. *Assiduus* quidam per D scribunt, quasi sit a sedendo figuratum, sed errant. Nam quum a Servio Tullio populus in quinque classes esset diuisus, ut tributum, prout quisque possideret, inferret; disiores, qui asses dabant, assidui dicti sunt, (quali qui asses dunt:) & quoniam soli in negotiis publicis frequentes aderant, eos qui frequentes assunt, assiduos ab assibus dixerunt. Inscriptio sub Antoninis Grut. p. 163. 8. ASSIDVIS FLVGTIBVS. Contra Festus: *Assiduus* dicitur, quia in ea re, quam frequenter agit, quasi consedissee videatur: hic ergo ab *assidendo* ducit, ut a *residendo residuus*. Varro lib. vi. cap. v. qui *adest*, *assiduus*. Ergo ab *adsum*. Atque his displicuit opinio de *assibus*: quæ aliquid fabulæ de Servio habere videtur. Nec Cicero ex mente sua, sed Aelii locutus est: Gellius dubitanter aut, aut. Accedit, quod Romæ marmorea tabella legitur (Grut. 950. pag. 8.) ADSIDVE DEFLET. De pronuntiatione per *ss* minus dubitatur: scriptura fuit ambigua.

ADSVM dico, quia S ante se ad præpositionem ferre posse, supra probauimus. Nec Plautinus iocus Pænulo a. 1. sc. 2. 67. quo dicenti *assum apud te eccum*, alius respondet, *ego elixus sis volo*, nos mouet: nam plebeia pronuntiatio, non doctorum scriptura, ex eo probatur.

AE GA EVM mare, utrimque diphthongo prima: quia Græce est τὸ Αἰγαῖον πέραγος.

AEMILIVS Latino I, non Græco T, in secunda, nummi & lapides. Vide Vrsin. pag. 11. & Grut. pag. 33. 36.

AERIVS, *Aëreus*. Tritum posterius: MSS. & castigatiores libri *aerius*. Lucretius lib. 1. uers. 12.  
*Aëria*

*Aeria volucres*. Et Virgilius Georg. III. vers. 474.

--- *aerías Alpís & Norica sí quis*

*Castella in tumulis*, cetera.

**AETHERIVS**, non *athereus*, Manutius ex Virgillii vetustissimo codice, quem a suo possessore saepe Carpensem vocat.

**AFRICA**, *Africanus*, *Afer*, per *f* non *p̄b*; nummi & lapides: ut ut Græcis posterioribus (nam veteribus *Λιβύα*) est *A'qpos*, *A'qpxn'*. Vide Pzanium, Eutropii metaphrastam, lib. II. in bello Punico II.

**AGNATVS**, **AGNOSCO**. De his supra pag. 29. disputauimus: & de simili verbo *cognosco* pag. 33. Nondum dubitare desino de *gnascor*, *gnasco*, unde ducunt illa, littera *d* praeuerbii extrusa. Nam *agnomen* est *adnomen*, quod ita coniunctim scriptum Salmasius Capitolino vindicauit in Vero cap. III. quemadmodum idem auctor eodemque principe cap. VII. in præstantissimo Palatino cod. *adnosceres* scripsit. Glossæ nomicæ: *ἀδνᾶρος*, *ἀδνῆρος*, *συγγενής*.

**AHENO BARBUS**, non diphthongo *Aeno-barbus*, nummi gentis Domitiæ, & lapides Capitolini: vide *Manus*. In Ancyrano, serie 1. cum *biuocali* **AHAENEIS PILIS**.

**ALAMANNA** & *Alemannia*: sed prius in libris frequentius: at plures nummi **ALEMANNIA**, quod ideo præfert illustris Spanhemius pag. 750. Cum *A* in vno nummo aureo, quem Nic. Heinsius exponit ad Claudiani IV. conf. Honor. v. 446. Inscriptio Grut. pag. 160. titulos Valentiniani, Valentis & Gratiani refert: in singulorum cognominibus **ALAMANN**. Et pag. 150. 7. de Gratiano: **GERMAN. MAX. ALAMANVS MAX.** per *A* & simplex *N*.

**ALLIA** fluuius Romana clade nobilitatus.

E

Ser-

Servius ad illud Aeneid. vii. vers. 717. *infaustum interluit Allia nomen*; dicit nomen *Allia* esse, a poeta metri causa duplicatam litteram. Iuvat Plutarchus in Camillo pag. 137. *πὰρ τὸν Ἀλίαν ποταμόν*. Hos duces sequuntur Manutius, Sigonius, Dausquius, At duplex L in aliis omnium libris Varronis, Ciceronis, Livii, Taciti, Suetonii, Macrobiani: neque credibile est, hos omnes potuisse corrumpi. Accedit incorruptum testimonium Caiani, quod Pisis est, cenotaphii, quo PRO ALLIENSI diem VIII. K. MARTIAS, quo obierat Caius Caesar, habendam esse decernitur.

**ALEXANDREA**, *Alexandria*, Graece Ἀλεξάνδρεια: Urbium autem nomina proparoxytona, in *ea* exeuntia, dubium accentum apud Latinos habent, prout in *ea* vel *ia* cadunt. Quaedam constantius E longum habent, vt *Laodicea*, *Heraclea*, *Apamea*, *Cassandra*: quaedam plerumque per *ia* scribuntur, vt *Seleucia*, *Nicomedia*, *Philadelpbia*, *Sebastia*: quaedam ambigua, *Alexandria* & *Alexandrea*; *Antiochia* & *Antiochea*; *Casaria* & *Casarea*, cetera; quia *ea* nunc I nunc E pronuntiatur. Horatius lib. iiii. od. xiiii. *Alexandrea* scripsit, arrecta penultima: in nummis Latinis autem **ALEXANDRIA**; vt etiam Plinius, & plerumque alii. *Antiochea* in antiquis codd. Epistolarum Ciceronis, quod Fulvius Ursinus ad lib. ii. epist. x. (al. ix.) tuetur, etiam ex nummi epigraphae **GENIO ANTIOCHEAE**. Plurimis nummis est **COL. CAESAREA**, tam utriusque in Palaestina, quam eius, quae erat in Mauretania. Siceriam de *Amaseia*, *Antigoncia*, *Pharnacia*, *Raphaia* iudicandum est.

**ALVCINARI**, sine H, & L simplici, Festus, & Cloatius. Verus apud Gellium lib. xvi. cap. xii. scribunt, quasi a *lute aberrare*, vt Manutius cum



cum Pantagatho interpretatur. Recentiores quidam malunt *allucinari*, siue *adlucinari*, quasi offendere ad lucem, eiusque claritate præstringi. Sed maxime cum Festo tacere & Gloatio. Veteres aliquando adspirationem præfixerunt, ut idem Gellius lib. 11, cap. 111. refert: sed addiderunt etiam (quæ ibi exempla coniungit) ad *bonera*, *benustum*; quæ nemo imitatur.

**AMOENVS** per æ in lapidibus, quibus proprium *Amanus* & *Amana* sunt. Gruter. pag. 288. **L. AMOENVS**, & pag. 854. **AELIA L. F. AMOENA**. Addit Manutius vetustos codices Virgilii.

**ANCORA** sine adspiratione, quia est ἀγκυρα Græce. Seruius quidem ad Aeneid. 1. vers. 169. mirabundus: *Hoc nomen quum in Græco, unde originem ducis, adspirationem non habeat, in Latino adspiratur: quod est contrarium: nam magis Græcorum est adspiratio*. Ac Marius Victorinus pag. 2466. componit, ut paria in hoc genere, *corona*, *ancora*, *sepulcrum*.

**ANNVLVS**, *anulus*. Qui alius videntur sapere, scribunt *anulus*, vno *N*, Manutius, Lipsius, Scaliger ad Varronem: quia sit ab *anus*, quod circulum & podicem, perinde ut δακτύλιος, Græcis, significet: quæ parum decora originatio est. Varro LL. lib. v. post initium; *Tempus a bruma ad brumam, dum sol redit, vocatur annus*; quod, ut paruuli circuli *annuli*, sic magni dicebantur *anni*. Ut autem *annus* *N* duplici scribitur, ita etiam *annulus* ὑποκορισίως. Mollius sonat, fateor, *anulus*: inde forsitan illa, quam Manutius urget, *antiqua consuetudo*, quæ in libris observatur.

**APVD**. Quidam per *T* scribunt ad antiquitatem prouocantes. Est sane in veteri lapide (Gruter. pag. 443.) **APVT NOS**: & ex Hadriani sæcu-

10 p. 378. APVT MAXIMUM PRINC. tamen Augusti ætate cenotaphio Lucii Cæsaris scriptum APVD EAM ARAM. Velius Longus pag. 2231. *Non dubitatur, quin APVD per D scribi debeat, quoniam nulla præpositio T littera finitur.* Hæc ergo consuetudo obtinuit.

APVLEIVS, *Apuleius*, viri nomen, frequentius duplicata littera, quam simplice, in inscriptionibus apparet: quæ *Apulia* quidem, unde est, P simplici; poetæ vero etiam geminato scriptum tenent.

ARCESSO, non *accereso*. Grammatici quidem inter utrumque distinguunt, Sospater lib. 111. & Diomedes lib. 1. quod illud sit accusare; hoc evocare. Sed nihil valet hæc distinctio. Est enim ab antiquo *arcio*, pro quo, ut Priscianus lib. 1. pag. 559. notat, *accio*, ab *ad* & *cio*, (*din* olim mutato) postea dixerunt: quod approbat Lipsius in Orthographia.

ARENA sine H. Servius ad illud Aeneid. 1, vers. 172.

--- potiuntur Troes arena;

*Quæritur, inquit, babeat, nec ne, nomen hoc adspirationem. Et Varro sic diffinit: Si ab ariditate dicitur, non habet; si ab arendo, ut in fabricis videmus, habet: melior tamen est superior etymologia.* Eadem Carisius lib. 1. pag. 80. sed epicrissi, *gratius tamen cum adspiratione*, dissentit a Servio Mauro. Manutius etiam *barena*, persuasus præterea vetusta inscriptione CALCE HARENATO.

ARRIVS familiæ Romanæ nomen, R gemino, in nummis & lapidibus: *Arius*, R simplici, nomen hæresiarchæ, cuius media producta est, quia Græce scribitur Αῤῥῆς, ut *Darius* ex Δαρῖος. Unde & *Arens*, Quintilianus 111. cap. 1. scripsit.

AR-

**ARTVS**, angustus, non *arctus* placet erudit-  
tis. Sic Priscianus scripsit & *artus* & *artare* verbuni  
lib. vi. & Valer. Probus pag. 1474. *artus* angustus,  
& *artus* umbra sola flexione & casu, non scriptu-  
ra, discernit. Dicis, ab *arceo* esse vel *arcio*. Esto:  
ut vero ex *farctus* sit *factus*; sic etiam *artus* ab  
*arctus*.

**ASPORTO**, quasi *absporto*, excluso *B*, secun-  
dum Priscianum lib. xi. pag. 571. In aliis manet,  
ut *abscedo*, *absterreo*.

**ATQVE** coniunctio. In lapidibus saepe legi-  
tur *Adque*. Vide inscriptiones Grut. & Sponii, et-  
iam vetustos Virgilii codices. Mollius visum *adque*,  
nec alienum ab originis significatione. Nihilominus  
prævaluit *atque*, & Augusti xuo utrumque in usu  
erat. Cenotaphio enim Cæii Cæsaris est **ATQVE**;  
Lucii **ADQUE**. Lapidēs plerique sunt posterior-  
is xui: Gruterus tamen etiam vetustum indicat  
pag. 96. 7. in quo est **PRO HOC ADQUE**  
**ALIEIS**. Tandem id exolevit, & *atque* ubiuis  
stabilitum.

**ATTIVS** poeta: & *Attius*, familiæ nomen  
diuersæ ab *Acciis*: ut *Attius* augur apud Livium.  
Sic Manutius ex libris & lapidibus.

**AVCTOR**, *auctoritas*, per *GT*. Sospiter Ca-  
risius lib. i. pag. 30. *Auctor propterea dicitur, quod*  
*augeret & generaret*. Sic meliori ætate scriptum. Ce-  
notaphio Cæii Cæsaris: **PUBLICA AVCTO-**  
**RITATE**; & mox, **AVCTORIBVS-**  
**QUE IIS**. Et oratione Claudii imperatoris apud  
Grut. pag. 502. **HOC INTER AVCTO-**  
**RES DISCREPAT**. Et nummus Commo-  
di ex VIII. imperii anno, non **AVTOR**, ut Vail-  
lant in Aeneis pag. 92. refert, sed ut Occo & Me-  
diobarbus pag. 254. **AVCTOR PIET**; quod  
in alio eiusdem anni nummo argenteo ipse Vail-  
lant

pag. 88. AVCT. PIET. transcripsit, & Mediceo Virgillii codice lib. vi. v. 650.

-- — & *Troia Dardanus auctor*.

Putida ergo *author*, *authoritas*, quia nullus hic locus est litteræ *z*, *zh*: tolerabiliora *autor*, *authoritas*, quia in Notis Valerii Probi, medio suo grammatici, AVT. vel AVTR. vel AVC. explicatur *authoritas*.

*BACCA*, *Baca*, Petrus Victorius auctor est, in Ciceronis vetustissimis libris *baca* uno c scriptum esse: quam scripturam Nic. Heinsius in Prudentii præfatione. Psychom. vers. 33. vocat *veram orthographiam*, etiam in Prudentii vetustioribus libris observatam. Nihilominus plerique *bacca* scribunt eduntque.

*BALINEVM*, contracte *Balneum*: utrumque iustum & Latinum. Sospater pag. 76. *Balneum veteres dixerunt sive balineum*: utrumque etiam in lapidibus reperitur, ut Manutius probavit, & ex Gruteri indice Aedificiorum clarum est.

*BALLISTA* verius scribitur quam *Balista*, quia a βαλλῶν. Glossa vetus: κατὰ πέλαιον, *ballistra*, *ballista*: nam illo suo etiam *ballistra* dixerunt. Invenitur tamen etiam L vno scriptum. Spon. Misc. pag. 66. COLLEG. BALISTARIOR.

*BELLVA*, non *belua*, quia *bellum* Festus a *belluis* ducit; aut potius *bellua* a *bello* nomen trahit, hoc ex *duello*, ut Quintilianus tradit lib. i. cap. v.

*BENEVOLVS*, *benevolentia*. Lipsius contendit *benivolus* scribendum esse, & id suadent etiam quidam grammatici veteres. Eutyches pag. 2152. *AVelo*, *vis*, *benivolus*, *maliuolus*, & *malificus*. Sane & lapis, Grut. pag. 443. habet *BENIVO- LENTIAE*, & alius pag. 651. *BENIVO- LENTIBVS*. At quia in compositis aliis *beno-*  
cum

cum E retinemus, *beneficium*, *benedico*; videtur omnino consuetudo adhuc recepta contra paucorum dissensum retinenda esse.

**BRACHIVM**, uno *c*, quia ex Græco βραχίον. At Manutius auctoritate Carpenſis Virgilij *bracchia*: ut videatur *c* producendæ ſyllabæ adiecta eſſe, quia prima Græcæ vocis correpta eſt. Sed paucos imitatores habet: fere omnes *brachia* ſcribunt, producta quamvis prima ſit.

**BRVNDISIVM**, non *Brundisum*, Italiæ oppidum & portus. Libri & lapides teſtes.

**BVCCINA**, *Bucina*. Prius vulgatum eſt, etiam Pompeii Feſti. Manutius autem tuetur poſterior ex Virgilio Carpenſi, & Iſidori Origin. xviii. cap. 1111. qui *Bucina*, inquit, *dicta a voce, quaſi Vocina*. Non omnibus grata hæc etymologia: alique a *Buxina* deriuant. Varro lib. v. cap. vii. extr. a vocis ſimilitudine, ( id eſt, a ſono βῦ bu ) & *cano* deducit, quaſi *bu-cina*, *bu-cinator*, licet in libris, quos habemus, etiam Scaligeri, editum ſit *buccinator*.

**CAECINA** per *x* & ſimplex *n*, non *Cecinna*; familiæ Romanæ nomen. Libri docent & lapides. Grut. p. 116. 5. C. CAECINA LARGVS.

**CAECVS** item per *x*, non *cæ*, oculis captus. Veteri tabula apud Grut. pag. 191. CENS. AP. CLAVDIVS C. F. AP. N. CAECVS. is de quo Liuius ix. cap. xxix. Feſtus *cacum valum*, occultam munitionem, etiam diphthongo prima ſcripſit.

**CAELEBS**. Feſtus, *Calibem dictum exiſtimant*, quod dignam calo vitam agat: quæ licet non certa ſit deriuatio; tamen veterem ſcribendi modum oſtendit. Ex veteri tabella Manutius in *dumtaxat*, & Gruterus pag. 574. 6. SI QVICAELIBES ESSENT. In ſimili tamen tabellæ fragmento pag. 575. 1. legitur COELIBES, diphthongo alia:

alia: vt nec hæc scriptura damnanda sit. Manutius autem facit cum priore.

**CAELO**, *calare*, sculpere, cum æ, libri veteres & lapides. Romano lapide, quem Manutius vidit, **CAELATOR & CAELATVRA**.

**CAELVM** per æ malunt eruditi, quam *calute*, Aelius Gallus apud Varronem lib. 1v. *calum* dictum ita tradit, *quod est calatum*. Sic etiam Isidorus lib. xviii. cap. 1v. Gruterus pag. 50. 6. **CAELOQVE**: & p. 47. **DIANAECAELESTI**. Et sic pag. 54. *caelesti Mercurio*: pag. 59. *Veneri caelesti*: & de Seuero pag. 266. *caelesti ejus indulgentia*. Spon. pag. 93. *Bonae deae caelesti Festus calesia auguria* scripsit: addit Manutius Virgilium Carpenssem. Nec vero vulgaris scriptura per æ destituta est rationibus, quia a καὶλος, *caius* deducit, quod probabile Varroni dicto loco videtur. Grut. pag. 115. omnibus **COELESTIBVS** *consentiensibus*: pag. 180. 3. **AQVARVMCOELESTIVM**.

**CAENVVM** pro limo Manutius per æ, quod sic libri veteres & Virgilius Carpenssis. Vulgo *canum*, quasi καὶνόν *commune*, & *pollutum*, nisi ex sacris nostris significatio altera petita est.

**CAERIMONIA** per æ & i Manutius ex lapide, Domitiano a Titi sodalibus dicato, quo ille vocatur *conseruator* **CAERIMONIARVM** *publicarum*. Diphthongus certa, quia a Cære, Etruriae oppido, nomen, quo, vrbe a Gallis capta, Romanorum sacra peruecta fuerant. Inde, ait Val. Maximus lib. 1. cap. 1. *institutum est, sacra caerimonias vocari*. Gruterus, qui eundem lapidem transcripsit pag. 270. *caeremonia*, vocali secunda refert: sed maior fides αὐτόπτε Manutii. Et Gisbertus Cuperus, vir summus, ineditam inscriptionem hanc pro singulari beneuolentia communicauit nobiscum:  
**Q. FLAVIVS Q. F. SVC. HERCVLANVS**

NVS AVGV R MAGISTER CAERI-  
MONIAR. SACR. FAG.

CAERVLEVS & *carulus* diphthongo primæ  
Gruter. pag. 176. *ex fontibus qui vocabantur* CAE-  
RVLEVS & *Curtius*: & mox, *aquas Curtiam*  
& CAERVLEAM *perductas a divo Claudio*.  
Et Lucii Cæsaris cenotaphio INEVLIS CAE-  
RVLIS.

CAESAREA, *Cæsaria*: vide supra *Alexan-*  
*drea*. Addo pauca: *Cæsarea* est ex *Καίσαρεια*, quod  
in libris est, & in nummis variis apud Harduinum  
de Nummis antiq. Pop. & Urb. pag. 110. seq. Græ-  
cis, Latinis legi ΚΑΙΣΑΡΕΙΑ & CAESA-  
REA. Tamen *Cæsaria* ex aliis nummis defendi  
quoque potest, apud eundem de Num. Herodiamum  
pag. 7. inscriptis, ΚΑΙΣΑΡΙΑ ΣΕΒΑΣΤΗ,  
ΜΗΤΡΟΠΟΛΙ ΚΑΙΣΑΡΙΑΣ.

\* A nomine Cæsar etiam *Cæsareus* in libris scribi-  
tur, ut *Cæsarea domus*, Ouid. 1. Trist. 1. v. 70. *Ca-*  
*sareum templum*, Prudent. 1. Symmach. vers. 250. et  
fragmento apud Grut. pag. 41. CAESARIVS:  
& *Cæsarianus* apud ipsum Cæsarem de Bello civili  
sæpe.

CAESPES, *Cesper*. Festus a *cado*: quasi ter-  
ra in modum lateris *casa*. Itaque potior diphthongus  
est.

CAMENA. Plures cum E simplici scribunt,  
Varro, Festus, & Virgilius emendatioribus libris.  
Macrobius lib. 1. Somn. cap. 111. *Camenas quasi Ca-*  
*nenas a canendo dixerunt*. Servius in Eclog. 111. v. 39.  
*Camena, Musa, quibus a cantu nomen est inditum*.  
Nec vero spernenda aliorum diphthongus æ, quæ vi-  
situr in veteri inscriptione (Spon. Recherch. p. 269.)  
IMMORTALES CAMOENAS.

CARTHAGINIENSIS verius est; quam  
*Carthaginensis*, quod ex Ennii versu liquet, quem  
C.

Cicero pro Balbo cap. xxxii. citat,  
*Hossem qui feries, mibi eris Carthaginensis.*

Et in columnæ Rostratæ basi COPIAS CAR-  
 TACINIENSIS: & Grut. pag. 586. PROC-  
 TRACTVSCARTHAGINIENSIS.

CARVS, dilectus, sine H. de quo supra pag. 9.  
 Innumera in cippis exempla superlativi CARIS-  
 SIMVS. Vid. Grut., 418. 421. 426. cetera: &  
 in nummo Balbini CARITAS MVTV  
 AVGG.

CAVSSA, *Causa*, utroque modo. Illud, ge-  
 minato sibilo, ex vsu veterum. Capitolinis lapidi-  
 bus sæpe, REI GERVNDÆ CAVS-  
 SA. Vid. Grut. pag. 290. seq. Et in aliis vetustis ta-  
 bulis pag. 506. 509. PRÆVARICATIONIS  
 CAVSSA. Et Tiberii ætate pag. 525. EX  
 CAVSSA. Plura Manutius adfert, & etymolo-  
 giam, quod quasi *canissa* sit, a *canes*, in duas con-  
 aracta voce syllabas, cuius sententiæ etiam Scaurus  
 meminisse pag. 2257. quamquam ipse S vno maluit scri-  
 bere. Neque enim desunt probata exempla cum S  
 simplici antiquis monumentis; oratione Claudii pag.  
 502. inscriptione ex Samnitico bello pag. 298. mar-  
 more Ancyrano, atque alibi.

CETERI, *cetera*, sine diphthongo lapides ve-  
 tusti. In tabula ænea perantiqua (Grut. pag. 628.  
 seq.) CETEREIVIATORES: & Lege a-  
 graria apud eundem pag. 202. CETERORVM:  
 nec id mutatum Augusti ætate, ut vel solum Lucii  
 Cæsaris cenotaphium documento est, quo eadem vox  
 ter reperitur sine diphthongo scripta; atque ita sub  
 Cæsaribus seruatum fuit: nec aliter Virgilius Medi-  
 ceus. Grammatici diphthongum inculcant, quia sit  
 ex *χαί* & *εἶσος*: sed nugæ agunt: sic enim haberet  
 copulandi vim, neque adhiberi posset, ubi locus  
 non est copulæ: neque copula eidem præhgi, ne du-  
 plex



plex illa concurreret. v. g. Tiburtino lapide, E T  
CETERIS DIS; sensus esset & ceteris, quod  
absonum. Non autem prorsus relicto *cetera* cum di-  
phthongo, sed compositionem καὶ ἑτέρα. Scio enim  
raro veteres, immo rarissime diphthongo vsos esse,  
vt Grut. pag. 801. n. 11. CAETERISQ. SVIS.  
CHALCEDON libri: Calchedon: Καλχη-  
δών: omnes nummi. Vide quæ de hoc nomine in  
Notitia Asiæ Antiquæ notauimus.

COELIVS, *Celia*, familiæ Romanæ nomina,  
cum æ in plerisque monumentis. Vrsinus nummos  
familiæ Cœliæ pag. 79. sic inscriptos exhibet: C.  
COIL. item L. COIL. ἀρχαῖος: & alios C.  
GOEL. CALDV. Grut. pag. 52. M. COE-  
LIO: & pag. 240. in basi marmorea Vespasiani xuo  
M. COELIVS: & sic alibi sæpe. Raro per æ,  
vt pag. 300. in Capitolinis P. CAELIVS.

COENA per diphthongum æ, quia α καὶ νδ,  
Plutarchus Sympos. lib. viii. probl. vi. τὰ δεῖ-  
πνά τ φασι κοινὰ διὰ τὴν κοινωσίαν καλεῖσθαι. καὶ  
ἐαυτοῦς γὰρ ἥριστον ἐπιτηδεῖν οἱ πάσαι Ρωμαῖαι, συν-  
δεκνέντες τοῖς φίλοις. Aiunt *vesperinas epulas* Cœnam  
vocari quasi *communione*: *saorsum enim prandebant*  
*prisci Romani; cœnabant cum amicis*. Et Isidorus lib.  
xx. Orig. cap. 11. Cœna vocatur a *communione* vo-  
scensium. καὶ νδ quippe Græci *commune* dicunt. Dau-  
siquius a lapide testimonium petit, ad Clitumnum re-  
perto, IN PVBLICO COENARENT.  
Plutes autem lapides, quos Aldus vidit, CENAM  
DED. habent: Festus, Cœna, diphthongo aliæ.,  
ad quem modum Sponius pag. 292. in Neapolitano  
lapide GAENACVLVM legit. Adeo discre-  
pant in hac voce lapides.

COEPI, *capisse*, *captus* per æ. Oratione Clau-  
dii pag. 502. Grut. COEPERVNT: & p. 443.  
COEPISSE: & pag. 669. COEPTO flore.

In

In Ancyrano autem marmore *opera CAEPTA*. Incepi autem ab *incipio* est: inde *captum* & *inceptum* distinguenda. Beda Orthogr. pag. 2332. Cepit, per *simplicem e*, a *capiendo*: Cæpit, per *diphthongum æ*, de *incipiendo*: Cæpta, per *diphthongum æ*: Incepta per *simplicem e*.

**COMISSARI**, *comissatio*, per *simplex m & i*. Festus *Comissatio a vicis*; quos Græci *κώμας* dicunt. Bene vocabulum scripsit: minus bene a *vicis* denominauit. Varro lib. vi. LL. cap. v. **COMITER**, *bilare*, ac *lubenter*: cuius origo Græce *κῶμος*: inde Latina **COMISSATIO** dicta. Sic quoque Donatus *comissator* scripsit in Adelph. act. v. sc. 11.

**CONCIO** per *C*, quia ut Festus interpretatur; *Concio est conuentus*, quasi *conuocatio*, a *concire*. Non ergo mouemur, quod in antiquis monumentis legitur **CONTIO**. Vide Grut. p. 506. 507.

**CONDITIO & CONDICIO**: prius sequitur originem, quia a *supino* verbi *condo* est; ut *perditio* a *perditum*; posterius est plerorumque lapidum & veterum librorum, & in his quoque Virgilii Carpentis. Aldus ex hoc & saxis verba profert, quem audias. In Sponii autem Recherch. pag. 316. ex Romana inscriptione refertur **SVB HAC CONDITIONE**.

**CONSIDERO** per *I*, non *T*, quia Latinum est, non Græcum. Sic etiam *Desidero*.

**CONSUMMO**, *consummare*. Lipsius mauult *consumare*, vno *m*, & ad lapides prouocat. Sane Ancyrano monumento legimus *basilicam consummatam*: at Manutius ex lapidibus bis *consummauit*, & semel *consummator*, & *consummatus* enotauit, quod origo etiam poscit, quia a *summus* vel *summa* est.

**CONVICIVM**, non *conuicium*, quia a *voc* est, quasi *conuocium*. Festus: *Conuicium a vicis*, in quibus

quibus prius habitatum est: vel immutata littera, quasi conuocium. Et Vlpianus lege xv. de Iniuriis: *Quum in unum plures voces conferuntur, conuicium appellatur, quasi conuocium.* Quod etiam ex syllaba producta apparet. Ouid. xiii. Metam. 306.

*Neue in me solida conuicia fundere lingue.*

**COQVVS.** Eutyches grammaticus lib. ii. post initium cocus scripsit. *Verbo, inquit, coquo nomen adhaeret cocus:* Velius autem Longus sub finem Orthographiæ hoc nimium exile censet: *nam scit, inquit, non est prima syllaba (in coquus) oneranda; se sequens videtur explenda.* Oneratur autem prima per Qu. pro C. Beda Orthogr. pag. 2332. *Coquus, coqui, prima syllaba per C, secunda per Q scribenda est.*

**CVNCTARI,** contari; *Percunclari, percontari:* prius est Festi in *Percunclatio*, quem Manutius sequitur, etiam Carpenis Virgilii auctoritate indutus; posterius Verrii apud eundem Festum; quocum Freinshemius facit Indice Curtiano in *cunctanter*. Rationem uterque dat; Festus, *quod is qui curiose interrogat, per cuncta visat.* Verrius, quod dictum ex nautico usu, qui contopertant cognoscuntque aqua altitudinem.

**DALMATIA.** In lapidibus & nummis sæpius *Delmatia* per E: nec vero scriptura altera prænitenda. Vide nostram Notit. Orb. Antiqui pag. 614.

**DELECTVS,** *Dilectus* militum. Cicero lib. xii. epist. v. ad Cassium: *magnas Pansa copias ex dilectu Italia comparat.* Gebhardus ibi: *Dilectus semper scribendum est, quod ita præeunt MSS & vetusti libri.* Et Lambinus ibidem: *Iam dilectu legendum esse non delectu, nemo est qui nesciat, indocilibus exceptis.* Adde lib. xi. ep. 111. sect. 4. Pompeius quoque Festus: *Dilectus milisum, & is, qui significatur amatus, a legendo dicti sunt.* Aldus tamen non licet; *Delectus, contra libros aliquot veteres, multa*

to scripserim libentius, quam Dilectus.

**DELICIVM**, *Delicia*, per C, a *delicatur*, Grut. pag. 646. **DELICIVM**: Manutius ex lapide Rom. **DELICIAE**.

**DESIDERO**, *Desiderium*, per I Latinum. Vide supra *Considero*. Vetus lapis Romanus, Manutio teste, **DESIDERIONATAE**.

**DISPICERE**, S vno, quamvis a *di*. *spratio*. Sic & *Dispergo*, a *spargo*. Dis enim & *di* in compositione variant. Manet prappositio *dis* integra ante C, P, Q, S & T. vt in verbis *discedo*, *discerno*, *dispono*, *disputo*, *disputro*, *diffeco*, *dissentio*, *differmino*, *distrabo*. Amittit S ante D, G, L, M, N, R. vt *diduco*, *diditui*, *digero*, *dilabor*, *dilacero*, *dimitto*, *dimoueo*, *dinúmero*, *diripio*, *dirumpo*. Ante F mutatur, vt *differo*, *difficilis*, *diffugio*. Hæc clara sunt. Difficilior res ante S cum alia consonante, id est ante sp, st, vbi S propter concursum consonantium suauius abiicitur, vt *dispergo*, *dispicio*, *distinguo*, (a *stinguo*, quo Cicero in Arato, & Lucretius vsi sunt) *disfringo*. *Disertus* singulare est, si a *differo*: etiam *dirimo*, si ab *emo* cum R epenthético potius, quam transmutato; vt *d* in *redamo*: quia *dis* non facile ante vocalem inuenieris. I consona est, si *dis* præcedit, vt *disiicio*, *disiungo*. Legitur tamen etiam in optimis membranis Cicer. lib. 1. epist. vii. & ix. sub init. *diuanti*, quod criticis non displicet.

**DOMITIVS** gentis Romanæ nomen per T, in lapidibus Capitolinis, secus ac in iisdem *Supplicius*. Inde *Domitianus* in nummis quoque cum T scriptum; & vxor *Domitia*, itidem in nummis.

**DVMTAXAT** per M in lapidibus. Ravenne in Drusi Germanici cenotaphio, *epulentur* **DVMTAXAT** in ante V id. *Isid.* Ex Grut. pag. 574. 6. **DVMTAXAT SINGVLI**. Ibid. num. 2. est

est etiam diuisum DVM. TAXAT. SINGV.  
LI. SINGVLAS. Sed de his dictum est supra  
pag. 21. Vna vero inscriptione Domitiani pag. 575.  
n. 1. inueni DVNTAXAT.

**ECLIPSIS.** Peccant hodie, qui *eclipsis* du-  
plicata CC scribunt, quo suam Græcitatē igno-  
rantiam produnt: est enim *ἐκλειψις*, ab *ἐκλειπω*,  
*deficio*.

**ELOGIUM.** Lambinus & Lipsius *Eclogium*  
scribendum censent, quia *elogium* neque Latinum  
nec Græcum sit. At libri *elogium*, Ciceronis sæpe,  
& Sueton. Calig. c. xxiv. Est origo *ἐκλόγιον*, atque  
sic *eclogium* perinde, vt *ecloga*, scribendum esset: v-  
sus vero creber C extrusit & quasi ciuitate Latino-  
rum donauit: qui non *Ex*, quod Græco *ἐξ* respon-  
det, ante L; sed *E* in compositione ponunt, vt *elisa-  
cio*, *eligo*, *elinguis*, *elongo*.

**EMPTVS**, *emptus*; & sic alia, *redemptus*, *com-  
tus*, *sumtus*, cetera, de quibus pag. 22. dictum est.  
Grammaticorum addo testimonia. Ter. Scaurus pag.  
2255. Interdum P. littera superuacuo adiciatur, vt  
quum scribimus *Sumptus*, *Demptus*, *Comptus*; quum  
alioqui ceteris declinationibus verborum non adsit. *Su-  
mo*, enim, & *Demo*, & *Emo*, detracta P vt superuacua,  
quare participationibus aditetur, ratio non est. Ex  
Marius Victorinus pag. 2466. nec *consumptum*, nec  
*emptum*, nec *redemptum* — & similia istius per P T  
scribetis vitiose, sed vt ego scripsi iuxta M T ponetis,  
& *lucrifacietis* litteram, qua detracta nihil de signifi-  
catu vocis diminuit, & scribitur *expeditur*. Exempla  
vetusta sine P prædicta pag. 22. proposuimus: nec  
vero negamus plura esse cum P. Ancyrr. monumento  
& Grut. pag. 489. 12. solo EMPTO: in veteri SC.  
pag. 328. REDEMPTORIBVS. Et INTE-  
REMPTVS Spon. pag. 131. Et SVMPTIBVS  
Grut. pag. 417. CONSUMPTIS p. 921. 8.

EPI-

**EPISTOLA** per **O** breue, origo postulat, ἐπιστολή. Multis tamen inscriptionibus, nescitur qua ratione, est **EPISTVLA**. Grut. pag. 61. 4. **ABEPISTVLIS**. Aldus decem lapides eodem scripturæ genere notauit.

**ETRVRIA**, **ETRVS CVS**, sine adspiratione in lapidibus, vt supra pag. 42. exposuimus.

**EXSEQVIAE** cum **S**, quia ab *exsequor*, hoc a *sequor*, quod **S** suum post **X** non amittit, vt supra demonstratum fuit pag. 25. 35.

**EXSILIVM**, *exsul*, cum **S**. Eadem, quæ superioris vocis, ratio est, etiam prædicta pag. 25. 35. a nobis exposita; quia ab *ex* & *solum* deriuantur. Nonius Marcellus pag. 12. *Exsules dicuntur extra solum*. Isidorus lib. v. Orig. cap. vlt. *Exsiliū dictum, quasi extra solum: nam exsul dicitur qui extra solum est*.

\* Sic etiam de aliis compositis ex præverbio *Ex* & verbis ab **S** incipientibus, censendum est, vt *exsatio*, *exsilio*, *exsoluo*, *exspecto*, *exsto*, *exstruo*, *exsuo*, *exsupero*, *exsurgo*; de quibus dictum pag. 25. & 35. Adi etiam Manutium.

**EXVO** & **EXVUIAE**, sine **S**. Verus quidem grammaticus Cællius pag. 2315. *Exsui, habet S; sui enim est & insui, quasi alicui rei immitti, unde exsui, quasi iam emitti & nudari. Inde exsuiæ, unde exsuti, id est spoliati*: Vossius autem in Etymologico: *Exuo scribendum, non, vt Aldo (Cællio verius) visum, exsuo, quod sit ab ex & suo. Nam est ab ἐκδύω, vt induo ab ἐνδύω. Hinc & ἀποδυήριον idem ac ἐκδύω. Vnde ἀποδυτήριον, locus in balineis, ubi vestes exuuntur. Vtitur apodyterii voce Cicero lib. 111. ep. 1. ad Q. fratrem, & Plinius lib. v. epist. vi. Ab exuo dictæ exuiæ. Gloss. vet. Exuiæ λάρυρα, ἐνδύματα. Eadem ab ἐκδύω siue exduo vel ecduo, ecduz. Festus: Exduz, exuiæ.*

Hæc

Hæc Vossius. Dacerius ad Festum: *Exduta ab exduo, Græce ἐξδύω; & eliso d, exuo, exuuiæ*. Hinc facile rationes Cæsellii refelluntur.

**FACILLIMVS** duplici LL, Manutius poetarum exemplis, qui producunt, motus, scribit: & sane sic in melioribus libris est.

**FAEX** cum æ, non *fex*; libri veteres. Nec plura de hoc Aldus.

**FECVNDVS** sine diphthongo. Gellius XVI. cap. XII. Varronis verbis probat, ipsum & *fenus* & *fetus* & *fecunditas* E simplici scripsisse. In nummis Augustarum, Lucillæ, Iuliæ Severi, & Faustinae, aliarumque (secus quam in plerisque Vaillant edit) **FECVNDITAS**: nummo Albini **SAECVLO FECVND**.

**FELIX** sine diphthongo lapides & nummi. Cenographio Caii Pisano **FELICITER**. De nummis vide Spanhemianum illustre opus pag. 726. Et sane nihil frequentius in Augustorum nummis, quam **FELICITAS publica, sæculi, temporum**. Male, ergo in libris quibusdam *fælix* scriptum est.

**FEMINA** quoque in libris & lapidibus sine diphthongo legitur. Ex libris instar omnium sit Virgilius, quem Carpenssem Manutius cognominat. Lapidēs plures & ipse profert, & inscriptionum opere Gruterus. Hic pag. 459. *Postumiae Paulae FEMINAE rarissimæ*: & pag. 480. *Valer. Quintae castissimæ FEMINAE*: & alibi sæpe. Sic & *femen* & *femur* auctore Festo.

**FENVVS** etiam & *Fenerator* sine diphthongo Varro apud Gellium XVI. cap. XII. *Fenerator a fenere est nominatus. Fenus autem dictum a fetu, & quasi a fetura quadam pecunia parientis atque increscentis*. Pompeius Festus: *Fenus appellatur naturalis terra fetus; ob quam causam & nummorum fetus, fenus est*

F

voca-

*vocatum*, & *de eare Leges funebres*. Qui etiam *forum* pratorum ab eadem causa dicit appellatum. Gruterus pag. 368. n. 11. *reliqua vi. millia* FENERARENTVR. Est vero & Anagninæ lapis, quem Aldus vidit, & Gruterus descripsit pag. 264. dicatus Severo, in quo ANAGNINI FOEN.... id est *funeratores*.

FETIALIS per T, Græca consuetudine & lapidum auctoritate. Dionysius Halicarn. lib. vi. pag. 410. & lib. x. pag. 649 *φραιάλης* etiam lib. 11. pag. 131. *φραιάλης*: pro quo Sylburgius ex Suida legendum censet *φραιάλης*, *fetiales*. Addit lapidem Manutius sub Tiberio inscriptum, *Legato Ti. Caesaris Aug. leg. vii 111. Hispan. pontifici* FETIALI. Et Festus *fetialis*. Gruterus autem pag. 1107. ex alio: LEG. PRO. PR. FECIALIS.

FETVS sine diphthongo, Varronis verbis, modo in *fecundus* & *femus* prolatis: & Virgilio Carpenſi, Aldo teste.

FOEDARE, inquinare, per æ libri veteres, Virgilii præsertim vetustissimus codex, toties laudatus: & lapis Romanus, quem Manutius vidit, *Nymphæum sordium squalore* FOEDATVM.

FOEDVS, σπονδή, per æ: Manutius itidem ad Virgilii sæpe laudatum codicem prouocat, & ad lapidem Camerinensem (Grut. pag. 266.) quo est IVRE FOEDERIS. Addo Grut. pag. 242. ex ænea sub Vespasiano facta tabula: FOEDVS-*ve cum quibus voles, facere liceat*.

FRENVVM sine diphthongo. Manutius libros & suum Virgilium: Lipsius libros & lapides vocat testes; verba ex lapidibus non profert.

GAIVS prænomen Latinum, ita per G scribitur in Pandectis, & olim etiam ita pronuntiatum fuit, sicut, quum per notam scriberentur, ut plerumque solebant prænomina, C scriberetur, non G, antiqua



qua consuetudine, qua C etiam G (huius nota nondum inuenta) significaret: qua de re dictum supra pag. 21. Postea etiam extra notas plene quorūque *Caius* scriptum, nec vero alterum *Gaius*, ut pronuntiabant, sepositum aut abiectum; ut Augusti ætate utrumque usus ferret. In Caiano enim cenotaphio vers. 7. est CAIVM CAESAREM: ibidem vers. 37. GAI ET LVCI CAESARVM. In Taciti libris per C, *Caius Luciusque Casares* scriptum exstat lib. vi. cap. vlt. & alibi; & *Caiana expeditiones* lib. IIII. Hist. cap. xv. id est Caligulæ. Eadem ratio est nominis *Cnai*, sive *Cnei*, aut *Cneii*, quod etiam ut G pronuntiatum & Græce quoque scriptum fuit, ut ex Terentiano Mauro pag. 21. dictum est. Eius nota est CN. *Cn.* non *Gn.* Manutius probat *Cnaur* cum diphthongo; a quo alii dissentiunt.

GENITRIX, *Genetrix*. Aldo placet prins, quia est a *genitor*, hoc a *genitum* supino: & epitaphium Aeliæ Sabinæ adlegat, in quo sit GENITRIX. Contra in nummis & lapidibus Veneris cognomen semper *Genetrix* scriptum est. Gruteri pag. 225. & nummis Hadriani ac Faustinae VENERI GENETRICI. Et Vaticanus Virgilius, ut Pierius, ad Aen. 1. vers. 590. testatur, etiam *genetrix* habet; cui itidem Veneris cognomen est. Sic ergo in diuæ cognominibus per E singulari quadam consuetudine: de aliis scribemus, ut origo poscit, *genitrix*, quemadmodum vno & altero epitaphio Grut. approbavit.

GLAEBÆA diphthongo ut scribatur, auctor est Manutius, ipse vetustis libris, Virgillii præsertim antiquissimo, persuasus.

GOTHI, populus, cum adspiratione & VNO T. Inscriptio Romana sub Iustiniano posita, *post victoriam GOTHICAM*. Et Lilybæana apud

Reinesium pag. 278. *finis inter Vandalos & GOTHOS*. Græci, Procopius & Zonaras, adgrauant littera adiecta, Γότθοι.

*HADRIANVS*, non *Adrianus*, nummi & lapides : & illi forte omnes ; hi plurimi, exceptis paucis, de quibus pag. 41. dixi.

*HAEDVS*, *hadi*, diphthongo principe Virgilio codices vetusti. Etiam Varro LL. lib. 1v. cap. XIX. *Hircus*, quod *Sabini Fircus* : & quod ille *ic Fedus*, in Latino rure *Hedus* : quod in orbe, ut in multis, *A addito HAEDVS*.

*HAEMVS* mons Thraciæ, non *Aemus*, quia Græci asperant. Theocritus idyll. VII. 76. μακρὸν ὕψ' Αἴμον, lato sub *Hæmo*. Nisi enim asper esset spiritus, ὕψ' dixisset. Atque sic in melioribus libris Latinis. Virgilius Georg. lib. 2. vers. 483.

--- gelidis in vallibus *Hæmi*.

*HANNIBAL* cum adspiratione, secus ac hodie in multis libris videmus. Dictum supra pag. 41. Sic etiam *Hanno*, eiusdem originis Carthaginienſe nomen.

*HARIOLVS*. Donatus in Phorm. Terentii act. 1v. sc. 1v. quasi *Fariolus* a *fat*is & *fando* dictum censet, *F* in *H*, ut sæpe factum, commutato Confirmatur libris præstantioribus.

*HARVSPEX* non ab *ara*, sed ab *baruga*. Donatus iam dicto loco : *Haruspex* ab *baruga* nominatur. Nam *baruga* dicitur *hostia*, ab *bara*, in qua pecora includuntur. Approbant lapides a Manutio exscripti, quibus est *HARVSPEX* :

\* De *Harena* dictum pag. 68. in *Arena*. Sic etiam *Harundo* se habet, pro qua *Arundo* scribimus, quia aiunt ab *ariditate* dictam. Inepit Agricola inter *barundinem* & *arundinem* distinguens. *Arundo*, inquit, *canna* est, ab *ariditate* dicta : *Harundo*, *scilicet e canna*.

*HAVD*,

**HAVD**, *baut*. Nimis subtilis est Marius Victorinus ita hanc voculam vna littera distinguens pag. 2462. ut *baud* ante vocales; *baut* ante consonantes ponendum censeat: in quo iustum Lipsium sectatorem habet lib. III. Variar. Lect. cap. XXIX. quamvis ipse de Victorino dubitabundus scribat, *subtilius fortasse monuisse, quam verius*. Sospater pag. 87. ad *ovdē* ducit, ideoque cum *D*. Addit, *sed & per T scribi sonus vocis admittit*. Beda autem pag. 2336. *Haud*, quando adverbium negandi est, *D* littera terminari tradit & adspirari in capite; & ab *Aut* coniunctione hoc modo discernit; de *baut* nullam mentionem facit. In optimis libris etiam *Haud* cum *D* constanter legitur: atque *baut* videtur tale esse, quale *aput*, *adque* & alia, ubi *D* & *T* aliquando permutata inveniuntur.

**HAVE**, libri & lapides cum adspiratione. In epicediis extremis sæpe, **HAVE VALE**. Vide exempla apud Aldum.

**HELIOGABALVS** male scribitur a Lampridio, quasi ab ἥλιος sit. Originis enim Syriacæ est, & in nummis deus, cuius sacerdos fuerat, & a quo cognomen habuit, scribitur **ELAGABALVS**: quod & verum principis hujus cognomen est.

**HERCVLIVS**, *Herculeus*: illud in nummis est, quos vir maximus Ezech. Spanhemius p. 747. adlegat: hoc in lapidibus ad Gruter. pag. 199. n. 4. & pag. 280.

**HERES**, non *Heres*; & *Heredis*, in libris & lapidibus. Fragmento legis Agrar. Grut. p. 205. **HEREDESVE EIVS**: & pag. 20. 3. *pro salute uxoris HEREDVMQ. suorum*: & p. 149. 6. **HEREDITIVM**; & sic constanter alibi. Festus quoque *Heres* & *Heredium*.

**HIBRIDVS**, Latino *I*, non *T*. Vo ssius Ety-

molog. deducit ab *Iber*, *Imber*, id est *Vmber*: accessit *H*, ut in *barena*, & aliis.

*HIC*, *beic*, aduerbium. Sunt qui aduerbium *beic* scribi malunt, ut a pronomine *hic* discernatur. Sane multa exempla in vetustis epitaphiis visuntur ita scripta: *OSSA HEIC SITA SVNT*: vide Grut. pag. 640. 862. 965. & *HEIC SITVS EST*, pag. 651. *HEIC EST SEPVLTVS* pag. 984. attamen non pauciora sunt, quibus eadem formulæ, aut similes, per *hic* scribuntur. Spon. pag. 24. *ossa HIC sita sunt*: & pag. 171. *Iulia Adop-pta HIC adquiescit*. Et Gruter. pag. 650. *HIC siti sunt*: & pag. 652. *HIC iacet*: & pag. 892. *L. Valerius Maxsumus HIC sepultus*. Videtur ergo *beic* in his formulis aliquid antiquum sapere, tamquam ex illo tempore reliquum, quo *I* per *EI* ut plurimum exprimebatur.

*HIEMS*, non *Hyems*. Dictum supra aliquid pag. 6. 7. nec enim certum est ab *ũvũ* originem trahere, alique ab *biando* derivant. Virgilius Mediceus Georg. 11. 322.

*Nondum biemen contingit equis.*

Interdum *P* interposuerunt, atque sic Varronis libro IV. *biemps* legitur: etiam Grut. pag. 136. in veteris Kalendarii fragmine *HIEMPS*. Verum improbat hoc Scaurus pag. 2256. *Hiems*, inquit, *carere P littera debet, quia in casibus numquam P, nec B, propinqua eius respondet: sine quarum altera nusquam in Latinis ea nomina declinansur, ut Princeps, Cælebs*. Nec derivata habent *T*. Vetus tabula, quam Manutius vidit, Gruterus p. 501. transcripsit, habet *HIEMANDI CAVSSA*: & mox: *MEILITES HIEMENT*: item, *IN HIBERNACVLA* *meiliter* deducantur.

*HISTRIA* regio extrema Italiæ ad Illyricum, libri & lapides. Gruter. pag. 285. *CONS. V E.*

VENET. ET HISTR. Qui *Istria* scribunt, ab fabuloso amne, ex Istro in has oras, si diis placeat, deriuato, deducunt. Semel inueni cum y pag. 433. *correctori Venetiæ* & HYSTRIAE: in quo nobis sufficit adspiratio; vocalem Græcam repudiamus.

*HORDEVM*. Rei rusticæ scriptores Varro & Columella *ordeum* sine adspiratione. Sed Velius Longus Orthographia extrema; & Terentius Scaurus pag. 2258. tradunt, antiquè dictum esse *fordeum*: F postmodum, vt in aliis multis, conuersum in H. Vide paullo ante in *Hædus*, quod ex *fedus* Sabinorum erat.

*IBERVVS*, Hispaniæ fluuius, plerumque sine adspiratione, Græca consuetudine. Straboni lib. 111. & Ptolemæo est *ὁ Ἰβήρ*. Inscriptione autem veteri (Grut. pag. 690.) est FLVMEN HIBERVVS: & in Prudentii vetustis libris, hymno Calagurritanorum extremo, quos *Hiberus adluit*: & sub initium, *terra Hibera*, id est Hispania.

*ICCIRCO* lubentius eruditi scribunt, quam *idecirco*, quia dicimus *accedo*, *accipio*, d in c mutato. Contra Gruter. pag. 408. Tergestina inscriptio. ne IDCIRCO: sed multa secus, ac veteres plerique consueuerant, in eadem sunt consignata.

*IDEMTIDEM*, *Idemidem*. Posterius vñtius est, quia grammaticorum opinio inualuit, m ante t nec scribi, nec pronuntiari posse. Beda Orthogr. pag. 2337. *Idemidem per N in priore loco scribendum est, licet sis ab idem & idem*. Verum quia multis exemplis supra demonstratum, inanem metum esse, ne m & t collisionem pariant; æque *idemidem* scribi potest, vt *dumtaxat*, *emtus*, & *redemtus* scribimus.

*IMMO*, correctionis vocula m geminato. Virgilius Carpenſis sic, Aldo teste; & libri Varro-

nis, Prudentii, & castigatissimus quisque.

**INCHOARE** non quidem a *chaos* certi deducimus, ut grammatici faciunt; cum adspiratione tamen scribimus, quia sic in marmoribus vetustis legitur: v. g. **INCHOATVM** Grut. pag. 30. 190. Reines. pag. 277. & **AB INCHOATO** Grut. pag. 160. Reines. 275.

**INCLTVS**, *inclutus*, *inclitus*. Beda Orthogr. pag. 2338. *Inclutus* Græcum nomen: nam *κλυτός* Græci gloriosum dicunt. Sic puto legendum, quia ad Græcum prouocat; quamvis Purshii editione *inclitus* scriptum est. Gruterus pag. 667. 10. **INCLYTA ROMA**. Atque ita plurimi scribi volunt propter eandem rationem, quamvis non certissimam. In enim Latinam originem suadet, quam alii in *cluo* vel *clueo* quarunt, licet & hoc tandem ad *κλύω* referatur. Sed siue a *κλύω*, siue a *cluo* est; tamen quia y quoque in u transire solet, scribunt alii *inclutus*. Festus: *Inclutus*, nobilis, clarus. Grut. p. 152. 8. **INCLVTVS REX THEODORICVS**. Quod vero ciuitate verbum antiquè donatum fuit, Latine alii *inclitus* scripserunt. Grut. p. 273. 5. **PIO ATQVE INCLITO D. N. TRAIANO**, Traianum intellige Decium, Philippi successorem. Quam scribendi formam supra pag. 6. 7. Obertus Gitanius præferendam ceteris censuit.

**INCREBESCO**, quamuis a *creber* sit; non *increbesco*: quia & *rubesco* a *ruber*. Vt vero hoc a *rugeo* est proxime; ita verosimile, veteribus fuisse etiam verbum *cregeo*, a quo *crebesco*.

**IN DIES** rectius diuisis vocibus, quam *indies* scribimus: ut utrique accentus seruetur sauis: qui in coniunctione a pserisque retrahitur in præpositionem, non secus ac si enclitica vox *dies* esset.

IN-

**INDVTIAE** per *T* ex Gellii ratione, qui lib. 1. cap. xxv. putat compositum vocabulum ex *inde* *uti iam* (lege integra verba eius) aut, Aurelii Opilii etymologia, quasi *initia*. Manutio sunt tamquam *inducta*: Vossio ab *indu* veteri, (hoc est *in*) & *otium*. Omnes hæ rationes *T* poscunt, non *C*.

**INFITIOR** Festus & Manutius per *T*, quia sit a *fateor*. Quum enim Festus ait, *infitari*, *credendum fraudare*; non obscure significat, esse quasi *infiteri*, vel non fateri depositum. Quod probabilius est, quam a *facio* deriuare, quod sit, negare se aliquid *fecisse*. In quam opinionem qui secedunt, per *C* scribunt & *inficiari* & *inficias*.

**INLVSTRIS**, *illustris*. De his & similibus supra in compositis cum præpositione pag. 36. dictum est, in lapidibus plerumque esse *inlustris* & *inlustrare*: vid. Gruter. pag. 417. 447. 481. cetera; Spon. pag. 36. 103. reliqua. Manutius autem hanc vocem in iis præ ceteris censet, in quibus iudicium aurium, quod molle est, sequendum sit: quem & consuetudo iuuat.

**IN PRIMIS**, diuise, ut *cum primis*; non *imprimis*, nec bene *imprimis*. Est enim, in præcipuis, seu, inter primos & principes: id quod si obseruatur, minus confunduntur inter se, quæ idem significare quidem videntur, non autem plane significant, *inprimis*, *praesertim*, *praecipue*, *maxime*.

**IVCVNDVS**, per *V*, quia Ciceroni ab *iuuando* est 11. de Fin. cap. 1111. Non ergo audiendi sunt, qui *iocundus* dicunt ab *iocus* vel *iocando*; quibus etiam prosodia reclamatur: etsi non desunt inscriptiones veteres, quæ cum *O* id referant, Neapolitana, quam Aldus præbet; & alia Gruter. pag. 844. 6. quibus *iocundus*, *iocunda* propria nomina sunt: plures enim *Iucundus* expressum habent, quas item Aldus recitauit.

**IVP-**

**IVPPITER**, *P* duplici, nummi & lapides : quod de illis illustribus Spanhemius pag. 84. adseuerat, vt non opus sit exemplis illustrare, quale illud in Domitiani moneta est **IVPPITER CONSERVATOR**. Fuluius Vrsius, & ipse peritissimus nummorum, Aldo Manutio idem adfirmauerat. Lapidum testimonia sunt, Grut. pag. 23. 12. in aræ dedicatione : **IVPPITER OPTIME MAXIME**. Sponius pag. 99. in Auieni Festi epitaphio : **IVPPITER ætbram pandit, Fesse, tibi**. Manutius etiam ad libros veteres prouocat. Nihilominus, si fides nummorum exscriptoribus Occoni & Vaillantio habenda, in Vitelliano est **IVPITER VICTOR**, vna & simplici littera.

*K* littera quam rari vsus sit, supra pag. 7. diximus. Marius Victorinus pag. 1945. ante *A* adhibitam a veteribus fuisse testatur, vt *Kanna*, *Kalenda*, *Karthago* : sed neque hoc perpetuum. Beda Orthogr. pag. 2338. *Karthago* & *Kalenda* per *K* scribenda sunt : licet per *C* melius. Kalendæ quidem in lapidibus per *K* ; non autem sæpe *Karthago*. Nummi quidam Seueri & Caracallæ & Galerii, quos laudatissimus Spanhemius pag. 727. descripsit, **FELIX KART**, præferunt ; lapides autem *C* habent, & plerique sine adspiratione. Columna Rostrata **CARTACINIENSIS**. Grut. pag. 512. ex vetusta tabula **CARTAGO CAPTA** : pag. 385. **CARTAGINE** : pag. 174. & 349. **CARTAGINENSIS**. Cum adspiratione autem p. 349. **CARTHAG**. & p. 586. 9. **CARTHAGINIENSIS** : & Optatiani Porphyrii tab. x. **CARTHAGO**.

**LABOR**, *labi*, præterito & participio *lappus* an *lapsus* formet, disceptatur. Origo *B* exigit, atque ita in Sponii Miscell. pag. 84. & 92. & Gruter. pag.



pag. 48. *vetustate* CONLABSUM : & Virgillii codices Aeneid. v. vers. 326. & 445. *elapsus* : tamen plures inscriptiones cum P referunt, CONLAPSVM Gruter. pag. 7. & 51. & 173. ac COLLAPSVM pag. 58. & 100. & 163. Fortius enim B ante S pronuntiabant, quam ut illius sonus sufficeret : quam ideo in P plerumque veteres mutabant.

LACRIMAE, *Lacrymæ*, sine adspiratione, ut supra dictum, quia a *δακρυον* deducitur : quamvis in quibusdam lapidibus cum H reperiatur *lachrima*, Gruter. pag. 572. n. 7. Spon. pag. 180. Cum T autem haud facile repereris ; at cum æquivalente V *lachruma* Gruter. pag. 799. Pluribus autem locis LACRIMAE, Gruter. pag. 694. 700. 715. & Spon. pag. 203. 219. alibi. Addo cum primis quæ pag. 6. 7. ex Gifanio de hac etiam voce tradidimus.

LAEVA, sinistra, diphthongo principe, Festus ; & lapis, a Manutio transcriptas, PARTE LAEVA.

LAPICIDINA, non *lapidicina*. Varro LL. lib. vii. cap. xxxiii. *Qui lapides cadunt lapicidas ; qui ligna, lignicidas non dici : neque ut aurificem, sic argentificem*. Grut. pag. 593. 8. A LAPICIDINIS CARISTIIS. Sic emendandum cum Manutio *δαρύνει*, quod perperam *lapidicinis* editum est.

LETVM, mors, sine adspiratione. Extra vitam Latinam vagantur, qui mortem ab obliuione, hoc est *letum* a *λήθω* (vnde *lethum* scribunt) deduci putant. Priscianus propior, qui a supino antiqui verbi *leo*, vnde *deleo* superest, derivat. *Ple-mus*, inquit lib. v. pag. 665. *quasi a pleo, verbo : letum quasi a leo*. Confirmat vetus lapis Gruter. 655. LETO TACENT (*iacent* Manut.) & mox, POST LETI DIEM. Quamvis veto Var-

ro lib. vi. cap. 111. & Festus *leti* etymon etiam a λῆθῃ petant; tamen vterque scripsit sine adspiratione.

**LITTERA** duplici T libri veteres, Lipsio teste, & lapides. Sic Florentini Pandectæ, ut Aldus vidit; sic & lapis Prænestinus apud eundem pag. 8.

*Cuius ne taceat memorandum LITTERA nomen.*

Et Spon. Miscell. pag. 36. **VTRISQUE LITTERIS ERVDITO**, ex basi Romanæ statuæ. De origine non sumus solliciti, siue sit *legitera*, siue *leuitera*, siue ab *iter*, siue a *litura*, (quod indignatur Iul. Cæs. Scaliger. de causis LL. lib. 1. cap. 14. quia non sint ideo inuentæ nec factæ) siue ab *iterando*. Vide Diomed. pag. 415. Mar. Victorin. pag. 2452. Apage ineptias. Credibilis, esse, ut Vossius censet, a *litum*, supino verbi *lino*; quia atramento chartæ seu membranæ inlinatur: atque ita ab *oblitum* erit *obliterare*, quod vero etiam T duplicat, ut syllaba producat: nam etiam Catullus in Epithalam. v. 232.

--- nec ulla oblitteret aras.

**LITVS**, *litoris*, uno T antiqui libri, etiam Carpenfis Virgilius; & lapides. Lipsius a *litando* ducit, id est sacrificando, quod ibi nauigantium vota & concepta & persoluta. Prænestino lapide iam indicato **LITORA**, (non *littora*, ut Gruter. pag. 72. edidit) & alio Romano, **LITORE Phocaico pelagi vi examinata**; & Ardeati lapide apud Spon. pag. 270. **LITVS vicinum viae Seuerianæ**.

**LOQVOR**, *locutus, loquutus*. Ante O, E, I retinetur Q, *loquor, loqueris, loquitur*, quia *loceris, locitur* inconueniens: ante V plerique mutant in C. ut *locutus*. Antonius vero Rufus, quod

Vc-

Velius pag. 2237. refert, *locutionem quoque per Q dixit esse scribendam; item Periculum & Ferculum*: quod ipse Velius improbavit. Ut enim Q nemo ferret facile in posterioribus exemplis; ita etiam dubium in priori est. Toties in nummis Cæsarum exstans vox ADLOCVTIO, nunquam, quod sciam, *adloquutio*; (vide supra pag. 28.) videtur controversiam dirimere posse. Adde infra Sequor, *secutus*.

**LVCCEIVS** Romanum nomen, libri veteres, & inscriptiones. Grut. p. 646. M. LVCCEIVS FELIX.

**LVTATIVS**; nobile bello Punico I. nomen, male scribitur *Lutatus*. Nummus L. LVTAT. & alius Vrsin. pag. 161. Q. LVTATI. Lapide Capitolino (pag. 292.) Q. LVTATIVS C. F. Correpta etiam prima litteram C excludit. Silius XIII. 731.

*Aequoreis victor cum classe Lutatus armis.*

**MAECENAS**. Sic scribendum, quia Græce est *Μαρκίνας*. Nec lapides aliter Grut. pag. 240. P. MAECENAS: & pag. 638. C. MAECENATIS.

**MAEREO**, *maror*, *mæsus*, & *mareo*, *maror*, *mæsus*, ambigua diphthongo. Sed præfert Manutius diphthongum primam, quia Varro lib. v. cap. vi. a *marcere* ducat, quod *marore* corpus *marcescere* videatur: deinde plures inscriptiones cum *ae* habeant. Romæ in ara marmorea MAERENDO est & MAEROR. Gruterus pag. 494. MAERORE *grauiter affligitur*; & pag. 717. MAESTI. Vir consummatissimus Henr. Noris in Cenotaph. Pis. pag. 480. de his vocabulis: *Profecto in Mediceo numquam satis laudato Virgilii codice semper diphthongus AE scripta est. Est tamen & OE in lapidibus*. Grut. pag. 556. PAR --- MOER ---  
id

id est parentes parentes : & moestus, moestissimus  
pag. 658. 669. 673.

**MARCIVS**, Marcianus, Marciana, Romanorum nomina, per C in lapidibus. In nummis gentis Marciae C. MARCI. & Q. MARG. Et Grut. pag. 240. Q. MARCIVS : & pag. 46. **MARCIANAE SORORIS AVG.**

**MAVRETANIA**, per E in nummis & lapidibus. Hadriani & Commodi nummis *Exercitus MAVRETANIAE* : & alio *RESTITVTORI MAVRETANIAE* : Commodi, **MAVRETANIA**. Grut. pag. 361. **MAVRETANIAM SITIFENS.** & pag. 482. **MAVRET. CAESARIENS.**

**MAVRICIVS** per C, quia Graeci, a quibus nomen est, *Mavpivios* scripserunt. Etiam Gruter. p. 12. n. 10. **MAVRICIVS EVPORVS.**

**MESSALLA** gemina LL, cognomen Valleriorum, lapides Capitolini & alii.

**MILLE**, milia, millia. De posteriori lis est, vna an duplici LL scribatur. Bledonius pag. 1901. *Dicimus, mille homines docuit, &, mille hominum magister : in plurali vero declinatur milia, milium, milibus, vno L sublato.* Et Cassiodorus ex Papiriano pag. 2295. *Mille numerus a quibusdam per vnum L scribitur, quod Milia dicimus, non Millia : alii melius per duo LL existimant scribendum, puta Mille.* Sane saepe legimus milia. Grut. p. 835. **X MILIA NVMMVM** ; & p. 868. **XC MILIA NVMMORVM**. Inde etiam *miliarium* scribunt vno L. Spon. Recherch. p. 192. **VIAS ET MILIARIA** : etiam *alamiliaria* in militia Romana, tam Grut. p. 482. quam Plinii lib. vii. ep. xxxvi. Nec vero *millia* reiiciendum. In Ancyrano enim monumento aliquoties legimus *viginti MILLIA*. Et Spon. Misc. p. 179. **MILLIA PASSVVM.**

MI-

**MINVCIVS** per C. Dixi ad Minucium Felicem pag. 1. Addo nummos gentis Minucia, Vrsin. pag. 179. **L. MINVCI. & TI. MINVCI.** C. F. Et Grut. pag. 675. **Q. MINVCIVS MACER.**

**MISTVS & MIXTVS.** Prius analogiz propius est; posterius vsui. In *misceo* enim, unde ducuntur, nullum X, nisi transponas CS: Pierius autem ad verba Aeneid. 1. 488.

*Se quoque principibus permixtum agnouit Achivis; Inualuit, inquit, iampridem vsus, ut MISTVS per ST scribatur: quum tamen in codicibus omnibus antiquis uno consensu per XT scriptum inueniatur PERMIXTVM.* Et lapide Romano apud Manutium: **OSSA MEA MIXTA CVM FILIAE.**

**MOESIA**, regio iuxta Istrum, Latine per æ scribitur, vt in Manutio exscriptis lapidibus, **PR. PR. PROVINCIAE MOESIAE**, licet Græcis sit *Μοισία*.

**MONVMENTVM**, *monimentum*. Priori formæ analogia fauet in *documentum*, *nocumentum*, *emolumensum*; & lapides plurimi sepulcrales: etiam alii, Gruter. pag. 162. **MONVMENTVM RERVM excitauit.** Nec vero multo pauciores sunt, quibus **MONIMENTVM** incisum est. Gruter. pag. 558. 592. 594. 656. 5. & alibi: etiam Varro lib. v. cap. vi. *monimenta*.

**MVCIVS**, non *Musius*, lapides Capitolini, consuetudo Græca, & nummus, cuius est **Q. M.V. CIVS Q. F. SCAEVOLA.**

**MVLTÀ**, & *multa*. Prius amant eruditi, quia lapidum est & librorum veterum. Vetus lapis Firmanus **AIRE MOLTATI.** Tamen Emeritenſi inscriptione sub Domitiano exttat (pag. 155. Grut.) *gente male* **MVLCTATA.**

**MV.**

**MVNATIVS**, familiæ Rom. nomen per T, libri & lapides, Grut. pag. 52. 54. cet.

**MVSEVM** sine diphthongo, quia est *μουσείον* Græce. Vid. Plin. 1. epist. ix.

**MTILENE**, nobilis urbs Lesbi, y in prima, (non *Mitylene*, ut in libris est) consensu numerorum scribitur. Vide nostram Notitiam Antiquæ Asiæ pag. 16.

**NE DVM**, *nec dum*, *non dum* disiunctim scribit Manutius, quia similia *non nihil*, *non nulli* separatim scribamus. Accedit, quod in Caiani cenotaphii versu 14. NON. DVM. separata, & puncto, singulas voces distinguente, divisa conspiciuntur. In Mediceo autem Virgilii codice NON-DVM coniuncte scriptum est Georg. 2. 322.

**NEFAS** male in quibusdam libris cum *ph* expressum est. F enim habent lapides: Lanuvinus, NEFAS EST; Sic & *nefandus*. Gruter. pag. 161. 1.

**NEGOTIVM** per T, ut *otium*, libri & lapidum plurimi. Frequens enim in his est nomen NEGOTIATOR, Grut. pag. 466. 624. 641. 645. sæpe, & 650. & Spon. Misc. pag. 226. ac *negotiantur*, Gruter. pag. 496. Non numquam vero etiam cum C reperitur, Gruter. pag. 14. n. 12. pag. 411. 3. pag. 640. 2.

**NENIA**, sine diphthongo Vossius Etymologico: quia a *ννίατος*, quod idem: & *ννυπιζειν* Hiesychio est *σπνυειν*.

**NVM MVS** & **NVMVS**, duplici M, & simplici. Prius probat Manutius, tamquam frequentius in libris & lapidibus. Ipse vero vnum exemplum adfert ex Romano lapide, NVM MV LARIO: addit tria eiusdem vocis M vno scriptæ. Monumento autem Ancyrano *quadrigenos* NVM MOS, & post paullo *millia* NVM MVM, id est

est nummorum. Veteres enim nulla nota pluralis genitivi contractionem indicant. Et Spon. Miscell. pag. 63. HS ∞ ∞ NVMMVM. Et in Varronis libris *nummi*. Contra Gruter. pag. 833. & 868. MILIA NVMM, & MILIA NVMO-RVM.

NVM QVAM, quo eruditiores vtuntur, tuc-tur Manutius ex analogia, quia M ante Q in aliis consistat, *utrumque*, *quemquam*, *namque*, *quatum-que*, & similibus. In Ancyrano autem, & alio Ro-mano lapide ( Manutius pag. 309. ) est NVN-QVAM.

NVNTIVS per T. Manutius per C præfert, nos cum T Cenotaphio Gaii Cæsaris sub initium : *cum allatus esset NVNTIVS* : & post versus ali-quot, *decessus NVNTIATVS*. Et in veteri SC. apud Gruter. pag. 499. *deixistis voheis NON-TIATA ESSE*. Nec ipse Manutius diffitetur, in Carpenſi, nunc Mediceo Virgilio, etiam per T scriptum esse. v. gr. Aen. 11. 547. *nuntius ibi* : & lib. 11. 740. *nuntiet*. Tamen & Gruter. pag. 254. 4. DENVNCIATORES.

OBSCENVVS, quia a *scena*, σκηνή, per E sim-plex. Varro LL. vi. cap. v. *Obscanum dictum a scena* : nam *scena* antiquis contra originem per A E scripta. Interpretatur Aldus, *quasi contrarium sce-na, quod in scena, multis presentibus, pronuntiare non licet*. Scaliger de caussis LL. lib. 1. cap. xxxiv. per *oe*, ἀπό οὐρῶν, scribi vult. Nonius autem per AE, quamvis *immundum* explicet : quæ notio vide-tur Scaligero accommodata. Sed commune immun-dum esse, sacre dictioni in divinis litteris, quam ge-nio Latinitatis, est propius.

OLVS, *oleris*, quod multi *bolus* scribunt, vt Festus, Nonius ; & in veteris calendarii fragmento *forum bolitorium*. Vossius bene ab *oleo*, id est cresco,

G

tra-

trahit ; qua stante ratione, excidit adspiratio .

**OPPERIOR** duplici pp libri veteres , & Virgilius Carpenfis , vt Manutius memorat .

**OPPIDVM**, quidam *opidum* scribunt , quia Varro lib. 1v. LL. cap. xxxii. Cicero de Gloria apud Festum , & ipse Festus ab *ope* dictum putent , quant hominibus præbeat : aut quod ibi homines *oper* suas conferant . Sed luditur sæpe in etymologia , & ipse Varro ac Festus geminata littera scripserunt : atque ita etiam in lapidibus , vt Aletrino , **IN OPPIDO** : in ponte Alcantarensi , **OPPIDANI** .

**OPPORTVNVS**, gemino pp libri veteres , & sæpe laudatus Virgilii vetustissimus codex .

**OTIVM**, per T , non per C. Pierius ad Virgilii eclogam I. tradit , Romano , & Mediceo , aliisque antiquis libris *otia* per T scriptum : & Manutius , Q. Papirium *otium* in iis scripsisse , in quibus T vt Z legatur . Adde *negotium* , de quo supra . Est enim ex *nec* & *otium* , etiam Scauro iudice pag. 2262 .

**PAENE**, id est *fere* , cum A E libri veteres , Manutio teste , & lapides . Grut. pag. 655. **ERODITA PAENE MVSARVM MANV** . *Erodita* , antique .

**PAPIRIVS**, Romanæ familiæ nomen , I Latino , non T Græco . Eius gentis tres nummos Vrsinus profert , qui confirmant , vnum Latine signatum , **PAPIR. CARB.** duos Græce , **ΠΑΠΙΡΙΟΥ ΚΑΡΒΩΝΟΣ** , Grutero pag. 447. in Brixienti lapide plures Papirii sunt , **P. Papirius Augur** ; **Cn. Papirius Fuscus** ; **Cn. Papirius Cursor** , & **Cn. Papirius Cursor filius** : omnes sine y Græca littera .

**PARRICIDA**. Librorum auctoritate veterum Manutius nititur .

**PATRICIVS**, cum C libri , Græca consuetudo ,



do, & lapides. Fulgini repertus: *adlecto inter PATRICIOS.*

**PAVLLVM** & *paullulum*, LL geminata Terentius Scaurus pag. 2256. *Sine dubio peccant, qui paulum & paululum per unum L scribunt.* Obiicit Velius pag. 2238. iuxta diphthongum geminari consonantem non posse, quia non possit pronuntiari. Sed refutatur exemplis. Inscriptione Romana Grut. pag. 769. **QVOD DEICO PAVLLVM EST.** Sic ubique invenimus *Paullus, Paullinus*, propria nomina, iam demonstranda: sic & vox *caussa* supra fuit probata.

**PAVLLVS**, cognomen Aemilii gentis, plures lapides habent, pauciores *Paulus*; v. g. **PAVLLVS** legitur Grut. pag. 293. in Capitolinis, & pag. 50. 729. 851. & *Paulla* pag. 321. 459.: Sponius Miscell. *Paullus* pag. 43. 275. alibi. Et nummi gentis Aemilii tres apud Vrsiu. pag. 7. **PAVLLVS**. At *Paulus* Grut. pag. 21. 9. pag. 324. 8. Sic & *Paullinus* pag. 429. 3. *Paullina* pag. 756. 806, sed *Paulinus* pag. 45. & 100.

**PELOPONNESVS**, gemino NN, consuetudine magis quam ratione. Strabo lib. XIII. pag. 425. de Hecatonnesi: *καλούνται Ἑκατόννησοι συνδεῖως, ὡς Πελοπόννησος, κατὰ ἔθος τὴν Ν γραμμάτων πλεονάζοντες*, *Vocantur Hecatonnesi per compositionem, ut Peloponnesus, ex consuetudine quadam N abundante.* At *Χερρόνησος*, *Chersonesus*, N simplici.

**PERCVNCTARI** vide in *cunctari*, ubi expositum.

**PERENNIS**, libri, & lapis Roman. **OBPERENNEM** --- quod contra eos notavit Manutius, qui *perennis* putarunt dici, sicut *solemnis*.

**PERSES**, nomen regis Macedoniarum, Latinis gratior forma, quam quae secundum Graecos est *Perseus*.

*seus* ex Περσεύς. Grut. pag. 296. 1. EX MACE-  
DON. ET REGE PERSE PER TRI-  
DVVM triumphauit. Sic & plerique Latini libri:  
Linianus autem *Perseus*.

**PIGNVS**, vt Priscianus lib. vi. pag. 721. tra-  
dit, *pigneris* & *pignoris* casum format: vt *fenus*, *fe-  
neris* & *fenoris*. Nugatur Agræcius, notione voca-  
les distinguens, vt *pignera* rerum sint; *pignora* filio-  
rum. Quin potius *pigneris* priores dixerunt; poste-  
riores *pignoris*. Ita Manutius censet: ita Priscianus  
lib. vi. de duplici casu a *fenus*. Quum dixisset *fenus*  
facere *fenoris*, addit: *tamen antiqui feneris dixerunt:*  
*unde & feneror verbum, & fenerator. Et pignus pigne-  
ris & pignoris; unde pignero, pignerat.*

**PIRVS**, *pirum*, quia Latina sunt, per I Lati-  
num. Adlusio enim est, non deriuatio, quæ a πῦρ  
ducit propter formæ vel coloris similitudinem. Vid.  
Isidor. xvii. Orig. cap. viii.

**POENA**, per *oe*, quia a ποινή: atque ita etiam  
lapides, quos Manutius exscripsit. A *pæna* est *pæ-  
nitet*, licet Varro ordinem inuertat; *pænam* ducens  
a *pænisendo*; idem tamen sub finem lib. iiii. de L.  
lingua, nexum vtriusque confirmat, & cum eo pa-  
ritatem scripturæ. Vt vero Romani interdum per-  
mutabant diphthongos, v. g. *prælium* & *prælium* scri-  
bentes; ita factum, vt Oratione Claudii (Gruter.  
pag. 502.) aliquoties **PAENITET** lega-  
tur, quod non tam rationi, quam consuetudini dan-  
dum est: atque ita etiam in Mediceo Virgilio esse  
dicitur.

**POMERIVM** etiam consuetudine magis, quam  
certa ratione sine diphthongo scriptum est in libris  
& lapidibus: quamuis non ignorarent veteres esse  
a *pone muros*, id est post muros. Varro lib. iv. cap.  
xxxii: *quod eras post murum, pomerium dictum*. In-  
scriptio Claudii, **POMERIVM AMPLIA-**

**AIT;**

AIT: & alia apud Manut. FIN. POMER-  
TERMIN. Et Spon. pag. 265. *finibus POMER-  
RIVM ampliauit.*

PORCIVS, gentis Romanæ nomen, per C,  
non T, libri, lapides, quorum quatuor Gruterus  
pag. 458. exhibet. Nummus Vrsini L. PORCI.  
Græce Πόρκιος.

POSTVMVS, postremus; & POSTV-  
MIVS, familiz nomen, sine adspiratione. Vetus  
lapis Manutio referente; L. Autronius L. fil. PO-  
STVMVS, ubi nomen proprium est: quemad-  
modum & ille, qui, Gallieno imperium negligente,  
in Gallia purpuram sumit, in nummis non *Pos-  
sumius*, ut in libris est, sed POSTVMVS constanter  
vocitatur. Vrsinus in nummis Postumiæ gen-  
tis, insignem præfert, inscriptum A. POSTV-  
MIVS COS. & alium, C. POSTVMI. In  
vetusta tabula consulum Grut. pag. 293. Aulus, Lu-  
cius, & Spurius Postumii memorantur: adde pag.  
306. 986. & sic plurimis locis. Diffiteri autem non  
possum, pag. 151. (vidit & Spon. pag. 150.) CL.  
POSTHVMS legi: & pag. 38. n. 14. Q. PO-  
STM. sed posterioris xui sunt. Eutyches pag.  
2311. *quædam excludunt penitus spiritum, ut possumus,*  
*posthumatum patrem natus.*

PRAESTRINGERE, tolli vult Manutius;  
*præstinguere* substitui, idque auctoritate veterum li-  
brorum: Velim pluribus exposuisset, illustrassetque  
exemplis: sed nihil adiecit. Lambinum in eam opi-  
nionem quidam Lucretii codex induxit, quo legitur  
lib. 111. vers. 1057. de Epicuro:

*Qui genus humanum ingenio superavit, & omnes  
Præstinxit.*

At Gifanius in MSS. *præstinxit* inuenit, in aliis  
*restrinxit*: Salmasius *restrinxit*. Quia notas Nonio

subiecit siue Mercerus siue alius, idem sensit p. 100, & Franc. Fabricius ad Asconii Divinat. Verrin. cap. xiv. Sed neque Asconius, neque Nonius aliud quam *præstringere* habent: & ipse Cicero in Verr. Divin. cap. xiv. *præstringat aciem ingenii*: & de Divinat. lib. i. cap. xxi. *præstringere aciem mentis*: nec aliter MSS. Proinde claudio hanc disceptationem Giffanii ad Lucret. verbis: *Præstringere valet quasi obnubere præstringere oculorum aciem, ἀμαρτυρῶν. Hoc qui in præstringere mutant, non recte, meo quidem iudicio, faciunt, quum omnes omnium scriptorum lib. vet. repugnent, & ipsi grammatici.*

**PREHENDO** relict Manutius: quia in libris sit *prendo* & *prensus*. Et Velius Longus pag. 2229. *Prendo dicimus, non prebendo*. Sed esto, simplex sine contractione aut rarum aut inusitatum esse (Varro autem lib. v. cap. vii. *manu prebendimus*) & Virgilium scripsisse *prendere*, *prepsi*, *prestant*: integrum tamen negari non potest, quod in compositis redit, *apprehendo*, *comprehendo*, *reprehendo*: quæ a quibusdam diphthongo scribuntur, sed sine ratione, quia nulla est ex *præ* compositio: etiam lapides per *pre* habent, Romanus **COMPREHENSIS**, ut Manutius, qui vidit, refert; non, ut Gruterus pag. 682. Smetii fide, *compraehensis*, transcripsit: & Neapolitanus, **DEPREHENDERIM**.

**PRELVM** sine diphthongo, quia a *premo*, contractum ex *premulum*. Contractio autem producit primam. Isidorus lib. xx. cap. xiiii. *Prelum a pre-mendo vocatum, quasi pressorium*. Qui per *ae* scribunt, a *preluendo* ducunt, quod longius petitum, quamvis etiam *lacus* sit ad prelum in torculari.

**PRETIVM** per T, libri & lapides. Carmen Prænestini lapidis, quem Manutius vidit, *Digeris in PRETIVM*. Gruter. pag. 893. num. 8.

PRE-

## PRETIVMINTVLIT.

**PRO** admirationis, sine adspiratione, quæ in fine uulla est: vide supra pag. 40. Festus in **PRO**: *alias pro admiratione, ut, pro Iuppiter*. Sic etiam Virgilius Carpenfis, auctore Manutio.

**PROCONSUL**. Quidam malunt *pro consule*, uti omnino interdum scripserunt Latini: & in nummis Vrsini **PRO. COS.** p. 15. 16. 148. diuise cum puncto interueniente: tamen etiam coalescit, & ut una vox scripta uisitur dandi casu **PROCONSULI** in multis lapidibus, ab Aldo exscriptis. Accedit, quod *proconsulatus, proconsularis* Latine dicatur, quæ a diremtis esse nequeunt.

**PROELIVM** per **OE** lapides Capitolini & vetustissimus Virgilii codex. Gruter. pag. 298. 4. in Capitoliis, **PROELIO CONFLIXSISSET**: & pag. 291. **IN PROELIO OCCISVS EST**: & alio lapide, Manutio teste, **PROELIATVS**. Attamen Ancyrano monumento, si recte expressum est, **NAVALIS PRAELII**: & Reines. pag. 516. **PRAELIO** *nauali facto*.

**PROMONTORIUM**, *promuntorium*. Posterius defendunt Turnebus Adv. xii. cap. xviii. & Isaac. Vossius ad Melæ lib. 1. cap. xiii. quia a *promineo* sit, non a *mons*: quasi prominentia litoris, quod possit etiam sine monte esse, & mons ad mare sine prominentia: immo eminens mediis in Alpibus iugum Livius *promuntorium* dixit lib. xxi. cap. xxxv. ubi Gronovius etiam *promuntorium* cecidit.

**PTOLEMAEVS** non *Ptolomæus*, ut hodie multi scribunt. Nomen etiam est a *πτολεμας*. Hinc a Ptolemæis conditæ urbes *Ptolemaides* dictæ. Nummus Augusti ΠΤΟΛΕΜΑΙΔΟΣ ΙΕΡΑ ΣΥΝΚΗΤΟΣ: Claudii & Caracallæ, **PTOLEMAIS**.

**PVLCHER**, *pulcer*. Posterius antique valuit: post aurium caussa H adiectum. Cicero in Oratore cap. XLVIII. Ego ipse quum scirem ita maiores locutos esse, ut nusquam, nisi in vocali, aspiratione uterentur, loquebar sic, ut pulcros, Cetegos, triumphos, Kartaginem dicerem: aliquando, idque sero, conuicio aurium quum extorta mihi veritas esset, usum loquendi populo concessi, scientiam mihi referuavi. Terentius Scaurus pag. 2256. *Pulchrum*, quamuis in consuetudinem adspiraretur; nihilominus tamen ratio exiliter C enuntiandum & scribendum esse persuadet, ne una omnino dictio, aduersus Latini sermonis naturam, in medio adspiraretur. Varro etiam apud Carisium pag. 56. adspirari negat, ne duabus consonantibus media intercedat aspiratio, quod minime rectum antiquis videbatur. Id in obliquis magis, *pulcбри*, *pulchrum*, quam in recto locum habet. Sic de voce hac & scribenda & enuntianda non vno modo iudicatum fuit, ut tamen Ciceronis ratio praevaleret. Accessit persuasio a Græcis esse, quasi πολυχρονι vel πολυχρον: sed neutrum probabile. In nummis gentis Claudie **PVLCHER**: etiam in lap. Capitolinis: & alio Gruter. pag. 820. **PVLCHER** **PVLCHRI** F. At Reines. pag. 275. **ASVLA PVLGRA**. Asula autem castellum est.

**QVATVOR**, *quattuor*. Alterum diplasiasmus poeticus est, quamlibet Aldus ubique restitui postulet. Est enim prima per se brevis. Ennius apud Ciceronem lib. 1. de Divin. cap. XLVIII.

*Cedunt per quattuor de coelo corpora sancta.*

Sic veteres libri, etiam Lambini: nescio autem, cur Gruteri & Gronouii editionibus transpositio facta sit *de coelo ter quattuor corpora sancta*. Perdunt enim metrum in vltima, dum in prima iuuare volunt. Et, si de hoc forte dubites, addo ex Martialis lib. xv. epigrammate LXIX.

Di-

*Diceris hac factus caelebs quater esse lagena.*

Ex Domitiani autem saeculo lapis Grut. pag. 631.

# QVATTVOR LIBER. BENEFICIO.

**QVERELA** & *Querella*. Geminatum tuerit Manutius ex lapidibus & Virgilii verustio illo codice. Papirianus grammaticus pag. 2290. *Querela* apud Latinos per unum L scribebatur, sicut *suadela*, *tusela*, *cautela*, *corruptela*: nunc autem etiam *Querella* per duo LL scribitur. Multa ex lapidibus exempla L geminati Manutius profert: pæne totidem, in Gruteri opere inueni cum L simplici, pag. 761. 10. 793. 9. 833. 3. 1142. 8. 1145. 8. quibus omnibus locis **QVERELA** scriptum est.

**QVERIMONIA**. Beda pag. 2343. *Queremonia* per duo E: reclinat analogia, *parsimonia*, *santimonia*, *alimonia*, *carimonia*.

**QVID QVID** vide supra pag. 23.

**QVINTVS**, *Quintus*; *Quintius*, *Quintus*; *Quintilius* & *Quintilius*; *Quintilianus* & *Quintilianus*. Manutius & Lipsius in his & defendunt ex Capitolinis lapidibus; & ex analogia, quia sicut a relinquo est *relictus*; sic *quintus* a quinque, Impugnant Turnebus xxx. cap. xxviii. & Dausquius in Orthographia. Sane *Quintus* multis in lapidibus: at non paucioribus inest *Quintius*, ut Gruteri Index priorum nominum conuincit: est *Quintilius*; sed sæpe etiam *Quintilius*: nec semper *Quintilianus*, verum etiam *Quintilianus* Grut. pag. 116. 3. pag. 877. num. 1. Nec vero & errori sculptorum, ut Turnebus, tribuo; sed credo, utramque scribendi rationem ex æquo fuisse usitatam. Græci quoque sine x transferunt Κοῦντιος & Κοῦντιλιος: vide Plutarchum in Flaminio, & Dionem lib. LVI. de Quintilio Varo. Ipsum *Quintus* etiam in lapidibus est. Gruter. pag. 768. **CATVLLAE QVINTAE**. Adde supra pag. 107. in *Femina*.

**QVOTIDIE**, *cotidie*. Lipsius posterius præfert: Manutius prius. Nihil vero agit Beda, quum pag. 2344. inter vtrumque distinguit, illud numeri; hoc enuntiationis vocans aduerbium. Sanior Cassiodorus pag. 2283. qui scripsit: *Quotidie: sunt, qui per co cotidie scribant, quibus peccare licet: desinrent, si scirent, Quosidie inde tractum esse a quot diebus, id est omnibus diebus.* Quintilianus lib. 1. cap. vii. *Quotidie, non cotidie, ut sit quot diebus.* Cum his etiam facimus, propter eandem rationem. Non enim dicimus *co* pro *quot*: non *cotannis* pro *quotannis*. Vtrumque tamen in usu fuit; sed *quotidie* magis. Papirianus pag. 2290. *Cotidie per C & O dicitur: per Q scribitur.* Tergestina autem inscriptione Gruter. pag. 408. **GOTIDIE BENE FACIENDO.**

**QVOTIES**, non *Quotiens*, ex aurium suauitate scribi iubet Manutius: etiam ex veteri hvide: **QVOTIES IN SENATVM IRET.** Contra tamen in quibusdam *quotiens*. Vide Gruter. pag. 715. n. 10. Distinxit temporibus Beda pag. 2343. *Quoties & toties sine N, licet veterer per N.* Idem de aliis numeralibus notandum est, ut *quadrages* in Ancyrano, sect. 11.

**QVVM**, *Cum*, causæ aut temporis. Quintilianus lib. 1. cap. vii. *Seruata a multis hac differentia, ut CVM, si tempus significares, per Q; si comitem, per C scriberetur.* Terentius Scaurus pag. 2261 *CVM quidam per Cum, nonnulli per Quom. Quidam etiam esse differentiam putant, quod propositio quidem per C, illo modo, cum Claudio, cum Camillo; aduerbium autem per Q deceat scribi, ut, quom legissem, quom fecissem. Quom autem est quum, quia veteres v v timide coniungebant, ut pag. 11. & 13. supra ostendimus. Et Velius Longus pag. 2231. hanc differentiam dicit ab antiquis maxime observatam;*

vt



ut pro adverbio temporis Q littera vterentur; C pro præpositione. Aliud enim esse *quum subito adfurgens*; aliud, *cum fluctu*. Veteribus quidem, quæ exstant, monumentis non facile *quum* inuenieris, sed Ancyrano sect. 111. CVM MAGISTRATVM INIRENT; & Reines. class. vi. infer. 91. CVM AGERET; eruditæ autem pæne multis discrimen illud, quod Fabius, Scaurus & Velius exposuerunt, placuit. Quos etiam illud mouit maxime, quod, si adverbium & præpositio concurrant, aliquid inconueniens oriatur; nisi discernas litteris: v. g. Cicero lib. 111. epist. vi. sect. 3. *cum illo cum loquerer*; & pro Archia cap. 1v. *ineunte, cum esses cum L. Lucullo in Ciliciam profectus*; & Spartianus Hadrïano cap. xvii. *cum pluribus summis cum pasceres*. Scio quidem Salmasium sollicitare hunc locum; res ipsa tamen & alibi potest contingere, ut adverbium cum præpositione concurrat, quæ nullo modo aptius discriminari possunt, quam si scribemus, *quum cum pluribus pasceres*: item, *quum cum illo loquerer*.

RAETIA sine H; ut supra pag. 45. probauimus. Addo C. uter. pag. 482. 5. *provinciarum* --- RAETIAE. MAVRET. CAESARIENS.

RECUPERARE, *Reciperare*. Festus *Recipe-ratio* scripsit, & a *Récipio* deduxisse videtur. Dausquius ex Mediolanensi inscriptione RECIPE-RAVIT. Et sic in multis libris. Sed alia quoque ita variant, ut *manubia* & *manibia*: utrumque in Ancyrano habemus. Alii ab *re* & *parare* trahunt, cum epenthetica syllaba *ci* vel *cu*; ut *du* est in *induperator*. Sane contra analogiam & *recipere* fit *reciperare*; bene autem *receptare*. Vt vero vsus *manubias* præfert; ita etiam *recupero*. Aut referas ad ea, quæ & *i* æqualiter ferunt; ut *libet* ac *libet*:

**REDITVS**, *Redditus* plurale, prouentus & lucrum ex agro, aut ueſtigalia, *les reuenus* Gallis. Qui geminant D, ad formulam *reddit ager*, respiciunt: vt Martialis lib. 11. epigr. xxxviii.

*Quid mihi reddat ager, quaris, Line, Nomentanus.*

Sed præſtat *Reditus* propter elegantiffimas locutiones, *pecunia redibat e metallis*, Nepos Themist. cap. 11. *ex qua regione L talenta quotannis redibant*, ibid. cap. x. Quid? quod Ouidius lib. 11. epist. 111. ex Ponto, in hoc ſenſu corripuit.

*At reditur iam quiſque ſuos amat, & ſibi quid ſi  
Vtile, ſollicitis ſupputat articulis.*

**RVFVS, RVFINVS**, Romana nomina, Fvno, in nummis & lapidibus. Vide Gruter. pag. 53. num. 1. & 705. 4. Et Vrfinus in Nummis Famil. pag. 174. **L. MESCINIVS RVFVS**.

**SAECVLVM**, diphthongo, nummi & lapides. Nummi ſane Domitiani plures **LVD. SAEC. FEC.** & Seueri, Caracallæ, Getæ **FELICITAS SAECVLI**: Albinus, **SAECVLO fecundo**: eiufdem & Pertinacis, **SAECVLO frugifero**: Seueri & Caracallæ **SAECVLARIA SACRA**. Ex ſenatus conſulto Gruterus pag. 328. **SAECVLARES**. Spon. Miſcell. pag. 165. ex Arelatenſi lapide, **SAECVLORVM**: & Romano pag. 272. *ſæcularia* & *ſæculi*. Non ergo curamus grammaticorum origines a *ſenex* vel *ſequi*, quæ etiamſi eſſent, tamen E breue adiecto A fuiſſet producendum.

**SAEPE**, aduerbium, diphthongo prima. Oratione Claudii pag. 502. Gruter. **SENIACSAEPE OCTONI**. Et pag. 654. 6. **GENERABATSAEPE**.

**SAEPIO**, *ſepire*, eadem diphthongo. Cenotaphio Lucii Cæſaris, **STIPITIBVSSAEPIA**.

PIATVR. Gruter, pag. 61. MACERIA Q.  
AREAM SAEPIENDAM: & pag. 864.  
4. SAXO SAEPTVM. Mediceus Virgilio  
codex variat: Aeneid. 1. vers. 411. SAEPSIT:  
& 439. *saepus nebula*: & vers. 506. *saepa armis*:  
alibi sine diphthongo. Er sic quoque *sapes* ac *sapi-*  
*mentum*.

SALLVSTIVS per LL lapides plurimi:  
& Horatius lib. 1. Sat. 11. vers. 48. qui produ-  
xit.

SALTEM, *Saltim*. Obscura origo, de qua  
Gellius lib. XII. cap. XIV. disputat, nihil autem  
inuenit, cui tuto insistat: Seruius ad Aeneid. IV.  
vers. 327. ex captiuorum formula, *salutem concede*,  
contractum dixit: quod a prioribus etiam memo-  
ratum, *nimis commenticium* Gellius dicit. Ianus  
Guilielmus lib. 1. Verisimilium cap. x *salsim* con-  
tendit scribendum esse, quia in MSS. illud sit: &  
Priscianus lib. XV. non in aduerbiis in *em*, sed in *im*  
exeuntibus recitet: idque analogia poscat, *stribim*,  
*cursum*, *casum*, *furtim*.

SATIRA, *Satura*, *Satyræ*. Casaubonus sin-  
gulari libro Romanam *satiram* a Græcorum *satyri-*  
*ca* poeti distinxit, &, ne vel notione vel scriptura  
confundantur, admonuit. Ios. Scaliger in Manilii  
lib. V. pag. 408 *Satura omnigeni argumenti poetis*:  
& SATVRA νόμος πολλά περιέχων, *Glossis*.  
*Cave legeris* (V. 474.) *satyro gestu*; ut *Satyræ* Lu-  
cili & Horatii per y scribendas putes. Vossius Cry-  
molog. *Saturam* cum Porphyrione & Diomede (lib.  
III. pag. 483.) *lancem* interpretatur, *plenam diuersis*  
*frugibus*. Addit Diomedes, olim carmen quod ex  
variis poematibus constabat, *saturam* dictum, ut  
Ennii, Pacuuii: post ita dictum, quod ad car-  
penda hominum vitia compositum est, ut Luci-  
lii, Horatii, Persii. *Saturam* & *Satyræ* distin-  
guat

guit Scaliger ut *maxumus* & *maximus*.

**SCENA**, *scena*. Manutius E simplex commendat, quia sit ipsa *σκηνη* Græcorum. Sic Reines. class. 11. infer. xxx. **SCENA**, & inscripta **LXXXIX. PROSCENIVM**, & ibidem **LVDIS SCENICIS**. Alibi plerumque per x. Gruter. pag. 172. 3. **PONE SCAENAM**. Sic & pag. 330. 23 655. 1, & ex Augusti ætate cenotaphio Cæsaræ, **LVDI SCAENICI**. Varro lib. vi. de LL. cap. v. *Obscenum dictum ab scena: ea ut Græci, ut Aelius scribit*, **SCENA**. In pluribus verbis *A* ante *E* alii ponunt, alii non. Consuetudinis ergo, non certæ rationis, illa diphthongus est, atque ita etiam *Obscenus* & *obsce-nus*; quia a *scena* secundum Varronem trahitur.

**SEORSVM**, non *seorsim*, quia a *se* & *vorsum*, *seu versum, versus*, Adi Vossium.

**SEPTENTRIO** cum *M*, non *N*, in lapidibus, quos Manutius exscripsit. Eadem compositionis ratio, quæ in *dumtaxat*. Vnum inuenio, si recte transcriptum, Grut. pag. 332. 4. **SEPTENTRIONIS**; sed prævalent contra hoc tria Manutiana cum *M*.

**SEPVLCRVM**. Cur adspiratio sit excludenda, dictum antea pag. 8. seq. Si auctoritate standum, plures lapides **SEPVLCRVM** habent, quam *sepulcrum*. Vide Gruter. pag. 333. 753. 789. 816. 7. Reines. pag. 291. & alia. Licet vero non desint saxa quædam quibus *sepulcrum* incisum est: ipsa tamen supra data ratio valentior est, nec aptius *sepulcrum* a *sepulsum* dicitur, quam *fulcrum* a *fultum* supino.

**SEQVOR** in præterito & participio ambigue, *secutus* & *sequutus*, ut in *Loquor* prædictum. Mar. Victorinus pag. 2460. *locutus*, *secutus per e*: quum quidam præcipiant ad originem debere referri, per q po-

*potius, quam per e hac scribenda.* Lapidēs plurimī per C referunt. *Secutus* Manutius pag. 798. *Servator* Gruter. pag. 334. 431. 561. *adsecutus* pag. 449. *subsecutus* pag. 832. 8. *consecutus* Manutius pag. 278. & Reinef. pag. 462. at *consequutus* Gruter. pag. 321. 10.

**SESE, SE SE.** In Caiano cenotaphio coniuncte: at antiquiore lapide Gruter. pag. 506. SE. SE semel interpuncta; post iterum coniuncta videntur.

**SESTIVS** patriciæ familiæ: *Sextius* plebeius nomen. Sic Manut. ex Capitolinis lapidibus, & Fulv. Ursinus Numm. pag. 262.

**SIDVS**, Latino I, non per Y. Est enim vox Latina; atque sic etiam Virgilius Medicus.

**SILVA**, sine y; ut antea pag. 6. 7. notatum. Inde nomen *Silvanus*, frequens in inscriptionibus, semper per I Latinum.

**SIMILLIMVS**, vide *Facillimus*.

**SINCERVS** sine y, libri veteres, præcipue Virgilianus codex Medicus. Supra pag. 6.

**SIQVIDEM** coniunctim, quia primam poetas corripunt: SI autem separatum, longum est. Vid. Ouid. Metam. x. 104. & xi. 219.

**SOBOLES**, *Suboles*. Prius largitur Aldus consuetudini, auribus indulgenti. At lapis Romanus & libri veteres *suboles*. Festus, *suboles ab olescendo, id est crescendo.*

**SOLEMNE**, & *Sollemne*, & *Solenne*. Primum est in aliquot lapidibus, Reinef. pag. 269. & cenotaphio Lucii Cæs. **SOLEMNIA**: sapius autem LL geminatur. Gruter. pag. 39. 5. ex vetusto fragmento, **SOLEMNI** cum precatōe: & pag. 121. f. **SOLLEMNE**. Virgilius ille vetustus semper *sollemnis*. Festus: *Sollemnia sacra dicuntur, quæ certis temporibus annisque fieri solent.*

Et

Et paucis interiectis in **SOLLO**: *Sollo* *Osce* dicitur id, quod nos totum vocamus. --- *Sollers* etiam in omni re prudens: & *Sollemne*, quod in omnibus annis præstari debet. De **MN** Manutius: In hoc plus antiquitati demus, quam analogiæ.

**SOLLERS** etiam **LL** duplici, quia a *sollo*, uti iam vidimus in *Sollemne*. Sic & Virgilii codices, Vaticanus & Florentinus: sic lapides quoque exscripti a Manutio.

**SOLLICITVS**, itidem **LL** duplicata in lapidibus. Manut. 727. *solliciti*; & pag. 497. & 736. *sollicitare*: sed hoc utrumque in metro est. Festus autem a *solum*, id est locus; & *cito*, ex *cio*: quasi sit loco mouere aut de sententia: & sic vno **L** scribetur.

**SQVALEO**, vno **L**, libri veteres, & lapis Romanus (Manut. in *facere*) **SQVATORE FOEDATVM**.

**STILVS**, *Stylus*. Plures per *y* scribunt, quia sit a *σῦλος*, *columna*: nec vero etymy ratio bene conuenit. Strabo quidem lib. xiv. pag. 446. ὁς ἦρξε τῷ Ἀσιανοῦ λεγομένου στύλῳ, *princeps styli Asiatici*: sed dubium, a Græcis an Latinis dictionem acceperit. Sic *stipes* idem sonat quod *σῦπος*: nec tamen *styper* scribimus, sed *stipes*. Nec Varro lib. iv. extremo ad *στύπος* in etymo, ut ut eiusdem notionis est, respexit, sed a *stipando* duxit: hoc a *σείβω*. Quanto minus *stilus* erit a *σῦλος*, ubi discrepat significatio? Ideo aliis *stilus* vox pure Latina est, saltim Latinitate donata, atque ita Latino I scribenda. Vide supra pag. 6. 7. Glossæ quoque veteres, γραφεῖον, *stilus*, littera I Latina.

**SVLLA**, *Sylla* Lapides Capitolini, & alii, Gruter. pag. 294. & 398: & nummi gentis Corneliæ apud Vrsinum pag. 88. **SVLLA**: Græci Συλ-

Σύλλας, quos Aldus sequitur. Adde supra pag. 7.

**SVLPHVR**, *Sulfur*. Vossius Etymol. *sulfur* mauult, quia sit Latinum: Manutius *sulphur*, quia in Carpenſi & Vaticano Virgilii codd. sit *sulpur*; uti etiam *triumpus* veteres scripserunt.

**SVMSI**, *sumpsi*; *sumtum*, *sumptum*. De his aetum supra pag. 21. 22. Adde Marii Victorini iudicium, ex pag. 2466. *Sumſit*, & *inſumſit*, *deſit*, *ſine dubio per MS ſcribetis* --- *nec conſumptum*, *nec emptum*, *nec redemptum per PT ſcribetis*: ſed, *ut ego ſcripſi*, *iuxta MT ponetis*.

**SVPELLEX**, vno P, quamvis in libris quibusdam geminetur. Manutius duas inſcriptiones adfert, **CAESARIS A SVPELLECTILE**. Poetæ etiam corripunt, niſi epentheſi opus eſt. Horat. 1. Satir. VI. 118.

--- *cum patera guttus*, *Campana ſupellen*.

**STNODVS**, *Synodus*. Manutius adſpirat, ad duos lapides, quibus **SYNHODI** legatur, prouocans. Malim *synodus*, ob rationes pag. 45. propoſitas. Obiicitur *methodus* ab Aldo: ſed in hac voce ſpiritus litteram T, non vocalem adſcit, ut Græcum θ. exprimatur: quamvis hoc etiam propter adſpiratam eſt.

**TAEDA**, *Teda*. Diphthongus a Græca origine eſt, δῆας ſive δαῖς, accus δᾶδα, *fax*.

**TAEDET**, eadem diphthongo. Lapis Beneventanus, **POPVLI TAEDIA SEDAVIT**. Sic etiam libri veteres.

**TAETER**, *Teter*. Diphthongus eſt Medicei Virgilii; & in lapide Grut. pag. 658. **TAETRA ORA**, id eſt ſqualida regione.

**TENTA**, Feſtus ſine H: & Aſconius in Cic. de Urb. præſt. pag. 108. a *tendendo* ſecundum aliquos dici tradit.

**TENTO** præfero alteri *Tempo*, quod libri multi

ci

ti tenent. Est enim frequentativum a *Teneo*, supino *tentum*. Inscriptio Tito Casari dicata INTENTATAM. Marius Victorinus pag. 2466. *nec temptat, attemptat scribetis vitiose, sed, ut ego scripsi, iuxta MT ponetis*. Alio ramen lapide apud Manutium TEMPTAVERIT: & sic in multis scriptis libris.

*THEODERICVS* & *Theodoricus*: utrumque in lapidibus apud Gruterum, illud pag. 1082. hoc pag. 152. Sed præstat prius, quia non a *Theodorus*, ex *θεός* & *δωρον* est, sed ex Teutonico *Teuterich* seu *Dieterich*.

*TIBERIS* fluuius per I, non Y. Multæ inscriptiones exstant, quibus cura RIPARVM TIBERIS memoratur. Vide Manutium & Gruter.

*TINGO*, *Tinguo*. Fl. Caper pag. 2246. *Tingere dicendum est, non Tinguere*. Priscianus utrumque admittit lib. x. pag. 881. *Tinguo vel Tingo, tinxit*. Addit tamen V non facere syllabam. Analogia pro priore est; *lingo, fingo, pingo*. Libri tamen manu scripti sæpe *tinguo*, quos imitatur Manutius. Glossus *Tingo* & *Tinguo* est: utrumque *βάνω* vertitur.

*TIRO*, non *Tyro*, Pandectæ Florentini: & Gruter. pag. 358. 3. *TIRONVM*: Manut. *tyro* præfert, spuria inscriptione deceptus. Vid. Voss. Etiam Glossæ I Latiani *Tiro* habent. Latinum enim est, sine origine Græca.

*TORVS* sine adspiratione, libri veteres & Virgilii vetustissimus codex: etiam lapis apud Aldum, *TORVM seruauit casta mariti*.

*TOTIES*, *totiens*: vide *Quoties*.

*TRICESIMVS*, non *Trigesimus*. Vide *Vicesimus*.

*TRIUMPHVS*, olim *Triumpus*, ut Cicero in



in Oratore cap. XLVIII. notauit. Plerique autem triumphus, etiam ante Ciceronem. Inscriptione Mario facta pag. 436. *triumphans*, & *triumphauit*, & *ueste triumphali* legitur. Et de Decio Samnitum virore, TRIVMPHANS. Postrema ætate, id est Constantinorum, scripserunt *Triumfator*, ut in illorum monumentis est.

TROPÆVM sine adspiratione, quia Græcum est *τρόπαιον*. Vide supra pag. 8.

TVS, sine adspiratione libri veteres, Virgili præsertim: & quamvis grammatici quidam a *ῥύω* deriuent, ac ea de causa per *sb* scribendum existiment; tamen id minus certum est, & Carisus lib. 1. pag. 58. huic adspirationi reclamatur. TVS, inquit, *a tundendo, sine adspiratione; dicitur: quamuis Iulius Modestus ἀπὸ τῆς ῥύειν τράχυν* dicat.

TVSCIA; Tusci, libri & lapides sine adspiratione. Capitulinis lapidibus, DE TVSCEIS. Medio æuo corrector TVSCIAE in multis inscriptionibus.

TVSCVLVM, Tusculanus, etiam sine H, libri ac lapides.

VALETVD, Valitudo. Vtrumque in libris. Hoc analogia nititur, quod a *valitum* supino est: illud auctoritate Horatii, 11. Serm. 11. 88. & 1. Epist. 14. 10. & veteri inscriptione Gruter. pag. 926. 8. INOFFENSA VALETVD. Vrsinus gentis Acilix nummum profert, ejus & Manutius meminit, inscriptus M' AGILIVS. III. VIR. VALETV.

VENEO, id est vendor, sine diphthongo Pandectis Florentinis: & lapide Romano, Hoc monumentum cum aedificio neque VENIET neque denabitur: pro venibit. Et pag. 961. 4. Gruter. Hoc monumentum VENIRE non licebit.

VERSVS, *versum*, non *Vorsus*, *vorsum*; & sic etiam

etiam *Adversus*. Archaismus enim est *vortere* pro *vertere*: qualia in Plauto multa sunt. Quintilianus lib. 1. cap. vii. *Quid dicam vortices & vorlus, ceteraque ad eundem modum, quæ primo Scipio Africanus in E. litteram secundam vertisse dicitur?*

**VICESIMVS**, *Vigesimus*. Vulgo permutantur, habenturque pro eisdem: at meliores libri semper *viceſimus*: ideoque Daufquius alterum, *vigesimus*, dixit *reticulum* videri: cetera enim ab *viginti*, C habent, *vicies*, *viceni*: ergo etiam *viceſimus* per C scribatur. *Viceſimus* antiquum & durum Manutio.

**VINDICO**, non *Vendico*: est enim cognatum nomini *Vindex*. Nec licet inter notiones discernere, quum *Vindico* utramque sustineat. Vide Priscianum lib. xviii. pag. 1208.

**VIRGILIVS**, *Vergilius*. Illud Pierius ad extremum Georgicorum; hoc Politianus Miscell. cap. LXXVII. uterque grauib. argumentis defendit. Manutius facit cum Pierio, quia in monumento, Claudiano poetæ factò, **BIPPIAIOIO**, legatur: & Calui versus I, non E, respiciat:

*Et vates, cui virga dedit memorabile nomen  
Laurea.*

**VNGO**, *Vnguo*. Veteres libri *Vnguo*: fauente deriuata *unguen*, *unguentum*. Priscianus lib. x. pag. 881. **VNGVO** *Nisus*, *Papirianus* & *Probus* tam *ungi* quam *unxi* dicunt *facere præteritum*: --- *Dicimus Vngo, unxi, Lingo, linxi, & Pingo, pinxi*. Velius Longus pag. 223. dicit Virgilium scripſiſſo. *Vngere tela manu*: & cur minus *unguo* sit dicendum, probat ex analogis *pingo, pinxi, fingo, finxi*. Adde Servium in Aeneid. ix. 773.

**VNQVAM**, *Vnquam*. Plures scribunt *unquam*: & sic in vet. inscr. apud Manutium pag. 497. (Gruter. 607. 4.) **NON VNQVAM**. Qui vero

vero *numquam* scribunt; quod supra Manut. defendit, eos ratio *urget* etiam *umquam* scribere. Priscian. enim lib. xvii. pag. 1058. illud ex hoc compositum abnegativum dicit: quemadmodum *nullus*, ex *vlus*; *nusquam*; ex *usquam*. Libri curatius emendati habent *umquam*; Virgilii, & aliorum.

**VRGEO**, *Vrgueo*. In pluribus manuscr. est *urgeo*, *urget*, Velius Longus pag. 2223. *Animadvertimus, quibusdam partibus orationis V litteram vitiose insertam, ut in eo quod est Vrguere: itaque testis Virgilius, qui ait (Aeneid. vi. 561.) Vrgentur pennis*. Nostri autem libri curatiores habent *urguentur pennis*: quemadmodum etiam *Vnguere tela* Aen. ix. 773. ubi itidem Velius *Vngere* in suo, ut dictum modo, legerat. Sic Prudentii scripti codices Carth. x. 60. *sopor urget*: & Peristeph. i. 43. *pestis urguebat fidem*. In Pandectis etiam lege iii. de Negotiis gestis §. 10. *necessitate urgente*: & leg. vlt. de Iudiciis *re urgente*. Parmensis inscriptio, **VRGVENTE FATO**.

**VVLCANVS**, *Volcanus*. Manutius amat posterius, quia utroque Virgilio, Carpenſi & Vaticano, sic *Volcanus*; & Calendario veteri **VOLCANO** D. D. Fugiebant olim vv geminam Latini, ut supra pag. 11. 12. notatum fuit; quæ consuetudo postea nonnullis hæsit antiquitatis causa, ut tamen etiam in optimis libris *Vulcanus* legatur, & in Appendice Reinesii Inscript. 39.

L. MATERNVS OPTATVS VVLCANO  
AVG. SAGRVM

*Finis Orthographiæ Latine  
Christophori Cellarii.*

# CATALOGO

## DE' LIBRI STAMPATI

*E che si trovano in maggior numero presso  
Giuseppe Bettinelli Librajo in Merceria  
al Secolo delle Lettere.*

- A** Cripanda Tragedia del Sig. Decio da Horte 12.  
Avvertimenti per Speciali del Melichio 4.  
A' Santa Francisca Thesaurus Biblicus fol. vol. 2.  
Avvenimenti Amorosi delle Persone di Condizione ,  
o sia Cupido in Bagno Novelle Spagnuole tradotto  
dal Francese 12. sotto il torchio .  
Azioni del B. Giovanni Gradenigo Discepolo di S. Ro-  
moaldo dell' Ordine di S. Benedetto Istitutore de  
Monaci , e degli Eremiti Camaldolesi 4. 1731.  
Barbosa de Officio & Potestate Parochi 4.  
Bottega de' Chiribizzi 12.  
Brame del Divino Ajuto espresse da un' Anima Pecca-  
trice nei sette Salmi Penitentiali , Glosati dal P.  
Gioseffoantonio Biave Bellunese Min. Conv. 4.  
Caccia del Raimondi compendiata dal Bardi 4.  
Caratteri delle Passioni del Signor della Chambre 12.  
vol. 5.  
Cassiodori Opera Omnia fol. vol. 2.  
Cristiano Instruito nella sua Legge del P. Paolo Segne-  
ri della Compagnia di Gesù 4.  
Cirurgo in Pratica di Filippo Masiero 8. figur.  
Comicioli Phlebotomiæ usus & abusus nec non Reme-  
dia ministrandi Ratio ad examinis Revocata 8.  
Di-

- Dicerie Poetiche del Caraffa 12.  
 Epilogo de Dogmi del Cardinal Mazarini 12.  
 Economia del Cittadino in Villa del Signor Vincenzo  
 Tanara coll'aggiunta delle qualità del Cacciatore del  
 lo stesso Autore decima edizione 4. Venezia 1731.  
 Engel Collegium Universi Juris Canonici fol. sotto il  
 torchio.  
 Fabri Philosophia Naturalis 4.  
 Flos Sanctorum secondo 4.  
 Galleria delle Donne Celebri del Pona 12.  
 Guida Geografica del Passerone 12.  
 Guida Fedele di Gerusalemme 8.  
 Grammatica Francese del Ferri 8.  
 Gavanti Thesaurus Sacrorum Rituum 4. ultima edi-  
 zione.  
 Gare de Disperati 12.  
 Horatii Opera ad usum Delphini 4. vol. 2.  
 Historia delle Crociate per la Liberazione di Terra  
 Santa del P. Luigi Maimburgo della Compagnia di  
 Gesù tradotto dal Francese 12. vol. 4.  
 Juvenalis Satiræ 32. Amstelodami.  
 Istruzione a Sacerdoti del Molina 8.  
 Istoria del Regno di Luigi XIV. Re di Francia e di  
 Navarra tradotto dal Francese nell' Italiano 4. vol. 4.  
 Laiman Theologia Moralis fol. sotto il torchio.  
 Mastrio Theologia Moralis fol. ultima edizione.  
 Meditazioni del P. Luigi da Ponte della Compagnia di  
 Gesù 8. vol. 6. ultima edizione accresciuta e cor-  
 retta.  
 Memorie della Vita del Cardinal Morosini 4.  
 Mezzi per Assicurare la sua salute e disporla ad una  
 santa morte di un Religioso Barnabita, tradotto  
 dal Francese 12. vol. 2. sotto il torchio.  
 Manuale di Meditazioni Devote del P. Gio: Busco  
 della Comp. di Gesù 12. vol. 2. nuova edizione.  
 Manna dell' Anima, ovvero esercizio facile insieme, e  
 frut-

- fruttuoso per chi desidera in qualche modo di attendere all'Orazione, del P. Paolo Segneri della Compagnia di Gesù 12. vol. 5.
- Nieupoort Rituum qui olim apud Romanos obtinuerunt succincta explicatio 8. figur. 1731.
- Nieupoort Historia Reipublicæ & Imperii Romanorum ab urbe condita ad annum urbis 727. quo Octaviano Cæsaris summa Imperii cum nomine Augusti delata fuit 8. vol. 2. figur. 1732.
- Opere di S. Francesco di Sales con l'aggiunta della Cantica 4. Venezia 1732.
- Ovidii Epistolæ, Fasti, Tristi, & de Ponto cum notis Minelli 12. vol. 2.
- Osservazioni degl' Angeli del Bovio fol.
- Poesie del Co: Fulvio Testi 12.
- Proprinomio Evangelico 4.
- Penitente Istruito 12.
- Quaresimal del P. Paolo Segneri 4.
- Riflessioni Politiche del Vernage 12.
- Stratonica dell' Affarino 12.
- Trattenimenti Civili del Venantii 4.
- Vite de Pontefici del Platina 4. ultima edizione completa.
- Varotarii Lacrymarum Davidicæ 4.
- Victoris Vitenfis Episcopi, Historia Persecutionis Vandalicæ cum notis Theoderici Ruinart Congregationis S. Mauri 4. 1732.

201 1463088









xxxvii  
C 00

81  
XX